

Л. В. БАРЫШЕВА да А. С. МОЗЫМОВА

**ИЗЛОЖЕНИЕ  
ГИЖӨМ ВЫЛӨ  
СТАТЬЯЯСЛӨН  
СБОРНИК**

НАЧАЛЬНОЙ КЛАССЪЯССА  
УЧИТЕЛЬЯСЛЫ ПОСОБИЕ



Л. В. БАРЫШЕВА да А. С. МОЗЫМОВА

ИЗЛОЖЕНИЕ  
ГИЖӖМ ВYЛӖ  
СТАТЬЯЯСЛӖН  
СБОРНИК

НАЧАЛЬНОЙ КЛАССЪЯССА  
УЧИТЕЛЬЯСЛЫ ПОСОБИЕ

МӖд издание

КОМИ КНИЖНОЙ ИЗДАТЕЛЬСТВО 1975



## ВОДЗКЫВ

«Изложение гижом выло статьяслон сборник» лосьодома начальнй классьясын уджалысь учительяслы. Сборнико пыртма статьяссö роч да коми писателяслон произведениеясысь, газетьясысь да журналъясысь, а öткымынъясöс авторьяс лосьодисны асьныс.

Унджык висьтыс сборникын сюжетнй. Эмось и описательнй статьяс.

Став материалсö юклöма классьяс выло. Быд статья помö сетöма кывъяс, кодъясöс колö учительлы объяснитны да гижны дöска выло.

Первой класслы текстьяс помö сетöма вопросьяс, а мöд да коймöд классьяслы — план. Сысысь кындзи, уна висьт помö сетöма задание, кони индöма, кутшöм удж бурджык нуöдны сйö либö мöд текст кузя. Шуам, висьтавны содержаниесö, гижны изложение веськыд сёрнитöг либö веськыд сёрни пыртöмön, однороднй членьясön либö натöг да мукöд пöлöс уджъяс.

Сборникын материалсö сетöма медсясö изложение гижом выло. Но эмось гырысь текстьяс, кодъясöс колö сöмын план серти висьтавны. Например: «Будённйлön ус», «Тöлын вуграсьöм», «Щорс йылысь висьт» да мукöд.

Быд классын изложение нуöдсьö разнй ногön.

Первой классын мöд во джынйын колö нуöдны нин изложение. Танй челядь гижöны сöмын вопросьяс выло öтветьяс. Вопросьяссö колö водзвыв гижны дöска выло, кывъясыслысь гижанногоö объяснитны да гижны дöска выло жö, петкöдлыны, кыдзи найöс колö вуджöдны öти строкаысь мöдö.

Мöд классын челядь первой велöдчöны гижны вопросьяс выло öтветьяс сйö кывъясön, кодьяс эмось вопросьясас. Сэсся вопросьяс выло öтветьяссö гижöны мукöд кывъяс содталöмön. И медбöрын, öти вопрос выло велöдчысяс öтветитöны некымын предложениен.

Коймод классын челядьос колö велöдны гижны подробной изложение. Подробной изложение нуодсьö тадзи:

1. Учитель лыддьö текстсö да нуодö беседа.

2. Лöсьöдöны план.

3. Уджалöны кывъяс да кыв сочетаниеяс вылын.

4. Учитель лыддьö текстсö выль пöв да гоз-мод велöдчысь висьталöны текстлысь содержаниесö.

5. Велöдчысьяс гижöны изложение.

Первой да мод классьясса велöдчысьяслы учитель сетö готöвöй план. Коймод классын плансö лöсьöдöны коллективной, позьö тшöктыны лöсьöдны плансö велöдчысьяслы аслыныс.

Плансö позьö лöсьöдны разной ногон: вопросительной, повествовательной да назывной предложениясөн. Медся кокни план лöсьöдны вопросительной предложениясөн (первой да мод классьясын плансö колö лöсьöдны вопросительной предложениясөн).

Сборникын текстьяссö сетöма тырмымөн, сы вöсна учитель вермас бöрийны сэтшöм текстьяс, кодьяс медся ёна лöсьалöны велöдан темалы.

# 1 класс

---

## МИЯН КЛАСС.

Миян классным ыджыд да югыд. Дежурнӧйяс пыр следитӧны пӧрадок бӧрся. Миян классын уна цветъяс. Найӧс ми асьным садитӧм.

Кы в ъ я с: *следитны, пӧрадок, цветъяс.*

### **Вопросъяс.**

1. Кутшӧм миян классным?
2. Мый вӧчӧны дежурнӧйяс?
3. Мый эм классын?
4. Коді садиталис цветъяссӧ?

## ЧЕРИ.

Воыскӧд Витя муніс чери кыйны. Налы шедіс уна чери. Асывнас мамыс пӧжаліс черинянь.

Кы в ъ я с: *шедіс, черинянь.*

### **Вопросъяс.**

1. Кодкӧд Витя муніс чери кыйны?
2. Уна-ӧ чери шедіс налы?
3. Мый пӧжаліс мамыс?

## ИЧӦТ УР.

Маша ордын оліс ур. Урсӧ Машалы пӧдаритісны детинкаяс. Ур быдмис. Маша лэдзис сійӧс вӧрӧ. Ӣна радліс ур!

Кы в ъ я с: *лэдзис, сійӧс.*

### **Вопросъяс.**

1. Коді оліс Маша ордын?
2. Коді пӧдаритіс Машалы урсӧ?
3. Кытӧ лэдзис сійӧс Маша?

### **Задание.**

Висьталой, кутшом зверьяс олоны мян ворясын.

### **КЫК ПУ.**

Таня да Алёнка локтисны школао. Пионерьяс сетисны налы кык пу. Пуяссö нывкаяс садитисны школа дворö.

Кы в ъ я с: *пионерьяс, пуяссö.*

### **Вопросьяс.**

1. Кытчö локтисны Таня да Алёнка?
2. Мый сетисны налы пионерьяс?
3. Кытчö найö садитисны пуяссö?

### **ВÖРЫН.**

Челядь мунисны вөрö. Вера да Люба вотисны оз. Надя да Таня пырисны вөрö. Сэни быдмисны цветьяс. Нывкаяс чукöртисны мича цветьяс.

Кы в ъ я с: *чукöртисны, сэни.*

### **Вопросьяс.**

1. Кытчö мунисны челядь?
2. Мый вотисны Вера да Люба?
3. Мый чукöртисны Надя да Таня?

### **ЕРТЪЯС.**

Володя да Сеня мунисны ю дорö. Детинкаяс кутисны вуграсьны. Сеня кыйис ёкыш. А Володялы шедис сир. Черияссö детинкаяс пуктисны öти дозийö.

Кы в ъ я с: *ёкыш, сир.*

### **Вопросьяс.**

1. Кытчö мунисны Володя да Сеня?
2. Мый кутисны вöчны детинкаяс?
3. Мый кыйис Сеня?
4. Мый шедис Володялы?

### **КАТЯ ДА МАША.**

Асывнас Катя мунис тшак вотны. Сьöрсые сийö босьтис Машаос. Маша вöли ичöтик. Ковмис вуджны паськыд шор. Катя кошельöдис Машаос да вуджис шор вомöн.

*Л. Толстой серти.*

Кы в ъ я с: *тшак, вуджны.*

### **Вопросъяс.**

1. Кытчö муніс Катя?
2. Кодöс сійö босьтис сьöрсьыс?
3. Мый ковмис налы вуджны?
4. Кыдзи Катя вуджöдіс Машаöс шор вомöн?

### **Задание.**

Точкаяс местаö гижöй колана букваяс: **мун...с, с...йö, босьт...с, вöл..., ичöт...к.**

### **КАТШЫС ПОН.**

Бывлаын котраліс Катшыс пон. Челядь вöчисны сылы чом. Чомыйс артмис лöсьыд. Сэтчö вольсалісны важ эшкын. Шоныд лои Катшыслöн чомыйс.

*«Пионерскöй правда» газетысь.*

К ы в ъ я с: *чом, эшкын, вольсалісны.*

### **Вопросъяс.**

1. Кöні котраліс Катшыс?
2. Мый вöчисны челядь?
3. Кутшöм лои чомыйс?
4. Коді сэні кутіс овны?

### **МЕДСЯ БУР.**

Живöй уголокын эмöсь зверьяс, лэбачьяс, черияс. Сэні оліс весиг ур. Но челядь медся ёна радейтисны Шарик понйöс. Сійö вöлі зэв кывзысьысь да бур.

*«Пионерскöй правда» газетысь.*

К ы в ъ я с: *лэбачьяс, кывзысьысь.*

### **Вопросъяс.**

1. Кодъяс олöны живöй уголокын?
2. Кодöс медся ёна радейтисны челядь?
3. Мыйла найö радейтисны понйöс?

### **Заданиеяс.**

1. Висьталöй, кутшöм животнöйяс эмöсь гортаныд.
2. Точкаяс местаас гижöй колана букваяс: **л...бачьяс, з...в, рад...йтисны.**

### **ЕЖ.**

Сашалы да Машалы пöдаритисны мичаник ёжöс. На ордын сійö оліс гожöмбыд. Ёж велаліс челядь дінö.

Найö зэв ёна радейтисны ёжöс. Челядь вердисны сійöс няньöн да йöлöн.

М. Быкова серти.

Кы в ъ я с: *гожöмбыд, няньöн.*

**Вопросъяс.**

1. Кодъяслы пöдаритисны ёжöс?
2. Кöни сійö оліс гожöмбыд?
3. Код дінö велаліс ёж?
4. Кодöс радейтисны челядь?
5. Мыйöн найö вердионы ёжöс?

КОНЬКИ.

Мам меным ньöбис коньки. Ме вöлі зэв рад. Конькиаси да петі ывлаö. Воськовті, и пыр жö уси. А лун-мöд мысти ме бура нин кужи иславны конькиöн.

Кы в ъ я с: *коньки, воськовті, лун-мöд.*

**Вопросъяс.**

1. Мый ньöбис мамыс?
2. Кытчö петіс зонка?
3. Кыдзи сійö ислаліс конькиöн первойсö?
4. Кор сійö велаліс иславны конькиöн?

**Заданиеяс.**

1. Висьталöй, эм-ö тіян сиктын (либö карын) каток.
2. Кöни ті ислаланныд төвнас?

ШКОЛАÖ МУНТÖДЗ.

Люся чеччö водз. Вöчö зарядка. Мыссö да весалö пиньсö. Идралö ассьыс кроватсьö. Шыльöдö юрсисö. Сэсся завтракайтö. Завтракайтöм бöрын пасьталö школьной форма. Сэсся пальтоасьö да муно школаö.

Кы в ъ я с: *чеччö, зарядка, мыссö, ассьыс, пальтоасьö.*

**Вопросъяс.**

1. Кор чеччö Люся?
2. Мый сійö вöчö чеччöм бöрас?
3. Кытчö сійö муно завтрак бöрын?

ДЕТСКÖЙ САД.

Частö октябрыта ветлывлöны совхозса детскöй сад-йö. Найö вöчалöны челядьлы чачаяс, ворсöны накöд. Лöсьыд ворсны посни челядькöд.

Кы в ъ я с: *октябрыта, детскöй сад, посни.*

### **Вопросъяс.**

1. Кытчö ветлывлöны октябрыта?
2. Мый найö вöчöны детскöй садьын?

### **Задание.**

Висьталöй, ветлывланныд-ö тi детскöй садьö. Ветлывланныд кö, мый сэнi вöчанныд?

### ГОЖСЯ АСЫЛЫН.

Водз асыв. Вөр сайысь тыдовтчис шондi. Ловзис вөр. Мöдiсны сывны лëбачьяс. Заводитiсны уджавны став вöрса олысьяс.

Кы в ъ я с: *вөр сайын, вöрса олысьяс.*

### **Вопросъяс.**

1. Кытысь тыдовтчис шондi?
2. Мый кутiсны вöчны лëбачьяс, вöрса олысьяс?

### ГРАД ЙÖР.

Совхозлөн муыс паськыд. Сэнi быдмö быд сикас пуктас. Гожöмнас ми киськалiм капуста да öгурцы.

Кы в ъ я с: *öгурцы, киськавны.*

### **Вопросъяс.**

1. Кутшöм огородыс совхозлөн?
2. Мый сэнi быдмö?
3. Мый челядь киськалöмаöсь гожöмнас?

### **Задание.**

Висьталöй, мый быдмö тiян школаса град йöрын.

### ДЕД ДА ЧЕЛЯДЬ.

Тöрыт öшинь улын дед поткöдлiс пес. Талун тэчис пессö. Сэсся кöсйис роскөн чышкыны ёгсö. Сэтчö локтiсны челядь. Найö отсалiсны дедлы чышкыны öшинь увсö да нуны ёгсö.

Кы в ъ я с: *öшинь улын, тэчис, сэсся, ёг, сэтчö.*

### **Вопросъяс.**

1. Мый вöчис öшинь улын дед?
2. Кодьяс сэтчö локтiсны?
3. Мый челядь вöчисны?

### **Задание.**

Висьталöй, кызi тi отсаянныд гортад мам-батьлы.

## РУЧ.

Руч муніс вөрөд. Друг сійө кыліс яй дук. Котөртіс руч сыланьө. Сійө шедіс капканө.

Кы в ъ я с: *яй дук, шедіс.*

### **Вопросъяс.**

1. Кыті муніс руч?
2. Мый сійө кыліс?
3. Кытчө котөртіс руч?
4. Мый лои сыкөд?

## ЖУЧКА.

Вөлі төв. Войнас чужисны кроликпнян. Төдлытөг өти кроликпи уси клеткасыс лым вылө. А орччөн вөлі Жучка понлөн чомйыс. Кроликписө сійө нуис аслас чомйө. Войбыд Жучка ас бердас шонтіс сійөс. Тадзи кроликпи коли ловъя.

*«Пионерской правда»* газетсыс.

Кы в ъ я с: *кроликпнян, орччөн, войбыд, ловъя.*

### **Вопросъяс.**

1. Кор чужисны кроликпнян?
2. Мый лои өти кроликпикөд?
3. Коді кроликписө нуис чомйө?
4. Кыдзи сійөс спаситіс Жучка?

## СЫКТЫВКАР.

Сыктывкар — Коми республикалөн столица. Сійө сулалө Сысола ю берегын. Сыктывкарын уличаясыс пасыкыдөсь. Улича бокъясын быдмөны пуяс. Керкаясыс джуджыдөсь да мичаөсь.

Кы в ъ я с: *Сысола, джуджыдөсь.*

### **Вопросъяс.**

1. Кутшөм кар лөб Коми республикалөн столицаөн?
2. Көні сійө сулалө?
3. Кутшөмөсь Сыктывкарын уличаясыс?
4. Мый быдмө улича бокъясын?
5. Кутшөмөсь керкаясыс?

### **Задание.**

Висьталөй, кутшөм карын либө сиктын ті оланныд, кутшөм джык сійө.

## МИЯН РӨДИНА.

Миян Рөдина ыджыд да озыр страна. Миян страна-ын олөны разнөй сёрниа йөз. Найө олөны да уджалөны дружная. Ми радейтам ассыным Рөдинаөс.

Кы в ъ я с: *Рөдина, разнөй сёрниа йөз.*

### **Вопросъяс.**

1. Кутшөм миян Рөдинаным?
2. Кутшөм йөз олөны миян странаын?
3. Кыдзи найө олөны да уджалөны?

## КАНЬПИ.

Вася да Катя — чоя-вока. Налөн вөлі кань. Тулыс-нас каньыс воши. Челядь ёна корсисны, но некытысь эз аддзыны.

Отчыд найө ворсисны сарай дорын да друг кылісны нявзөм. Вася кайис сарайө.

Сэтысь сійө аддзис ассыс каньсө. Сылөн чужөма вит каньпи. Катя котөртліс гортас да вайис йөв.

*Л. Толстой серти.*

Кы в ъ я с: *чоя-вока, некытысь эз аддзыны, нявзөм, каньпи.*

### **Вопросъяс.**

1. Кодлөн вөлі кань?
2. Мый лои канькөд?
3. Кытысь кылісны Вася да Катя каньлысь нявзөмсө?
4. Кытчө кайис Вася?
5. Кодөс сійө аддзис?
6. Мый вөчис Катя?

## ИЧӨТИК ЛЬӨМ ПУ.

Сад помын быдмис ичөтик льөм пу. Сэтчө омөля веськавліс шонді. Сы вөсна пуыс вөлі зэв вөсньыдик да ичөтик.

Витя босьтіс зыр да перйис льөм пусө. Детинка садитіс сійөс мөдлаө: югыдинө. Виль местаын льөм пу кутіс бура быдмыны.

Кы в ъ я с: *льөм пу, вөсньыдик, югыдинө.*

### **Вопросъяс.**

1. Көні быдмис льөм пу?
2. Кутшөмджык вөлі льөм пуыс?

3. Мый вöчис Витя?

4. Қызди кутис быдмыны льом пуыс виль местаын?

### ПӨДРУГАЯС.

Лена, Миля да Тася мунисны вөрө чөд вотны. Вöрас Тася öти чөд тусь көрзинаас пуктö, а вомас ки тыр. Миля öти ки тыр көрзинаас, а мөд ки тыр вомас. А Лена став чөдсö көрзинаас пуктö.

Мөдөдчисны пөдругаяс гортас. Тасялөн вотöсыс көрзина пыдöсас, Милялөн — көрзина джынйыс, а Лена-лөн — көрзина тырыс.

П. Образцов серти.

Қы в ъ я с: чөд тусь, ки тыр, көрзина джынйыс.

### Вопросъяс.

1. Қытчö мунисны пөдругаяс?
2. Қызди вотчис Тася?
3. Қызди вотчис Миля?
4. Қызди вотчис Лена? Уна-ö сийö вотис?
5. Қод моз колö вотчыны?

### Задание.

Висьталöй, кытчö тi ветывланнуд гожся каникулъяс дырйи.

### ЕЛКА.

Воис Виль во. Школа залö сувтöдисны ыджыд ёлка. Сийö вöли зев мича. Челядь гажöдисны ёлкасö. Ёлка йылас кутис öзйыны гөрд звезда. Асьныс челядь пасьтасисны көчьясөн, уръясөн, ручьясөн да ошъясөн. Найö ворсисны, сылисны ёлка дорын. Ставныслы вöли зев гажа.

Қы в ъ я с: öзйö, пасьтасисны, көчьясөн.

### Вопросъяс.

1. Мый сувтöдисны залö Виль во дырйи?
2. Кутшөм вöли ёлкаыс?
3. Коді гажöдис ёлкасö?
4. Мый вöчисны ёлка дорын челядь?

### Задание.

Сетөм кывъясö гижöй в либö в знакъяс: көч...яс, ур...яс, руч...яс, ош...яс.

## ЛЫМ ЧИРЪЯС.

Пурга лантыс, пышйис водзё. Енэжыс лои сѳстѳм-сѳстѳм.

Ывлаын кѳдздѳдѳс. Толаясын шойччысь лым чиръяс топѳдчисны. Найѳ лоины еджыд лыа кодъѳсь, босътан киад да сѳдз и тюргоны чуньяс костѳдыд.

Кы в ъ я с: *лым чиръяс, енэж сѳстѳм-сѳстѳм, шойччысь, лыа кодъѳсь.*

### **Задание.**

Гижѳй свободнѳй диктант.

## ЖИВОЙ УГОЛОК.

Миян школаын эм живѳй уголок. Живѳй уголокын ѳти клеткаын олѳ кролик, мѳдын — ёж, коймѳдын — пинькай, а нѳльѳдын — морскѳй свинкаяс. Сѳнѳ эм и аквариум. Аквариумын олѳны гычыяс.

Живѳй уголокын дежуритѳны челядь.

Кы в ъ я с: *аквариум* — стеклѳысь вѳчѳм ящик, кѳнѳ олѳны черияс; *пинькай* — ичѳтик лѳбач.

### **Вопросъяс.**

1. Мый эм школаын?
2. Кодъяс олѳны клеткаын?
3. Кодъяс олѳны аквариумын?
4. Кодъяс дежуритѳны живѳй уголокын?

## КОРМУШКА.

Пуксис тѳв. Федя да Витя вѳчисны лѳбачьяслы кормушка.

Быд асыв школаѳ мунтѳдз детинкаяс котѳртлисны сѳтчѳ. Найѳ содтылисны нянь крѳшкияс, шыдѳс. Лѳбачьяс частѳ пуксъывлисны сѳтчѳ, кокавлисны сѳянсѳ.

Кы в ъ я с: *котѳртлисны, содтылисны, нянь крѳшкияс.*

### **Вопросъяс.**

1. Мый вѳчисны Федя да Витя?
2. Кор детинкаяс содтывлисны кормушкаас сѳянсѳ?
3. Кодъяс пуксъывлисны кормушка вылѳ?

## ВОЛОДЯ УЛЬЯНОВ.

Челядь дырйиис Володя Ульянов зѳв ѳна радейтлис ворсны ичѳтджык Оля чойыскѳд. Найѳ вѳчлисны садйѳ

чом да ворслісны сэні. Дружитліс Володя и мукөд челядькөд. Сійö вөлі зэв весел детинкаөн.

К ы в т я с: *челядь дырйиыс, чом, зэв весел.*

**Вопросъяс.**

1. Кодкөд радейтліс вороны челядь дырйиыс Володя?
2. Мый найö вөчлісны саядйö?
3. Кодкөд ещö дружитліс Володя?
4. Кутшөм детинкаөн вөлі Володя?

**ЧАВКАН ДА ГУЛЮ.**

Чавкан аддзис, мый гулюясөс бара вердöны. Сійö едждөдіс асьсө да пырис гулю позйö. Гулюяс первойсö чайтисны, мый сійö на кодь жö гулю, да лэдзисны сійöс. Но чавкан вунөдчис да ас ногыс горөдіс. Сэки гулюяс пондісны сійöс кокавны дай вөтлісны. Чавкан лэбзис чавканъяс дорö, но найö повзисны сыысь, сы вöсна мый сійö вөлі еджыд, да вөтлісны жö.

*Л. Толстой серти.*

К ы в т я с: *едждөдіс, лэдзисны, лэбзис.*

**Вопросъяс.**

1. Мыйла чавкан пөртчис гулюö?
2. Мыйла гулюясыс вөтлісны сійöс?
3. Мыйла эз примитны ас дінас чавканъяс?
4. Мыйö велөдö висьтыс?

**ПЫШКАЙ.**

Оля зэв ёна радейтö лэбачьясөс. Отчыд кызкө позйысь усьöма ичөтик пышкой. Оля босьтис сійöс да нуис гортас. Пышкой оліс нывка ордын. Сэсея сійö велаліс лэбавны.

Нывкалы жаль вөлі лэдзны пышкойсö. Но Оля лэдзис. Пышкой жбыркнитіс-лэбис вывлань.

*«Пионер» журналысь.*

К ы в т я с: *лэдзны, жбыркнитіс-лэбис.*

**Вопросъяс.**

1. Кодъясөс радейтис Оля?
2. Коді усьöма позйысь?
3. Кытчö Оля нуис сійöс?
4. Мый вөчис Оля, кор пышкой велаліс лэбавны?
5. Правильнө-ö вөчис Оля?

## НАДЯ ДА ЛИЗУК.

Надя — кукань видзысьлөн ныв. Лизук — еджыд кокъяса, лöz мышвыла кукань.

Надя мамыскöд частö вольтвлö картаö, отсасьö ид-расьны. Сійö радейтö куканьясöс, но медся ёна радейтö Лизукöс. И Лизук радейтö Надяöс, мелі синъясөн видзöдö нывка вылö да век нюжöдчö нюлыштны сійöс.

Кы в ъ я с: *кукань видзысь, лöz мышвыла.*

### Вопросъяс.

1. Коді сэтшöмыс Надя?
2. Коді сэтшöмыс Лизук?
3. Кодöс радейтö Надя?
4. Кодöс радейтö Лизук?

## ГЫЧПИ.

Витялы неважөн мамыс пöдаритіс аквариум. Сэні вöлі зэв мича чери! Эзысь гычпи — со кыдзи шусис сійö. Витя вердіс черисö, вежлаліс аквариумысь васö.

Вöлі ещö налөн Мурзик нима кань. Гöныс сьлөн вöлі руд, а синъясыс вижöсь. Мурзик ёна радейтіс видзöдны гычпи вылö. Кань частö пукавліс аквариум дорын да видзöдіс чери вылö.

*Н. Носов.*

Кы в ъ я с: *гычпи, Мурзик.*

### Вопросъяс.

1. Мый пöдаритіс мамыс Витялы?
2. Кутшöм чери оліс аквариумын?
3. Коді ещö налөн вöлі?
4. Мый радейтіс вöчны Мурзик? Кутшöм сійö вöлі?

## ЛЫМ КОЧ.

Луныс вöлі шоньд. Лымыйс уль. Челядь петісны ывлаö. Найö кутісны вöчны лымыйсь разнöй зверьясöс. Ичöтик Катя кöсйис вöчны кöчöс. Дыр сійö ноксис, но, лым чукöрысь кындзи, нинöм эз артмы. Отсалісны сылы гырысьджык челядь. Кöчыс артмис еджыд да кузь пеля.

Кы в ъ я с: *зверьяс, гырысьджык, кындзи.*

### Вопросъяс.

1. Кутшöм вöлі луныс?
2. Мый кутісны вöчны челядь?

3. Мый кӧсйис вӧчны ичӧтик Катя?
4. Кодъяс сылы отсалсны? Мый налӧн артмис?

### **Задание.**

Асланыд изложениеысь корсьӧй да визьнитӧй ӧти слога кывъяс.

### **ГАЖА ЛУН.**

Саша велӧдчис первой классын. Сылы сьӧкыда сетчис арифметика. Тӧлысь чӧж сійӧ решайтчис. И со талун — медводдза пятёрка. Саша котӧрӧн петіс школарысь, мыйкӧ вомгорулас сылыштис. Поводдяыс вӧлі мича. Югъяліс гажа шонді. И Сашалы кажитчис, мый став йӧзыслы талун долыд.

*А. Кузнецов.*

К ы в ъ я с: *медводдза, вомгорулас, поводдя, югъяліс.*

### **Вопросъяс.**

1. Кутшӧм классын велӧдчис Саша?
  2. Кутшӧм предмет сылы вӧлі сетчӧ сьӧкыда?
  3. Мый вӧчис сійӧ тӧлысь чӧж?
  4. Кутшӧм ӧтметка пӧлучитис?
  5. Кутшӧм вӧлі поводдяыс?
  6. Кутшӧмджык вӧлі сьӧлӧм вылас Сашалы первой пятёрка пӧлучитӧм бӧрын?
-

### ӨГУРЕЦ ДА КАПУСТА.

(Мойд.)

Отчыл капуста кочан да өгурец мунисны отлаын ю дорө. Өгурец пырысь-пыр вао уськөдчис. Капуста кочан кольчис берегас да кутис пөрччысьны. Пөрччысис да пөрччысис. Рытөдзыс пөрччысис. Өгурец виччысис, виччысис да көдзыдысла пупышъясон вевттысис.

Кы въяс: *пырысь-пыр, вевттысис, виччысис, кольчис, пөрччысис.*

#### План.

1. Өгурец да капуста мунисны ю дорө.
2. Өгурец купайтчө, а капуста пөрччысь.
3. Мый лои өгурецкөд капустаөс виччысигөн?

#### ПЕРВОЙ ЧЕРИ.

Юра оліс зэв дружной семьяын. Тайө семьяс ставныс уджалисны. Сөмын Юра эз уджав. Сылы вөлі 5 арөс.

Отчыл найө ставныс мунисны чери кыйны. Уна чери кыйисны да ставсө бабыслы сетисны. Юра тшөтш кыйис өти чери да бабыслы жө сетис юква пуны.

Ставныс сөйисны да ошкисны юква. А Юра радліс, мый и сылөн йөршыс пусис пөртйын.

*Е. Пермяк.*

Кы въяс: *дружной семья, йөршыс, кыйис, сөйисны, пөрт.*

#### План.

1. Дружной семья
2. Чери кыйөм.
3. Юралөн пай.

## ТОПОЛЬ.

Вөлі төв. Пуяс сулалісны кушөсь. Ыджыд тополь улысь Оля аддзис тополь вож да босьтис.

Сійө вайис тополь вожсө гортас да суйис ва тыра дозйө. Лунысь-лун топольлөн гаръясыс лоины кузьджыкось и кузьджыкось. И друг өти лунө челядь аддзисны — тополь вож ловзьöма. Съодов гаръяс потöмаöсь да мыччысьöмаöсь медводдза коръяс.

Воис тулыс, и челядь садитісны тополь вожсө муö.

А. Гарф серти.

Кы в ъ я с: *лунысь-лун, гаръяс, мыччысьöмаöсь.*

### План.

1. Воис төв.
2. Тополь вож.
3. Мыччысисны коръяс.
4. Тополь вожсө садитісны муö.

### Задание.

Энө вунөдöй кык *дз*-а кывъяслысь гижанногсö: аддзис, медводдза.

## СО И ГОЖÖМ.

Лунъяс котöртісны öдйö. Неважөн на кылаліс йи, ызгисны паськыд шоръяс, а со воис нин гожöм. Видзьяс да муяс вежөдісны. Вöрын гөррдзасис чөд. Коляс некымын лун, и чөд лөзöдас.

И. Коданёв.

Кы в ъ я с: *неважөн на, видзьяс, гөррдзасис, некымын.*

### Задание.]

Гижöй висьтсö паметь серти.

## ТШАК ВОТÖМ.

Ягын быдмö быд сикас тшак.

Пуктан көрзинаад банийöм булки кодь белöй гриб, а синъясыд бара нин котралöны яла кузя, корсьöны выльясöс.

А тшакъяс дзесьсöмаöсь, оз көсийыны петкөдчыны. Торъя нин уна тані виж да гөрд гобъяс, кодъясöс ылісянь аддзан гежөд пуяс костөд.

Он и төдлы — көрзинаыд тырöма нин.

Кы в ъ я с: *быд сикас, булки кодь, гежөд — шоч.*

### **Заданиея.**

1. Рассказитой висьтсö.
2. Гижой свободной диктант.

### **ЗЭР.**

Небесасö вевттис ыджыд сьöd кымөр. Лои зэв төла. Кутисны шувгыны пуяс. Гартчигтыр лэбисны корьяс.

Войтыштисны медводдза зэр войтъяс. Югнитис чардби, гымыштис гым. И кутис шливгыны-киссьыны гожея шоныд зэр.

*И. Соколов-Микитов серти.*

К ы в ъ я с: *шувгыны, чардби, шливгыны-киссьыны.*

### **План.**

1. Зэр водзын поводдя.
2. Зэр.

### **ЧИКЫШЪЯС.**

Чикышъяс локтисны шоныд тувсов асылö. Найö заводитисны вöчны мяян керка вевт улö аслыныс позъяс.

Некымын лун мысти керка стен пöлөн, öшиньсянь неуна вылынджык, öшйисны чикышъяслөн позъяс.

Гожöмбыд гажöдисны менö лэбачьяс. А арнас бөр лэбзисны лунвылö.

К ы в ъ я с: *чикышъяс, вылынджык, гожöмбыд, лунвылö.*

### **Задание.**

1. Висьталöй, ещö кутшöм лэбачьяс локтöны гожины мяян войвылö.
2. Гижой свободной диктант.

### **ЧОЯ-ВОКА.**

Витя олö сиктын. Сылы вит арöс. Витя ветлö детскöй садьö. А ыджыдджык чойыс, Галя, велöдчö мөдöд классын. Быд асыв Галя колльöдö детскöй садьö воксö. Регыд и Витя мунас школаö.

К ы в ъ я с: *ыджыдджык, колльöдö.*

### **План.**

1. Кöни олö Витя? Кымын арöс сылы?
2. Кытчö ветлөдлö Витя?
3. Кутшöм классын велöдчö Галя чойыс?

4. Кытчö Гая чойыс быд асыв колльöдö Витяёс?
5. Кор мунас школаё Витя?

### МАМЛОН УДЖ.

Петялөн мамыс штукатур. Сийö штукатуритö керкаяс. Öтчюд Петя адзыліс, кыдзи мамыс керкаяссö виль платтьöö пасьтöдö.

Петялы окота лон öдйöджык быдмыны да мамыс моз жö штукатурөн уджавны.

*Е. Пермьяк серти.*

Кы в ъ я с: *штукатур* — рабочöй, кодi штукатуритчö; *штукатуригö* — стеньяс да пöтöлökьяс мавтö лыа сора известьöн; *платтьö*, *платтьööдö*.

#### **Задание.**

Сетöм плансö лöсьöдöй текст серти да гижöй изложение.

#### **План.**

1. Петялөн окотитöм.
2. Мам-штукатур.
3. Керкаяслөн виль платтьö.

### ПЕРВОЙ КОСМОНАВТ.

Юрий Алексеевич Гагарин — лётчик-космонавт. 1961-öд вося апрель 12-öд лунö сийö первойысь лэбзис космическöй корабль «Восток» вылын космосö. Му шарсö сийö кытшовтiс 108 минут чöжөн.

Первойя космонавтөн лон мян советскöй морт!

Кы в ъ я с: *космос* — вселеннöй, став мирыс; *лётчик-космонавт*, *лэбзис*, *корабль «Восток»*, *кытшовтiс*.

#### **План.**

1. Кодi сэтшöмыс Ю. А. Гагарин?
2. Кытчö сийö лэбзылыс?
3. Кор лэбзылыс Ю. А. Гагарин?
4. Кыдзи шусьö вöли космическöй корабльыс?
5. Кутшöм кадөн сийö кытшовтiс Му шарсö?
6. Кодi лон первойя космонавтөн?

#### **Задание.**

Висьталöй, кутшöм космонавтъясöс тi ещö тöданныд.

### БУЛЬКА.

Менам эм Булька нима пон. Сийö сьöд гöна. Сöмын лапа помъясыс еджыдöсь. Ныр-вомыс паськыд, а синь-

ясыс сьодось. Найо ёна югъялоны. Пиньясыс еджыдось.  
Булька — раминик пон. Сійо некор оз курччась. Ме зэв  
ёна радейта Булькаос.

*Л. Толстой серти.*

К ы в ъ я с: *ныр-вомыс, оз курччась.*

### **Задание.**

Гижой изложение Булька йылысь.

### **План.**

1. Кутшом вөлі Булькалөн гоныс, лапаясыс?
2. Кутшом вөлі сылөн ныр-вомыс? Синъясыс, пиньясыс?
3. Булька — раминик пон.

### **ТУЛЫС.**

Воис тулыс. Кутісны визувтны шоръяс.

Гөпгяс тырисны ваён.

Пөвторъясыс детинкаяс вөчисны ичөтик пыжъяс.  
Пыжъяссө найо лэдзисны ваё. Пыжъяс кивтісны. Че-  
лядь гажаа горзісны да котөртісны на бөрся.

*Л. Толстой серти.*

К ы в ъ я с: *пөвторъяс, лэдзисны.*

### **План.**

1. Волөн кутшом кад воис?
2. Кор кутісны визувтны шоръяс?
3. Мый вөчисны детинкаяс?
4. Кызди найо ворсісны пыжъяснас?

### **ЧАШКА.**

Оти детсадын вөлі кызь вит челядь. Чай юан чаш-  
каыс вөлі кызь нель. Кызь витодыс вөлі важ. Рисунокыс  
вушйома дай дорыс потыштөма.

Некодлы эз вөв окота сэтысь юны чай.

Но өтчыд со мый лои. Дежуритіс Лена. Сійо ставыс-  
лы пунктіс выль чашка. Чуймисны челядь. А көні нө ва-  
жыс? Лена сійөс босьтіс аслыс. Чай юисны лөня, некод  
эз норась. Челядь думайтісны: «Молодеч, Лена». И тайо  
кадсянь дежурнойяс кутісны юны важ чашкаысь. Сійөс  
сідзи и кутісны шуны: «Миян дежурной чашка».

*«Мурзилка» журналысь.*

К ы в ъ я с: *кызь вит, кызь нель, «миян дежурной чашка».*

### План.

1. Кымын челядь вöлі детскöй садыйн?
2. Мыйла некод эз кöсйи юны важ чашкаыс?
3. Дежурнöй Лена.
4. Кыдзи кутисны шуны челядь важ чашкасö?

### БАДЬ.

Бадь быдмö ва дорын. Сійö паныдасьлö быдлаын: вöлі войвылын и Сибирса юяс пöлөн, жар пустынясын и сола ты берег пöлөн.

Тулыснас, кор ойдöны юяс, бадьяслөн йывъясыс сöмын тыдыштöны. Ойдöм бадьяс вылын спасайтчöны кöчьяс да ручьяс. Тайö каднас ручьяс оз вөрöдны кöчьясöс. Тулыснас бадьсö шуöны бербаён, а сылысь дзоридзсö — берба-баляён.

Г. Снегирёв серти.

### План.

1. Кöни быдмö бадь?
2. Кöни спасайтчöны кöчьяс да ручьяс тулыснас?
3. Кыдзи тулысын шуöны бадьсö?

### Заданиеяс.

1. Точкаяс местаö тижöй **э** либö **ь** знакьяс: бад...яс, йыв...яс, руч...яс, кöч...яс.
2. Гижöй изложениесö дженьыда.

### БАДЬ.

Бадь быдмö ва дорын. Тулыснас бадь ойдö дзик йылöдзяс. Сы вылын спасайтчöны кöчьяс да ручьяс. Тулыснас бадьсö шуöны бербаён, а дзоридзьяссö — берба-баляён.

### ТИГРПИ.

Ми олим Дальнöй Востокин.

Бать вайис вöраланінысь тигрпиöс. Сійö вöлі ыджыд юра, гöпрöс виж синъяса, паськыд кымöса да дженьыд пельяса. Водз лапаясыс вöліны кызöсь да ёнöсь, а бөрьясыс — ёна вöсныдджыкöсь. Тигрпи вöлі дзоляник, укшаль, сійö гартчис бать кок дорын.

Кывъяс: *Дальнöй Восток, вöраланін, тигрпи, укшаль* — зэв нёжмыд, абу пельк.

### План.

1. Кутшөм тигрлөн юрыс?
2. Кутшөмөсь синъясыс, кымөсыс, пельясыс?
3. Кутшөмджыкөсь сылөн лапаясыс?

### СИР.

Сиръяс зэв горшөсь.

Өтчыд менам вугырө шедіс ыджыд сир. Сир зэв ёна кутіс шыбласьны да мыні. Ме чөвті шатинөс ваө, и сійө жө сырыс сатшкысис менам вугырө выльысь. Өні нин сир шеді дзикөдз — горшлуныс сійөс пөгубитіс.

Кы в ъ я с: *лэптыны, чөвті, шеді, дзикөдз, сатшкысис.*

### План.

1. Кутшөмджыкөсь сиръяс?
2. Кытчө шеді сир?
3. Мый сыкөд водзө лои?
4. Мыйла сырыс шеді сійө жө вугырас выльысь?

### ЖУГОДОМ ТАСЬТИ.

Надя велөдчис мөдөд классын, а Маша чойыс эз на велөдчы. Мамыс тшөктіс Надялы мыськавны тасьті-пань. Но нывкаяс корисны Надяөс ворсны. Машалы ковмис мыськавны тасьті-паньсө. Мыськалөм бөрас сійө чышкаліс тасьтіяссө. Өти тасьті мыні кисьыс, уси да жугалі.

Мамыс локтіс гортас. Нывкаяс ворсісны ывлаын. Чистөй пөсуда вөлі пызан вылын. Пырис гортас Надя, а сэсса Маша. Мам ошкыштіс Надяөс. Но Надя гөрдөдіс да висьталіс, мый тасьті-паньсө эз сійө мыськав. Маша висьталіс мамыслы жугөдөм тасьті йылысь да бөрддзис. Нывкаяс эз ылөдлыны мамсө.

Ф. Атянин серти.

Кы в ъ я с: *тасьті-пань, чышкигас, ошкыштіс, бөрддзис.*

### План.

1. Мый тшөктіс вөчны Надялы мамыс?
2. Коді мыськаліс тасьті-паньсө?
3. Мый лои тасьті-паньсө чышкигөн?
4. Кодөс ошкис мамыс?
5. Қыдзи примитіс Надя ошкөмсө?
6. Төдліс-ө мамыс жугалөм тасьті йылысь?

## КӦР.

КӦр олӧ ылі войвылын. Сійӧ ӧдийӧ котралӧ. Сылӧн кок гыжъясыс сэтшӧмӧсь, мый оз вӧй джуджыд лым пиӧ.

КӦръяс корсьӧны аслыныс сӧянсӧ весиг тӧлын. Найӧ кодйӧны лымсӧ да йирӧны яла.

К ы в ъ я с: *войвылын, яла* — еджыд нитш; *йирӧ*.

### **Задание.**

Гижӧй свободной диктант.

## МЕДВОДДЗА КОМИ КНИГА.

1920-ӧд воын петіс медводдза коми книга. Тайӧ вӧлі «Букварь». Коми йӧз первойыс вермисны велӧдчыны грамотаӧ асланыс кыв вылын.

Тайӧ кадсяньыс заводитчис Коми муын книга лэдзӧм.

К ы в ъ я с: *медводдза, книга лэдзӧм, 1920-ӧд во.*

### **План.**

1. Кутшӧм воын петіс медводдза коми книга?
2. Кутшӧм книга серти коми йӧз кутісны велӧдчыны грамотаӧ?
3. Кутшӧм кадсянь заводитчис Коми муын книга лэдзӧм?

## ГОРТСА БИБЛИОТЕКА.

Ме зэв ёна радейта книгаяс. Таво ме думышти чукӧртны гортса библиотека. Сэні эм нин комын книга. Став книга нимъяссӧ гижала тетрадьӧ. Сэтчӧ жӧ гижала книгалыс авторсӧ, книгаса геройяссӧ. Гижала и мича кывъяс, кодъяс меным воисны сьӧлӧм вылӧ.

К ы в ъ я с: *библиотека, геройяссӧ, сьӧлӧм вылӧ, автор* — книга гижыс, писатель.

### **Задание.**

Гижӧй асланыд библиотека йылыс татшӧм план серти.

### **План.**

1. Кымын книга эм тэнад гортад?
2. Гижӧма-ӧ налыс нимъяссӧ тетрадьӧ?
3. Мый ещӧ сэтчӧ пижӧма?
4. Кодлы сетлывлан лыддыны ассьыд книгагастӧ?

(Басня.)

Лев пöрысьмис, эз кут вермыны кыйны зверьясöс. Вот и мöвпыштис мудеритöмөн овны: водис пещераö да висьöмö уськöдчис. Зверьяс кутисны воливлыны сийöс видлыны. Но некод бöрсö эз петавлы. Лев кватитлис да сейлис быдөнöс, кодi пыравлис пещераö.

Локтис руч, сувтис öдзöс дорö да юалис левлысь:

— Кыдзи нин олан?

— Лёка. Мый нö тэ он пыр ме ордö?

— Кок туйяс серти аддза: тэ ордö уна зверь пырöма, а бöрсö некод абу петöма.

### Задание.

1. Лыддьöй баснясö да висьталöй асланыд кывйөн.
2. Гижöй изложение татшöм план серти.

### План.

1. Мыйла лев эз кут вермыны кыйны зверьясöс?
2. Кыдзи сийö кутис мудеритны?
3. Мыйла руч эз пыр пещераö?
4. Кыдзи сийö гөгөрвоис лев мудеритöм йылысь?

### ТУИ ДОРЫН ПАМЯТНИК.

Öтчюд ме Танякөд мунi вөрö вотчыны. Вотöсыс вöли уна и регыд миян көрзинаяс тырисны. Вöрсьыс петигмос тшöтш вотим и цветьяс.

Тöдлытөг ми петим сэтчö, көни сулалис памятник. Памятник вылас вöли гижöма, мый татчö гуалöма Великой Отечественной войнa дырйи пöгибнитöм советской воиньясöс. Памятник гөгöрыс быдмисны цветьяс. Ми тшöтш пунктим памятник бокас цветьяснымöс.

«Пионерской правда» газетысь.

Кы в ъ я с: *вотчыны, петигмос, тшöтш, памятник, Отечественной война.*

### План.

1. Кытчö ми муним?
2. Мый ми вотим?
3. Кытчö ми тöдлытөг петим?
1. Мый быдмисны памятник гөгöрыс?
5. Мый вöли гижöма памятник вылас?
6. Кытчö ми пунктим цветьяснымöс?

### Заданиеяс.

1. Гиждой изложеннесо коймод морт нимсянь.
2. Висьталой, эмось-о тиян сиктын памятникъяс.

### ОЛЕКО ДУНДИЧ ИЫЛЫСЬ.

Чорыд тыш пансис Воронежса уличаяс вылын. Олеко Дундич чепосийс водзлань да кутис товзыны пышйыс белойяс борся. Ылын долалис сылон пашкыр гона буркаыс.

Сийо кералис белойясос. Друг ранитисны Дундичлыс вовсо. Дундич чеччыштитис муо. Верзьома белойяс кытшалисны сийос.

А тайо кадас лэбисны нин отсөг выло Дундичлон ертъясыс.

Верзьомаясос аддзом борын белойяс уськодчисны пышйыны. Дундич съоқыда лолалигтыр висьталис, мый сылысь вовсо ранитисны. Друг Дундич шатовмуні. Буденный пыр жо корис фельдшерос. Воломко Дундичос съоқыда ранитомаосъ.

Н. Тихонов.

Кы в ъ я с: *Воронежса, верзьома, ертъяс, лолалигтыр, шатовмуні, фельдшер.*

### Задание.

Висьталой, гражданской войнаса кутшом геройясос ещо тоданныд.

### БУДЕННЫЙЛОН УС.

Буденный шойчис Карловы Вары чешской курортын.

Отпускъяс дырйи Буденный эз пасьтавлы военной мундирсо. Сийо новлис штатской костюм.

Некымын чешской челядь, кор аддисны Буденныйос, кутисны ас костаныс вашкодчыны.

— Сийо!— шумис оти детинка.

— Оз вермы лоны!

— А тэ юав.

Дженъидик гача детинка смелмодчис да юалис:

— Висьталой, пожалуйста, ти — Буденный.

— Да. Ме. А кызди но ти тодинныд?— юалис Буденный.

— Эм омой татшом ускыс мод мортлон?— городис Иржи нима детинка.

— Но, сідзкө, тѳдмасым. Ме — Будѳнный. А тѳ?  
— А ме — Иржи Крейчи, — вочавидзис дѳтинка.  
Челядь кытшалісны Будѳнныйѳс.

*И. Всеволожский.*

Кы в ѳ я с: *Карловы Вары, мундир* — военнѳй паськѳм; *штатскѳй костюм, шѳпкѳдчыны ас костаныс, Иржи Крейчи.*

### **Задание.**

Висьталѳй текстѳ татшѳм вопросъяс серти:

1. Кѳні шойччис Будѳнный?
2. Кутшѳм паськѳма сійѳ вѳлі?
3. Кодъяс аддзисны Будѳнныйѳс?
4. Мый серти чешскѳй Челядь тѳдісны Будѳнныйѳс?

### ВАСИЛИЙ КИСЛЯКОВ.

Тайѳ вѳлі Отечественнѳй война первойя тѳлысьясѳ. Сержант Кисляков аслас куим боецкѳд дорйис сопка. Боеприпасъяс кутісны бырны. Кисляков тшѳктіс ѳртъясыслы мунны отсѳгла.

Ёртъясыс мунѳм бѳрын кык час чѳж на Кисляков тышкасис врагъяскѳд. Но патронъяс да гранатаяс ѳдйѳ бырисны. Коли сѳмын ѳти граната. Шыбитіс сійѳс Кисляков питлеровецъяс пѳвстѳ да горѳдіс: «Взвод, ме бѳрся, атакаѳ!»

И буретш сѳки воис отсѳг. Сопка гѳгѳрыс куйлісны сѳ кымын виѳм гитлеровец. Тайѳ подвигсыс Василий Кисляковлы сетісны Сѳветскѳй Союза Геройлысь ним.

Кы в ѳ я с: *боеприпасъяс, сопка* — нейджыд гѳра; *взвод, Сѳветскѳй Союза Герой.*

### **План.**

1. Кор тайѳ вѳлі?
2. Мыйла Кисляков мѳдѳдіс ѳртъяссѳ?
3. Кыдзи сійѳ тышкасис ѳртъясыс мунѳм бѳрын?
4. Кутшѳм ним сетісны Василий Кисляковлы?

### КУИМѳН КОСМОСЫН.

1964-ѳд вося октябрь 12-ѳд лунѳ космосѳ лѳбзис мян выль корабль «Восход». Корабляс вѳліны куимѳн: лѳтчик Владимир Комаров, инженер Константин Феоктистов, врач Борис Егоров.

Тайѳ космическѳй корабльыс 16 пѳв кытшовтіс Му шар гѳгѳр да пуксис бѳр.

Став сөветскöй йöз радлісны да чолöмалісны повтöм космонавтъясöс.

Қы в: инженер — высшöй образованиеа специалист.

### Задание.

Вочавидзöй татшöм вопросъяс вылö, сэсся гижöй:

1. Кор лэбзис космосö корабль «Восход»?
2. Кодъяс лэбисны тайö корабль вылас?
3. Кымын пöв кытшовтіс Му шар гөгөр космическöй корабльыс?

### МЕНАМ КÖРÖБКАОИ.

Мöд класса велöдчысыяс труд урок вылын клеиталöны картонысь кöрöбкаяс. Кöрöбкаясö найö вöчалöны фабрикалы. Клеитіс кöрöбка и Серёжа Блинов. Кöрöбка пельöсас гөрд карандашөн сійö гижис ассыс нимсö.

«Кодлы веськалас менам кöрöбкай?» — думайтіс Серёжа.

Колис куим тöлысь. Серёжалы ньöбисны выль ботинки. Сійö осьтіс кöрöбкасö да долыда горöдіс:

— Менам кöрöбкай!

И збыль: кöрöбка пельöсас вöлі гижöма Серёжалөн нимыс.

### План

1. Мый вöчисны челядь труд урок вылын?
2. Мый гижис Серёжа кöрöбка пельöсö?
3. Кодлы веськаліс Серёжалөн кöрöбкаяс?
4. Кыдзи детинка тöдіс ассыс кöрöбкасö?

### Задание.

Думыштöй да висьталöй *ф* звука кывъяс.

### РУЧ ДА РУЧПИЯН.

Ичöтик ручпи чужис джуджыд да дзескыд гуын. Ручпи вöлі синтöм, дженьыдик гöна, а пиньясыс эз на вöвны.

Ручпилөн вöлі нель чоя-вока. Ставныс найö вöлісны синтöмөсь жö. Мамныс вердіс найöс аслас йöлөн да шонтіс ас бердас: гöныс сылөн вöлі пушыд да небыд. Сійö шоча петавліс гусьыс. Петалас сёйыштны да ко-

гөрөн бөр воас аслас пияныс дінө. Шоньд да лөсьыд  
вөлі ручпиянлы мамыс дінын.

А. Бостром серти.

Кы в ъ я с: *ручпи, дженьыдик, чоя-вока, ас бердас.*

**План.**

1. Көнi чужис ручпи?
2. Кутшөмөсь чужоны ручпиян?
3. Кызди мамыс төждысьө на вөсна?

**Задание.**

Торйөдөй кыв вужьяссө татшөм кывьяслыс: **синтөм, мамыс, ручлөн.**

**ПЕТЯ.**

Ар. Вөрын уна тшак. Петя чукөртис тшаксө көрзина  
тыр, көсийс мунны гортас.

Друг кылис кутшөмкө шы. Куст улын куйлис ичөтик  
ур. Лапаясыс сьлөн вөлі доймөмабсь. Петя пөрччис  
фуражжасө да пунктис сэтчө ранитчөм зверөс.

Гортас Петя вердис урсө өрешкиөн да йөлөн. Неке-  
мын лун мысти ур бурдис. Петя лэдзис сийөс вөля вылө.  
Өні, дерт, урыс чеччалө увйысь увйө.

«Пионерской правда» газетысь.

Кы в ъ я с: *көрзина тыр, кутшөмкө, фуражка.*

**План.**

1. Петя вотө тшак.
2. Ранитчөм урпи.
3. Петя нуө урписө гортас.
4. Урпи вөля вылын.

**Задание.**

Тетрадяныд гижөй **-тч-** а да **-чч-** а кывьяс.

**ШОНЫД ЗЭР.**

Рытнас сьвкнитис шоньд зэр. Эз на удитны бурджы-  
ка мыссыны сьодасьөм туйяс да керка вевтьяс, небе-  
саыс заводитис бөр воссыны. Посныдык сера кымөр-  
ьяс вуджисны Эжва сайө, сөсся шывгисоны асыввылө.  
Ружтыштіс, пошиктыштіс мудзөм морт моз төв и лань-  
тыштіс шойчыны. Зато дугдывтөг бузгө паськыд шор.

И. Коданёв серти.

## Задание.

Думыштоӳй предложениеяс татшӳм кывъясӳн: *съявкнитӳс, шльвгисны, пошиктыштӳс*.

## СЛӢНЪЯС.

Индияын слӢнъяс вылын ветлӢны уличаясӳд. СлӢнъяс зӳв кывзысьысьӳсь, найӳ кывзысьӳны весиг ичӳтик детинкалысь.

СлӢнъяс уджалӢны вӳрын, пӳрӳдӳны пуяс да тӳчӳны найӳс ӳтчукӳрӳ.

СлӢнъяс вылын охотникъяс ветлӢны кыйсьыны.

СлӢн зӳв тӳлка. Сӳйӳ некор оз вӳч мортлы лӳктор. Сӳмын лӳк морт вермас скӳрмӳдны слӢнӳс — сӳки сӳйӳ буртор мед оз виччысь.

Кы в ъ я с: *Индия* — страна; *кывзысьысь, охотникъяс, лӳктор, буртор*.

## План.

1. Индияса слӢнъяс.
2. СлӢнъяс уджалӢны, кыйсьӳны.
3. СлӢн — тӳлка животнӳй.

## БОБУВЪЯС.

Садыми асывнас, видзӳдлӳ ивлаӳ. Став гӳпъясыс кынмӳмаӳсь — тӳв пуксьӳ.

Челядь и шуӳны:

— Мунамӳй садӳйӳ пелысьла! ӳни пелысьыс зӳв чӳскыд, дзик вареннӳ кодъ.

Ми котӳртим садӳйӳ, ӳктим пелысь. Пу улысь ме адзи косымӳм кык бобув. Босьтигӳн ӳтиыс чеги. А мӳдсӳ ме гартышти бумагаӳ да пукти зептӳ. Вайи гортӳ да кӳсйи петкӳдлыны ӳртлы. Рази бумагасӳ, а бобулыс жбыркнитӳс-лӳбзис. Зептын сӳйӳ шоналӳма да ловзьӳма.

*Н. Беляков.*

Кы в ъ я с: *вареннӳ кодъ, пелысь, жбыркнитӳс*.

## План.

1. Тӳв пуксьӳм.
2. Пелысь ӳктӳм.
3. Кӳс бобувъяс.
4. Бобув ловзис.

## ПУРЪЯСЬЫСЬЯСЛОН ПОСЕЛОК.

Берег пӧлӧн сулаліс ичӧтик посёлок. Сэні олісны пуръясьысьяс. Откодъ выль керкаяссянь Эжвалань видзӧдісныгырьсьӧшиньяс. Посёлоксӧ кытшалӧмаӧсьпосныдик вӧр діяс, тыяс, видзьяс.

Водз асывсянь сёр рытӧдз пуӧ ю вылын удж. Кузьбонаяс костӧд дугдывтӧг кывтӧны керъяс. Керъяссӧ рабочӧйяс кӧртавлӧныгырьсь пуръясӧ.

Тайӧ пуръяссӧ катеръяс кылӧдӧны вӧр пилитан заводьясӧ.

*И. Коданёв серти.*

Кы в ъ я с: *пуръясьысьяс, кытшалӧмаӧсь, посёлок, бона.*

### План.

1. Кутшӧм посёлокыс пуръясьысьяслӧн?
2. Пуръясьысьяслӧн удж.

### АР ПОМ.

Куим лун-вой чӧж гудрасис ывла. Гурйыв восьтӧм сарай ӧдзӧсӧд моз вӧр пытшкӧ пӧлыштлас тӧв. Гырьсь пожйӧн пожналыштас катшашыдӧс. Ставыс заводитлас пӧдны сапкӧмӧн усьысь лымйӧн. Турӧб ӧтувтлас мусӧ и небесӧ. Но вына вӧлӧма ар пом. Нельӧд войнас сійӧ яра уськӧдчис локтысь тӧвлы паныд. Югдандорыс бӧр заводитіс сывны.

*В. Юхнин.*

Кы в ъ я с: *лун-вой, сапкӧмӧн* — вывті ёна; *яра* — тані: друг, виччысьтӧг.

### План.

1. Гудрасис ывла.
2. Вына вӧлӧма ар пом.

### Задание.

Гижӧй изложение да пыртӧй сэтчӧ татшӧм предложениеяс: «Куим лун-вой чӧж гудрасис ывла», «Гырьсь пожйӧн пожналыштис катшашыдӧс».

## ТӐВ ПОВЗЬӐДЧӐ.

Шоныд тувсов лунъяс друг помасисны. Нем виччысьтӧг асывлдорсянь мыччысис ыджыд сьӧд кымӧр. Сійӧ тупкис лӧз енэжсӧ. А недыр мысти мӧдіс сапкыны

уль лым. Лыбис лэчыд төв. Дрөгнитисны куткырвидзысь пуяс, лёк пон моз эргис-мурзис парма.

*И. Коданёв серти.*

### **Заданиеяс.**

1. Думыштöй предложенияяс татшöм кывъясөн: сьöд кымöр, лöz енэж, уль лым, лэчыд төв, сапкыны, куткырвидзысь пуяс.
2. Гижöй текстсö паметь серти.

### **«ДОКТОР»:**

Тайö вöли Великой Отчественной война дырйи. Сиктсянь, кöни олісны Ваня да Гриша, фронтыс вöли матын. Фронт вывсянь локтіс ранитчöм вöв. Сувтіс сикт помö, а пырны полö. Ваня казяліс вöвсö да шуö:

— Лок, лок, эн пов.

А сэсся нуöдіс сійöс школа йöрö. Сэни вöлыс и кутіс овны. Вердісны сійöс ставөн, лечитіс сöмын Ваня. Вöв некодлы эз лэдэлы мавтны ассьыс ранасö. Сöмын ас дінас сибöдліс Ваняöс.

Ваня бурдöдіс вöлöс. Сійö кадсянь челядь Ваняöс кутісны шуны «докторөн».

*И. Василенко серти.*

### **План.**

1. Ранитчöм вöв.
2. Ваня вöвсö нуöдö школа йöрö.
3. Ваня — «доктор».

### **ГОЖОМЫН ВИДЗ ВЫЛЫН.**

Шыльквидзисны совхозлөн паськыд видзьяс. Ылөдз тыдалісны гырысь зорөдьяс, турун юрьяс.

Көнкө зэв матын сяргис ытшкан машина.

Видз вылын сулалісны льöм да пелысь пуяс. Ылөдз кыліс налөн чöскыд дукуыс. Лежнөг да ыжнёнъ кустьяс гөгөр лэбалісны юрсигусьяс. Найö куталісны номъясöс. Турун пиын, кытчö абу на удитöма волыны ытшкан машина, гажая сылісны чиркьяс.

Ю пөлөн нюжөдчöм тыясысь корсюрö лэбзылісны тэрыб жыдачьяс, кузь сыліа гордаяс.

*И. Коданёв.*

*Кы в ъ я с: шыльквидзисны, турун юрьяс, лежнөг да ыжнёнъ, юрсигусьяс, корсюрö, жыдачьяс да гордаяс.*

### План.

1. Кутшөмджыкось гожөмын совхозлөн видзьяс?
2. Кутшөм пуяс да кустарникьяс сәні быдмөны?
3. Кутшөм насекомөйясөс сәтысь позьө аддзыны?
4. Кутшөм лэбачьяс лэбалөны видзвывса тыяс весьтын?

### Задание.

Гижөй изложение да пыртөй сәтчө татшөм предложение:  
«Шыльквидзисны совхозлөн паськыд видзьяс».

### КОСМОСЫН МОРТ.

Тайө вөлі 1961-өд вося апрель 12-өд лунө.

Москва эз төд, и мир эз төд, мый тайө кадө ракетаө пырис морт да шуис: «Ме гөтов!»

Зэв ыджыд ракета шумөн кыпөдчис вывлань.

Космическөй корабльын пилот-космонавтөн вөлі Сөветскөй Союзса гражданин, лётчик-майор Юрий Алексеевич Гагарин.

Став мир кыліс: «Космосын морт!»

Коляс уна во, но йөз пыр кутасны казътывны сійө лунсө, кор прөстөй сөветскөй морт Юрий Гагарин пер-вөйөн восьтіс кодзувъяслань туй.

К ы в ъ я с: *лётчик-майор, ракета.*

### План.

1. Кор вөлі тайө событиес?
2. Коді вөлі пилот-космонавтөн космическөй корабльын?
3. Мый йылысь кутасны казътывны йөз?

### ВИЛЬЫШ ОШПИ.

Миян корабль вуджис Севернөй Ледовитөй океан. Сійө вөлі матыстчө нин рөднөй берегъяслань. Морьякьяс радпырысь сёрнитисны Владивосток йылысь. Но друг кодздөдіс. Моресы кутіс йизыны. Пароход лон йи пөв-стын. Отсөг вылө локтіс ледокол.

Пароход да ледокол сувтісны орччөн. Пароход вы-лын вөлі еджыд ошпи. А буретш сәки ледокол вылын восьтісны треска бөчка. Ошпи кылөма дуксө и заводитөма гусьөникөн кыскавны черисө пароход вылө. Боц-ман казяліс ошпились дурөмсө да кутіс вөтлысьны сы бөрся. Ошпи ваяліс черисө, а боцман бөр нуаліс.

*М. Зингер серти.*

К ы в ъ я с: *боцман, Севернөй Ледовитөй океан.*

### План.

1. Регыд гортö!
2. Виччысьтöмтор.
3. Отсöг вылö локтö ледакол.
4. Вильыш ошпи.

### ПУЯС САДИТÖМ.

Сикт шöрын, библиотека дорын, чукöрөн-чукöрөн пукалісны школьникъяс: кодъяскö кильчö вылын, кодъяскö керъяс вылын. Быдöнлөн кианыс вöліны көрт зыръяс.

Челядь талун кутасны садитны пуяс.

— Первой кутам садитны пасека гөгөр нинпуяс,— шуис пионервожатöй,— сы вöсна мый мазіяс радейтöны нинпу цветсö.

Пасека бöрын челядь мунісны сиктö. Садитісны сэтчö уна пöлөс пуяс, а унджыксö сирень кустъяс, медым керкаясыс кутасны сулавны сад пытшкын моз.

*Л. Воронкова* серти.

Кы в ъ я с: *нинпу*; *сирень* — мича цветъяса кустарник; *пасека* — места, көні лöсьдöма мазіяслы оланін.

### План.

1. Школьникъяс библиотека дорын.
2. Пасека дорын.
3. Школьникъяс сиктын.

### ДИМАЛÖН ЧАШКА.

Ира да Вася вöліны дежурнöйясөн. Вася весаліс пуртъяс да вилкаяс. Ира мыскаліс чашкаяс да скöраліс.

— Дима век кольö сакарсö чашка пыдöсас,— шуасис сійö.

Ира муртса пожйыштіс Дималысь чашкасö. Сэсся тэчис чашкаяссö шкапö да котöртіс ворсны.

Рытнас челядь дорö локтісны гөстъяс. Челядь пуксьöдісны найöс пызан сайö чай юны. Лампа югөр улын сідзи и дзирдалісны Васяөн весалöм пуртъяс да вилкаяс. А Ира поліс видзöдлыны чашкаяс вылас. Но омöля мыскöм чашка эз веськав некодлы. Мыйла?

Оля вайис чашкаяссö пызан вылö, аддзис нйит чашкасö да выльысь мыскаліс сійöс.

*А. Гарф* серти.

### План.

1. Кызди дежуритис Вася?
2. Кызди мыскалис чашкаяссö Ира?
3. Кодъяс локтисны челядь дорö?
4. Мыйла омöля мыскаём чашка некодлы эз веськав?

### ТУРУН ПУКТÖМ.

Витя ворсис ю дорын. Зорöд дорсянь чуксалис сийöс Семö дядь. Детинка пыр жö котöртис.

Вөр сайсянь кыпöдчис сьöд кымөр. Семö дядь вись-талис:

— Зэрмытöдзыс колö зорöдавны öстатки турунсö. А öти вöv прöст сулалö. Пуксы да тшöтш кыскав юрсö.

Детинка кавшасис Карко вöv вылö. Вит турун юр вайис Витя. Унджык на эськö удитис зэрмытöдзыс вайны, но турун юрыс эз коль. Чövтысьяс зилисны жö. Зэр-тöдз на эштитис зорöдыс. Семö дядь ошкис Витяöс. Витялы лои зэв нимкодь.

Г. Юшков серти.

### План.

1. Мый вöчис Витя?
2. Мыйла сийöс корис Семö дядь?
3. Кызди отсалис Витя турун пуктысьяслы?
4. Мыйла Витялы лои нимкодь?

### ВЬЮН.

Аддзис Сеня пывсян сайысь еджыд морöса кутюпиöс. Детинка босьтитис сийöс, чышкалис да гортас катöдис.

Лым усигөн Сеня бöрся вöтлысис нин мичаник кутюпи. Кутюыс пыр шаньмис и шаньмис. Лои ёсь ныра да негырысь ёсь пельяса лайка. Сеня нимтитис сийöс Вьюнөн.

Детинка вывти ёна радейтитис ассьыс быдтассö да быд чудесаас велöдис. Босьтас бöчка асык да тшöктас сы пыр чеччавны. Первойсö Вьюнлөн некыдз оз вöли артмы. Сенялы теш — мöдысь тшöктö, коймöдысь. Но медсьсö нин Вьюнлы кажитчö разведчикавны да санитаравны.

Г. Фёдоров.

Кы в ъ я с: *кутю*, *лайка* — понъяслөн порода; *асык*.

## План.

1. Кодбс адзис Сеня?
2. Кутшом лои кутюшныс?
3. Мый вочны велодис Сеня кутюписо?

## ОТСАСЬЫСЬЯС.

Недель чож буситис ээр. Кор зэрыс кобис, челядь кутисны мовпавны, кони коллявны прост кад. Дыр на эськө вензисны найо, эз кө матыстчы совхозса бригадир.

— Но, геройяс, мый йылысь сэтшом збодера варовитанныд? Гашкө, совхозлы картофель идравны ветланныд? Ок, и гырысь картофель быдмома. Пöжалан да пöттöдзыд öти картофельыс лоö.

Детинкаяс видзöдлисны öта-мöд выланыс да шуисны:  
— Мунам!

Картофельыс збыльысь вөлöма ээв гырысь. Некумын котыр и перьян, а ведрайд тырöма нин. Сöмын удит кисьтавны мешöкьясö.

Сералигтыр да шмонитигтыр уджалігад эз и тöдлыны, кызди колис час-мöд. Сэки вöлисти казялісны, мый вунöдöмаöсь пестыны бипур.

*Л. Палкин серти.*

## План.

1. Мый йылысь вензисны челядь?
2. Мый висьталіс налы совхозса бригадир?
3. Кызди уджалісны челядь?

## ОШ ДА ВЕРТОЛЕТ.

Вертолёт лэбис черила. Черыыс куйліс бöчкаясын ю дорын.

Индом местаö вертолёт кутіс пуксьыны, но пыр жö ковмис бөр кыпöдчыны. Пуксьынысö мешайтис бөр лапаяс вылö сувтöм ош. Ош дась вöлі тышкасьны машинакөд. Лётчик бергөдис вертолётсö да веськөдис хищник вылö сынöдлысь ён струя. Тайö лөньюдыштіс ошкөс. Сійö кутіс пышйыны. Кор вертолёт пуксис муö, тыдовтчис, мый ошкыс удитöма нин сёйны кык бöчка чери.

*«Югыд туй» газетьыс.*

Кы в ъ я с: *вертолёт, хищник.*

### План.

1. Мыйла лэбис вертолёт?
2. Мыйла вертолётыс эз вермы пуксыны муо?
3. Кызди лётчик вётлис ошкөс?
4. Мый вөчөма ошкыс?

### Задание.

Правильноя шуой лётчик, вертолёт, хищник кывъяс. Юклөй тайо кывъяссө слогъяс выло.

### ШУШЬ Ю ДОРЫН.

Сибырын Шушь ю дорын сулалө Шушенское сикт. Важон этшаон төдлісны тайо сикт йывсыс: сійө вошө-ма вөръяс да нюръяс пөвстө.

Сійө кадсянныс прөйдитіс уна во. Шушенское сикт лои төдса став мирлы: быдөн төдөны, мый 1897-өд воын царскөй правительство мөдөдіс тайо сиктас Владимир Ильич Ленинөс. Куим во чөж сійө оліс ылі ссылкаын, Сибырын, медся шуштөм пельөсын.

Өні Шушенское сикт дзикөдз вежсис.

Шушенскөй челядь, кодъяс коркө иславлісны пу конькион, важон нин быдмисны. Өні мукөд челядь ис-лалөны Шушь ю вылын. Сөмын конькиныс налөн на-стөящөй, бур стальыс.

А. Кононов серти.

Кывъяс: *Шушь ю, ссылка, пу коньки.*

### План.

1. Кутшөмөн вөлі Шушенское сикт революцияөдз?
2. Мыйла Шушенское лои төдса став мирлы?
3. Шушенское сикт өні.

### ПЕРВОЯ ЗЭРӨДЗ.

Таня да Маша ёна дружитісны. Найө век өтлаын ветлісны школаө. Отчид нывкаяс мунісны өтлаын жө, но друг зэв ёна зэрмис. Маша вөлі плаща, а Таня — платтө кежыс. Нывкаяс котөртісны. Таня тшөтш көс-йис вевттысыны Маша плащон, но Маша повзис көта-сьөмыс.

Воины школаө. Учительница шуис:

— Мыйла нө Машалөн платтөыс кос, а Танялөн көтасьөма. Ті жө өтлаын локтінныд. Позис өти плащон вевттысыны. Тыдалө, тіян дружбаыд первойя зэрөдз.

Нывкаяс гөрдөдисны: Маша ас вöснаыс, а Тая Маша вöсна.

*В. Осеева серти.*

Кы в ъ я с: *платтö, вевттысисны, плац.*

#### План.

1. Кызди дружитисны Тая да Маша?
2. Зэр дырйи.
3. Мый вöсна гөрдөдисны нывкаяс?
4. Мыйла дружбаыс помасис первой зэр бöрын?

#### БИБЛИОТЕКА.

Коймөд класса пионеръяс шуисны лөсьөдны асланыс классын библиотека. Висьталисны та йылысь став челядылы, а сэсся ещö и объявление öшөдисны. Ставөн вайисны гортсыс гоз-мөд книгаөн. Пукталисны книга-яссö шкапö джаджъяс вылө. Со и лои библиотека.

Светланаөс да Воваөс бөрйисны библиотекарьясөн. Найö лөсьөдисны быд лыддысьысь вылө карточка. Сэтчө кутисны гижавны, кодi кутшөм книга босьтö.

Учительница Вера Николаевна прöверитис карточка-яссö да шуис:

— Молодечьяс! Ставыс правильнö.

*С. Баруздин серти.*

Кы в ъ я с: *объявление, гоз-мөд, лыддысьысь, библиотекарь.*

#### План.

1. Мый шуисны лөсьөдны коймөд класса пионеръяс?
2. Кызди найö чукөртисны книга-яссö?
3. Кутшөм иудж кутисны нуөдны библиотекарьяс?

#### Задание.

Правильнöя шуöй библиотека, библиотекарь, объявление кывъяс да тайö кывъяснас думыштöй предложенияс.

#### КÖРПИ.

Аслам синмөн ме аддзылi көрпиөс.

Öтчыл Байда нюр дортi мунигөн паныдаси көрпикөд. Сийö куйлис төв нырөн пөрөдөм конда бердын.

Көрпи чошкөдiс пельяссö, видзөдлiс ме вылө да öдөбтiс чеччыны, но вöснныдик кокъясыс эз кывзысьны, найö кусыньтчисны, и көрпи пöри бок вылас.

«А мамыс?! Мамыс көні?»— думайтi ме. Видзодлі гөгөр, мамыс некөн эз тыдав.

Окота лои вердыштны мамтөм сирөтаөс. Перйи нопйысь няньтор да суйи сылы вомас. Но көрпи эз кут сёйны, бөр лэдзис вомсыс. Вөлі кө йөвтор, дерт, эськө юнс.

Сідзи ме и эновтi мичаник көрпиөс.

Қы в ъ я с: *Байда нюр; конда* — кос пожөм пу; *вөсньидик, няньтор, йөвтор*.

#### План.

1. Қытысь детинка аддзыліс көрписө?
2. Қызди видзөдліс көрпиыс сы вылө?
3. Кутшөмджык вөлі көрпиыс?
4. Мый көсйис вөчны детинка?

#### Заданиеяс.

1. Гижөй правильнөя **көрпи** кыв да запомнитөй сылысь гижаногсө. Асьныд думыштөй татшөм сяма кывъяс да гижөй тетрадяныд.

2. Гижөй изложениесө коймөд морт нимсянь.

#### ПЫШКАЙ ЙЫЛЫСЬ.

Аддзис пышкай ыджыд нянь корка. А лэптыны нянь коркасө да нуны аслас позйө пышкай эз вермы — эбөсыс оз тырмы.

— Вай, отсалам, пышкай,— шыасисны ёртъясыс.— А тэ юксян миянкөд нянь корканад, ставсө өд он вермы өтнад сёйны.

— Вот ещө, вот ещө!— скөрмис пышкай.— Менам нянь коркаыс! Ме аддзи! Некодлы ог сет.

— Ок тэ!— скөрмисны ёртъясыс дай лэбзисны.

А скөр рака виччысис, кор пышкай коляс өтнасөн, дай мырддис сылысь нянь коркасө.

Эн горшась, пышкай!

Қы в ъ я с: *нянь корка, эбөс* — вын; *ёртъяс, виччысис*.

#### Заданиеяс.

I. Ответитөй вопросъяс вылө (устнө):

1. Мый аддзис пышкай?
2. Ыджыд-ө вөлі нянь коркаыс?
3. Мый шуисны ёртъясыс пышкайлы?
4. Мый шуис ёртъясыслы пышкай?

5. Коді мырддис пышкайлъсь нянь коркасѳ?

II. Гижѳй изложение веськыд сѳрнитѳг.

### СВЕТЛАНА.

Коркѳ Светлана вѳлі ичѳтик, а ѳні ыджыд. Водзті сійѳ ветлѳдліс детскѳй садйѳ, а ѳні ветлѳ школаѳ. И оз первой классѳ, и оз мѳдѳд классѳ, а коймѳд классѳ нин.

Вот ѳтчыд урокъяс бѳрын локтіс классѳ старшѳй пионервожатѳй. Сійѳ висъталіс, мый аски, Ленин чужан лунѳ, челядьѳс кутасны примитны пионерѳ.

Вожатѳй кутіс лыддѳѳдлыны челядьлысь нимъяссѳ. На лыдын тшѳтш вѳлі и Светлана Сергеева. Светлана-лы лои зѳв нимкодъ. Радысла сійѳ котѳрѳн мѳдѳдчис гортас, медым та йылысь висътавны гортсаяслы.

*С. Баруздин сѳрти.*

К ы в ѳ я с: *пионервожатѳй, тшѳтш, нимкодъ.*

### План.

1. Кутшѳм классын велѳдчис Светлана?
2. Мый ѳтчыд висъталіс старшѳй пионервожатѳй?
3. Мыйла Светлана Сергеевалы лои нимкодъ?

### Задание.

Школаѳ, классѳ, челядьлы кывъясъсь корсѳѳй кыв вуж да кыв йыв.

### ДВОЙКА.

Школа йѳрысь частѳ позьѳ вѳлі аддзыны понйѳс. Нимыс сълѳн Двойка. Мыйла понйыслы сетѳмаѳсь Двойка ним, некод эз тѳд. Сѳмын ставѳн тѳдісны, мый понсѳ эз радейтны челядь.

Двойкаѳс челядь лыйлісны изйѳн, нѳйтісны. А сійѳ эргис.

ѳтчыд учительница петіс школаысь да аддзис тайѳс. Сійѳ шыасис челядь дінѳ:

— Позьѳ ѳмѳй нѳйтны понсѳ сѳмын сы вѳсна, мый сълѳн нимыс Двойка?

Челядь ланьтісны. Налы лои яндзим. Недыр мысти найѳ матыстчисны Двойка дінѳ да кутісны сійѳс вердны. Рѳгыд челядь казялісны, мый понйыс вѳлѳма зѳв шанъ да тѳлка.

*Е. Пермьак.*

К ы в ѳ я с: *яндзим, недыр мысти.*

### План.

1. Кытысь позьё вöлі аддзыны Двойка понйöс?
2. Мыйла сійöс эз радейтны челядь?
3. Мый öтчюд аддзис учительница?
4. Мый лон та бöрын?

### АСЛАНЫС ҚОЛХОЗЛЫ.

Нюшалон киясы абу на ёнöсь, но кужысьöсь.

Со и ёни. Воис тулыс. Колхозса садйысь пуяссö колö мавтны известьон, мед эз сёйны вредительяс. А колхозникьяслы некор: гөрöны, көдзöны.

Чукöртис Нюша пöдругаяссö да накöд и сёрнитчис та йылысь. Нывкаяс петисны уджавны.

Шондыс вылын на, а уджыс пöшти эштö нин.

Рытнас локтис сэтчö председатель да чуймис:

— Коді нö татшöм бура пуяссö белитöма? Кодлы аттьöсö висьтавны?

А нывкаяс чöв олöны. Нинöм оз вочавидзны. Да и мыйла найöс аттьöавны? Асланыс колхозлы öд уджалисны.

*Е. Пермьяк.*

*Кы в ъ я с: кужысьöсь, известьон, чöв олöны.*

### План.

1. Нюшалон кияс.
2. Нывкаяс садйынöсь.
3. Мыйла аттьöавны?

### Задание.

Висьталöй, кызди тi отсаянныд асланыд совхозлы.

### ЛЭБАЧЬЯСЛЫ КЕРКАЯС.

Ваня да Вася көсйöны лоны строительясон. Стрöитны ыджыд керкаяс. Но тайöс дыр на ковмас виччысьны. А стрöитны окота.

Со и думыштисны детинкаяс лэбачьяслы керкаяс стрöитны.

Кöть сьöд ракаяслы и оз гырысь керкаяс ковны, а стрöитны найöс абу кокни. Кольöм во челядь вöчисны уна скворечник, но сьöд ракаяс эз овмöдчыны сэтчö. Кöрт тувьяс чурвидзöны, коластьяс эмöсь.

Таво детинкаяс ставсö зэв бура вöчисны: пöвьяссö

шылыыда стружитисны, коластьяс эз кольны, көрт тувьяссө мичаа тувьялисны.

Позьö шуны — бур строительяс быдмөны.

*Е. Пермьак серти.*

Кы в ъ я с: *сьод ракаяс, көрт тув, чурвидзöны, стружитисны.*

#### План.

1. Ванялөн да Васялөн көсийөм.
2. Сьод ракаяс эз овмөдчыны скворечникьясö.
3. Кыдзи челядь вöчисны скворечникьяссө таво?

#### Задание.

Правильнöя гижöй **виччысьны** кыв. Асьныд думыштöй **-ич-а** кывьяс.

#### КЛЯКСАЯС.

Отчyd учительница корис Виталикöс дöска дорö да тшöктис решитны задача. Гортас Виталик абу вöчöма уроксö да эз тöд, кydзи решитны тайö задачасö.

Вера Николаевна Виталиклы пунктис двойка.

Виталик пуксис парта сайö, видзöдлис двойка вылас да шогысла кутис йирны ручка помсö.

Перöсьыс чернилаыс друг войтыштис веськыда дневникас. Буретш двойка вылас веськалі.

Рытнас батыс юалис Виталиклысь:

— Мыйла тайö кляксаыс тэнад дневникын?

— Да сідз, тöдлытöг.

Ачыс гөрдöдис яндзимысла.

Виталик рытивбыд велöдис урок.

Аскинас Вера Николаевна бара корис Виталикöс дöска дорö да тшöктис решитны задача. Виталиклөн дзик пыр артмис задачаыс.

Вера Николаевна ошкис Виталикöс да пунктис дневникас четвөрка.

*С. Баруздин серти.*

Кы в ъ я с: *тшöктис, буретш, яндзимысла, рытивбыд, четвөрка.*

#### План.

1. Мыйла Виталик пöлучитис двойка?
2. Мыйла батыс эз казав двойкасö?
3. Мыйла Виталик аскинас вермис пöлучитны четвөрка?

## Задание.

Правильноя гижой **рытивбыд** кыв да тайо кывнас думыштой предложение.

### КУИМ ЕРТ.

Школао мунігон Витя воштіс завтраксö. Ыджыд перемена дырйи ставон кутісны завтракайтны, а Витя сулаліс бокин.

Витя дорö матыстчис сьлөн ёртыс — Коля. Сійö юаліс Витялысь, мыйла сійö оз завтракайт. Кор Коля тöдмаліс, мый ёртыслөн вошöма завтракыс, кутіс янöдны Витяос.

Матыстчис Витя дінö сьлөн мөд друг — Миша. Кор тöдмаліс, кызди Витялөн вошöма завтракыс, сійö велöдіс водзö вылö пуктыны завтраксö сумкаö.

А Володя, Витялөн коймөд ёртыс, нинөм эз юась Витялысь. Сійö шöри чегис вия нянь шөрöмсö да джынсö сетіс Витялы.

*В. Осеева* серти.

К ы в ъ я с: *завтрак* — тани: *вия нянь; зеп, водзö вылö.*

### План.

1. Ыджыд перемена.
2. Коля янöдö Витяос.
3. Мишалөн совет.
4. Володя — настоящöй ерт.

### БОТЫ.

Баб быдлаысь корсис ассьыс ботысö. Некытысь эз аддзы. Ботыыс сьлөн вилькодъ на вöлі. Сöмын пыдöсыс муртса розялыштöма. Баб думыштіс, эз-ö Вася внуюкыс босьт.

Воис Вася школаысь. Баб юаліс сылысь боты йылысь. А Вася серöктіс да шуö:

— А тайö нö мый?

Баб видзöдліс вешалка улö. Чуймис: ботыыс сэни сулалö. Кутіс көмавны да ещö ёнджыка чуймис. Боты пыдöссö дөмöма да пытшкас картон пуктöма. А картонас гырысь букваон гижöма: «Дона баб, поздравляйта тэнö Март 8-öд лунөн. Тэнад внук Вася».

*Ю. Ермолаев* серти.

К ы в ъ я с: *вилькодъöсь, поздравляйта* — чолöмала.

### План.

1. Мый корсис баб?
2. Коді босьтлөма ботысö?
3. Мыйла Вася босьтлөма бабыслысь ботысö?

### СУРКА.

Отчыл, öшинь дорын пукалiгөн, ме кылi садйысь нориника никсöм. Мам кылiс жö никсöм шысö. Ме кутi корны, медым меным петкöдласны, кодi сэнi бöрдö. Некымын минут мысти вайисны зэв ичöтик понпиöс. Сийö вöли синтöм на, но зумыда нин сулалiс аслас чукля кокъяс йылас. Понпи зэв нориника никсiс.

Меным зэв жаль лои понпиыс. Ме босьти сийöс да гартышти аслам дөрöмö.

Мам тшöктiс вайны блюдыын шоныд йöв. Недыр мысти понпи велалiс лакны йöвсö.

Сийö кадсянь понпи эз вешйыв ме дiнысь. Ме вердi сийöс луннас некымынысь.

Понпилы сетiм Сурка ним.

Сурка быдмис да лoис нейджыд дворяжкаöн. Сийö олiс мяян ордын дас сизим во, и, дерт, эз комнатаын, а ывлаын.

*С. Аксаков серти.*

*Кы в ъ я с: некымын, блюдыын, дворяжка — понъяслөн порода; дас сизим.*

### План.

1. Кутшöм шы кылiс садйысь?
2. Кодi никсiс сэнi?
3. Кутшöмджык вöли понпиыс?
4. Кутшöм ним сетiсны понпилы?
5. Кутшöм лои понпиыс быдмöм бöрас?

### Задание.

Гижöй дженьыдик изложение коймöд морт нимсянь.

### Примернöй текст.

### СУРКА.

Детинка кылiс садйысь нориника никсöм. Сэнi вöлöма ичöтик понпи. Понписö пыртiсны керкаö. Детинка гартышти сийöс аслас дөрöмö. Сэсся вердiс шоныд йöлөн. Детинка да понпи вöлины век öтлаын. Понпиыслы сетiсны Сурка ним. Сийö быдмис да лои нейджыд дворяжкаöн. Сийö олiс дас сизим во.

Кодзыд төвлы лон пышйыны збоя матыстчысь тулысьсы. Кодзыд воздухыс небзис. Шондыс лышкыда койис зарни югөръяссө му вылө. Шочинника буситыштавлис нин шонид зэр.

Талун «Лэбачьяслөн лун».

Урокъяс помасьом бөрын пионерскöй дружина стройон прöйдитис туй кузя. Ставныслөн кианыс скворечникъяс: пöвйысь, фанераысь, весиг туйсысь. Лунвывса лэбачьясөс октябрыта да пионеръяс виччысисны гөстьясөс моз, дасьтисны налы лөсьыд квартираяс. «Кымын сквореч кутас сывны мян сиктын! Мыйта ковтөм гагьясөс бырөдасны зиль лэбачьяс!»— радлисны челядь.

*В. Безносиков серти.*

Кы в ъ я с: «Лэбачьяслөн лун», скворечникъяс, виччысисны.

#### План.

1. Кыдзи тулыснас вежсис ывлаыс?
2. Кыдзи пионерскöй дружина лөсьөдчис «Лэбачьяслөн лун» кежлө?
3. Кутшөм пöльза вайöны скворечьяс?

#### Задание.

Асланыд изложениеö пыртöй татшөм предложение: «Шондыс лышкыда койис зарни югөръяссө му вылө».

#### САЛДАТОКÖИ ЮКМÖС.

Коркө мян сикт дорын салдатъяс велөдчисны лыйсыны, кодйыны окопъяс.

Вөли зэв жар. Öти салдатлөн горшыс кутис косьмыны. Босьтис сийö зыр да кодйыштитис гөптор. Регыд мушыс кутис петны сөдз ва. Юыштитис васö салдат да мунис.

Мөд салдат джудждөдыштитис гөпторсө. Юыштитис васö ачыс да ёртъясыслы нуис.

Аскинас салдатъяс вайисны керъяс да вөчисны сруб. Кодкө на пиысь сямөдысь вөчис көш да öшөдис сийös юкмös дорын быдмысь пу вылө.

Регыд салдатъяс мунисны мян сиктысь да сэсся эз нин волыны. А юкмös коли. Ваыс сэнис сөдз да чөскыд. Сиктса йöз юöны сэтысь васö да бур кывйөн казътыв-

лõны салдатъясõс. А юкмõсõ и õнõдз салдатскõйõн шуõны.

«Мурзилка» журналысь.

Кы в ъ я с: *джудждõдыштис, казътылõны, сруб.*

#### План.

1. Салдатъяс велõдчõны.
2. Мый вõчис õти салдат?
3. Мый вõчис мõд салдат?
4. Мый вõчисны аскинас салдатъяс?
5. Мыйла сиктса йõз казътылõны салдатъясõс?

#### ДИНКА.

Тайõ вõли война лунъясõ. Партизанъяслы самолётõн вайисны Динка понйõс.

Õтчыд партизанъяслы сетисны задание: взорвитны железнодорожнõй состав. А кõрт туйсõ видзисны врагъяс. Партизанъяс босьтисны сьõрсъыныс Динка понйõс.

Со тыдовтчис эшелон. Партизанъяс сетисны Динкалы команда:

— Одыõ, õдыõ, Динка!

Динка котõртис кõрт туй вылõ да пиньнас заводитис чашйыны мыш вывсъыс тубрассõ. Тубрасыс мыш вывсъыс уси, и Динка котõртис бõр.

Регыд мысти кылис взрывлõн шы. Вагонъяс путкыльтчисны насып õтар-мõдар бокõ.

Партизанъяс тайõ кадас вõлины ылынõсь нин. Динка понйыс суõдис найõс кок туй сертыис.

«Пионерскõй правда» газетысь.

Кы в ъ я с: *взорвитны, железнодорожнõй состав, сьõрсъыныс, эшелон* — тані: паровоз да вагонъяс; *насып õтар-мõдар бокõ, кок туй.*

#### План.

1. Кор да кытчõ вайисны Динка понйõс?
2. Кутшõм задание сетисны партизанъяслы?
3. Коді да кыдзи ютсалис партизанъяслы выполнитны заданиесõ?
4. Кыдзи Динка аддзис партизанъясõс?

#### КАНЬ ДА ЁЖ.

Гортын мян эмõсь кань да ёж. Õтчыд кань водис джоджõ да кутис видзõдны ёж вылõ. Ёж кутис видзõдны кань вылõ. Матыстчис ёж динõ кань да лапанас вõрзъõ-

діс сійос. А ёж дзебис ассьыс юрсө да чургөдіс емъяссө. Каньлөн лапайс сутшкысис емъясас. Кань вешйис бокө да заводитіс нювны лапасө.

Рытнас ёж заводитіс котравны. Кань дыр видзөдіс сы вылө, окота лои ськөд котралыштны. Чеччыштіс ёж вомөн, и емъясыс лапаяссө эз сутшкыны.

Кань заводитіс ворсны ёжкөд. Окота лои каньлы кватитны ёжөс. Чеччыштіс сы вомөн да бара бытшкис лапасө.

Сэкса нь кань дугдіс ворсны ёжкөд.

А. Бостром серти.

Кы в ъ я с: *ёж, вөрзөдіс.*

### План.

1. Кань да ёж.
2. Кань ворсө ёжкөд.
3. Мыйөн помасис каньлөн ёжкөд ворсөмыс?

### СМЕЛ ДЕТИНКАЯС.

Рытнас Юра да Витя видзөдісны телевизор пыр кино «Максимлөн юность». Друг өшиньө швачкис гөрд югөр. Вөлөмкө, сотчө орчча керкаыс.

Челядь уськөдчисны ывлаө. Керка вевтыс вөлі сотчө нин. А өдзөсас өшаліс томан.

Витя да Юра чепөсйисны өшинь дорө. Найө жугөдісны өшиньсө да пырисны керкаө. Керка тырыс тшын. Тшыныс сөйис налысь синъяссө.

Өти комнатаын крөвать вылын узисны квайт арөса Валя да нель арөса Оля. Юра да Витя кватитісны посни челядьөс да петкөдісны өшинь пыр ывлаө.

Друг пытшкөс комнатаас кыліс горзөм шы. Юра да Витя пыр жө гөгөрвоисны, мый тайө Саша. Челядь бара уськөдчисны сэтчө. Көкъямыс арөса Саша куйліс джоджын да ымзіс.

Юра да Витя кыскисны ывлаө и Сашаөс.

Татшөмөсь миян пионерьяс.

«Пионерской правда» газетысь.

Кы в ъ я с: *сотчө, орчча.*

### План.

1. Юра да Витя видзөдөны телевизор. Мый найө друг адзисны?

2. Қызди детинкаяс петкөдісны сотчысь керкаысь посни челядьёс?

3. Юра да Витя — настоящей пионерьяс.

### ЯНВАРЬ СҚОРАЛО.

Миян Коми республикаын январь лыддысьё медся көдзыд төлысьөн.

Январын частө пөльтөны көдзыд төвьяс Карскөй моресьянь. Сэки температураыс друг усьлывлө 40—50 градусьясөдз. Та вөсна и важ йөз шулөмаөсь: «Январь-батюшка — көдзыд, февраль — турөб».

Январын шондыс зэв шоча петкөдчывлө. Войясыс кузьёсь. Усьё уна лым. Лым шебрасыс бура видзө мусө кыномысь. Но кор төлыс пөлтө рытиввывсянь, поводдяыс шондөдө.

Кы вьяс: *Карскөй море, январь-батюшка, рытиввывсянь.*

### План.

1. Январь — көдзыд төлысь.
2. Мый шулөмаөсь важ йөз январь йылысь?
3. Мый видзө мусө кыномысь?
4. Кор шондөдывлө?

### Задание.

Асланыд наблюденияс серти висьталөй, кутшөм вөлі январыс таво.

### ТӨЛЫН ВУГРАСЬӨМ.

Йизьөма ты, вөв нин лыбас. Выль лым кызакодь шлапкөма-усьөма.

Гожөмын тайө тыас гыбалөны сынпиян, ызөдчөны сирьяс.

А төвнас? Төвнас тыыс быттьө кулөма. Чайтан өмөй, мый чери вермас шедны? А, вөлөмкө, шедө.

Локтан водз асывнас ты вылө, корсян сувтанін, пөрччан ноптө, перьян сэсь дженьыдик шатина төвся вугыр — аслыспөлөс кыснан. Сьөрсьыд ваян тшөтш и пыридз. Розьөдан йисө, лэдзан сэтчө кыснантө да заводитан вуграсьны. Нинөм оз шед, көсьян нин бөр гортад мунны, и сэки кыснаныд быттьөкө кытчөкө крукасяс. Лэптан лым вылө өзьян бордья ёкышөс. Радыдла весиг ыркмунлө сьөлөмыд. И тадзи лунтыр пукалан йөрдан дорын.

А рытнас ёкыш юква панялан.

Г. Юшков.

### Задание.

Лыддбй текстб да висьталбй, кыдзи чери кыйысьяс вуграсьбны тблын.

### ЧАПАЕВ ОЛОМЫСЬ.

Чапаевъяслбн семьяыс оліс гбля. Васялы водз ковмис отсасьны бать-мамыслы. Гожбмнас сібб пастукавліс, тбвнас ветлывліс вбрб песла.

Кор Вася быдмыштіс, батьыс сетіс сіббс озыр купеч ордб. Сэні Вася мыськавліс магазинысь джоджъяс, котравліс кытчб ыстывлісны, ваяліс складысь тбвар. Эз бтчыд Вася кывлы, кыдзи купеч велбдліс ассьыс отсасьысьясбб:

— Вузасьнытб абусьбкыд. Главнбйыс — пбрйбдлыны нббасьысьбс.

Но Вася быдмис честнбй зонкабн. Сібб муніс купеч ордысь, а мунігас сылы шуис:

— Весьшбрб тэ ошйысян, мый ставсб верман вбчны. Эн вермы тэ менб жуликбн вбчны.

*В. Баныкин серти.*

Кы в ъ я с: *бать-мам, весьшбрб* — прбстб; *купеч* — озыр тбргбвеч.

### План.

1. Васялбн челядь дыр.
2. Вася уджалб купеч ордын.
3. Вася честнбй зонка.

### Задание.

Висьталбй, мый ещб лыддывлісныд Чапаев йылысь.

### ЩОРС ЙЫЛЫСЬ ВИСЬТ.

Гражданскбй войнадырся знаменитбй герой Щорс вблі повтбм мортбн.

Бтчыд бртъясыскбд Щорс муніс туй кузя легкбвбй автомобилыны. Ставныс набб вблі вооружитчбмабсь. Вбліны налбн и гранатаяс.

Туйыс нюжаліс паськыд муяс вомбн.

Видзбдб Щорс: налы паныд бус кымбр пытшкын тбвзьб-локтб грузбвик. Грузбвик тырыс вооружитчбм йбз. Машина вылас дблалб петлюровскбй флажок.

Тбвзьбны машинаяс бта-мбдлы воча, и кежны налы некытчб. Туй бтар-мбдар бокас джуджыд канаваяс. Сбмын муртса позьб вежбн прбйдитны.

Щорс машинаын ставон кутчысисны оружьеб.

Петлюровецъяс казялісны жб Щорслысь машинасб да пондісны видзбдны. Мбдісны найб бвтчыны кияснас, тшбктбны сувтны.

И тайб кадас Щорс босьтб граната. Машинаяс дзик нин орчабсь. Аддзбны петлюровецъяс фуражкаяссьыс гбрд звездаяс да кучик тужуркаяс. И Щорс аддзб, кыдзи лыббны петлюровецъяслбн винтовкаяс.

Щорс шеныштчис да шыбитіс гранатасб веськыда машина кузовас.

Куим секунд мысти найб мыш сайын кыліс гымбб-тбм. Взорвитчис граната.

А машина тбвзьб и тбвзьб. Сбмын сэк, кор бдйб мунбмысла бусыс на сайын сувтис стенбн, шофбр чинтис бдсб.

*Н. Тихонов серти.*

*Кы в ъ я с: войнадырся, вооружитчбмабсь, нюжаліс, петлюровскбй флажок, петлюровецъяс — белбйяс; бта-мбдлы паныд, взорвитчис.*

### **Задание.**

Сетбм план серти гижбй выборчнбй изложение.

### **План.**

1. Щорс да сьлбн бртъясыс казялбны петлюровецъясбс.
2. Кык машина локтбны бта-мбдлы паныд.
3. Кодъяс петкбдлісны смеллун да сюсьлун?

### **ЛОВЪЯ ШЛЯПА.**

Шляпа куйліс камод вылын. Каньпи пукаліс джбджын, камод дорын. Вовка да Вадик рисуйтчисны. Друг на мышкын мыйкб уси джбджб. Найб бергбдчылісны да аддзисны джбджысь шляпа.

Вадик кбсйис лэптыны шляпасб, но шляпаыс кутіс кыссьыны сылань, муніс комната шбрбдз да сувтис. Челядь полігтыр видзбдісны шляпа вылб. Сэсся шляпа бергбдчис да кутіс кыссьыны диванлань.

Детинкаяс босьтисны кухняысь картофель да кутісны лыйлыны шляпаб. Лыйлісны, лыйлісны, сэсся и веськалісны шляпаб. Шляпаыс тай кыдзи чеччыштас вывлань! Сы улысь тыдовтчис руд ббж, лапа, а сэсся и каньпи петіс.

— Васька!— любб лои челядьлы.

Вадик кватитіс Васькабс да заводитіс кутлыны. Каньпи сбмын куньтыраліс синъяссб.

Челядь гөгөрвоисны, мый каньпи пукаліс джоджын, а шляпаыс усьома сы вылө камод вывсянь.

*Н. Носов серти.*

Кы в ъ я с: *камод* — шкаф; *куньтыраліс*.

#### План.

1. Кыдзи каньпи веськаліс шляпа улө?
2. Мыйла детинкаяс повзисны шляпаысь?
3. Кыдзи найө дорйысисны «ловъя» шляпаысь?
4. Коді вөлөма шляпа улас?

#### ДОЛАЛО ПИОНЕРСКОЙ ФЛАГ.

Эжва ю веськыдладор берегын, пожөма ягын, пионерской горн быд асыв чуксалө челядьөс линейка вылө. Барабанъяс шы улын мачта йылө кыпөдчө пионерской флаг. Тадзи заводитчө луныс «Белөй Бор» пионерской лагерын. Тані шойччөны уна нывкаяс да зонкаяс.

Лагерын кадыс кольө вывті өдйө. Быд лун челядьөс виччысьө мыйкө выльтор. Медводз найө лөсьөдісны клумбаяс, футбольной да волейбольной площадкаяс, бөрийсны медводдза походлысь маршрут. А томиник чери кыйысьяс ветлісны вуграсьны. Кутшөма нимкодясисны найө, кодъяслы шеді медуна чери. Кутшөм чөскыд вөлі ас пуөм юкваыс! Рытъяснас юргөны гажа сьланкывъяс. А спортивной площадка вылын спортсменьяс петкөдлөны ассыныс пелькунсө.

*«Югыд туй» газетысь.*

Кы в ъ я с: *футбольной да волейбольной площадкаяс, маршрут* — тані: походө мунан туй; *спортсменьяс*.

#### План.

1. Кыдзи заводитчө асылыс пионерской лагерын?
2. Мый вөчөны челядь луннас?
3. Кыдзи коллялөны пионерьяс рытъяссө?

#### Задание.

Висьталөй сы йылысь, кыдзи ті шойччанныд пионерской лагерын.

#### ВАЛЯ.

Өтчыд челядь ворсісны лыа чукөр вылын. Детинкаяс стрөитісны крепость. А Валя ворсіс аслас Андрюша вокыскөд. Вокыс вөлі ичөт на, кысьясис бауөн.

Друг колхозной сарай дорсянь кылісны горөдөмьяс:

— Понйыс чеп йылысь орөдчөма. Таланьö котөртö. Челядь ставныс пышйисны. Валя тшöтш жö котөртис потшöс сайö. Лыа чукөр вылö колис ичöтик Андрияша. Сийö зэв ёна бөрддзис.

Валя бөр уськөдчис вокыс динö да сайöдис сийöс мышнас. Ыджыд пон котөртис веськыда на вылö. Пон дзик нин матын. Валя кватитис киас совок да мый вынсыс горөдис:

— Мун татысь!

Пон бөрся вöгчис стөрөж. Сийö кутис понйöс.

Ывлаын лон чöv-лөнъ. Детинкаяс яндысьöмпырысь локтисны лыа чукөр дорö. А Андрияша пукалис да нюмъялис нин.

*Н. Артюхова серти.*

Кы въяс: *орөдчөма, ньöжйöникөн.*

#### План.

1. Челядь ворсисны лыа чукөр вылын.
2. Кодысь повзисны челядь?
3. Валя дорйö воксö.
4. Детинкаяслы яндзим.

#### СЬÖЛАЯС.

Вöравныд, дерт, абу кокни: унаысь көтасьлан, пöсъяв-лан, мудзлан. Повтöм радлун шымыртö вöралысьöс сэки, кор удайтчö лыйны сьöd дозмөрöс либö мудер тарöс.

Торъя нин лöсьыд вöтлысьны сьöлаяс бөрся. Тайö сера пöткаыс гулюысь абу ыджыд, но сюсь да тэрыб. Да и быть колö лоны сюсьөн да тэрыбөн, кор эмöсь уна врагъяс: сьöла бөрся кыйсьöны не сöмын вöралысьяс, но и туланъяс, ручьяс, варышъяс.

Гожöмнас сьöлаяс олöны позтырөн. Водз асывнас на мамыс нуодас асьыс пиянсö вотöса местаö, көни быдмöны чöд-чöдлач. Найö шыръяс моз котралöны турун пытшкөд, велөдчöны корсьны сёян-юан.

Казялисны кө зверöс либö мортöс, пыр жö та йылысь сетöны тöдны öта-мөдныслы. Мамыс чипöстас, и сьöлапиян öти здукөн дзезсяласны.

Вочасөн сьöлапиян быдмöны, лöны гырысьöсь. Сэсся торйөдчасны мам динысь, кутасны овны-вывны ас кежас.

*И. Коданёв.*

Кы в ъ я с: *радлун, тэрыб, позтырөн, чөд-чөдлач, сёян-юан, óta-мөдныслы, овны-вывны.*

### **Заданиеяс.**

I. Гижой существительнойяссө: **чөд-чөдлач, сёян-юан.** Татшөм сямма кывъяссө думыштöй асьныд да гижой тетрадяныд.

II. Гижой выборочной изложение сетөм план серти.

### **План.**

1. Сюсь да тэрыб сёлаяс.
2. Кыдзи сёлаяс олоны гождөмын?
3. Кыдзи видзө асьыс пиянсө сёла-мам?
4. Кор сёлапаян торйөдчөны мам дінсыс?

### **ТУЛЫСЛӨН ВООМ.**

Улльөв кодь небыд төв лунвывсянь пөльтө, вайө чөс-кыд көр, лөсьыда чужөмад өвтө... Енэжын шондыс вылі нин ветлө. Сывны нин вөрзёма лым. Гож водзын лөзөдө, сөнікө пөрө. Толаыс ляпкалө, чинө.

Өдзөсыс тулыслөн паськыда вөссө.

Ывлаын гораммө, быттьөкө вель мыськөм, пелькө-дөм керка. Гажа сэн, гора и кыпид. Енэжыс кыптө зэв вылө. Қымөръяс качөны.

Вөссөма вөр пу йыв. Гылалө-шупкысө ув вылыс тукта. Лым ваөн мысьсөмаөсь лысьяс.

Төпкө-виялө вевт вылыс войтва...

Со и гож водзө петөма курөг, лажъялө-ветлөдлө ньөжйөнник, тшапа. Петуклөн чуксасьөм кылө. Долюджык кажитчө ракалөн кравзөм. Со детинка керкаыс ывлаө петіс, керкаын тулысын гажтөм. Письтөмаөсь шоръяс... Гөгөр дзик ловзёма, нюмъялө-сьылө.

*В. Чисталёв.*

Кы в ъ я с: *улльөв кодь, сөнік, гылалө-шупкысө, төпкө-виялө, нюмъялө-сьылө.*

### **План.**

1. Толаыс ляпкалө, чинө.
2. Қымөръяс качөны.
3. Вөссөма вөр пу йыв.
4. Гөгөр дзик ловзёма, нюмъялө-сьылө.

### **Заданиеяс.**

1. Висьтыслысь первой абзацсё велөдöй наизусть да гижöй сийöс память серти.

2. Корсьöй образнöй кывъяс, выражениеяс да визьнитöй найöс улiтiе.

### **ОШҚОД ПАНЫДАСЬЛӨМ.**

Тайö лои гожöмын. Федя Мальков вотiс тшак да мөдөдчис нин гортас. Друг мыйкö тратшмунiс. Федя бергөдчис да аддзис зэв ыджыд ошкөс. Ош казялис детинкаöс да веськөдчис сылань.

Федя шыбитiс кöрзинасö да öти здукөн кавшасис пожом вылө, ош — сы бöрся. Федя вылөджык кайис, а ош оз кольччы. Ош кучкис лапанас Федялы кокас. Но сэки увйыс, кöни пукалис ош, чегис. Ош шнөпкысис-усис муö, но пыр жö бöр кутiс кавшасьны эргигтырйи пу йылö. Федя зэв матысь аддзис ошлысь скöр синъяссö да жергөдöм вомсö.

Сэки детинка шыбитiс ошлы веськыда синмас ассьыс кепкасö. Ош друг равöстiс да бара уси муö. Но звирк чеччис да уськөдчис вöрö. Со кутшöма повзис ош!

Федя спаситчис.

*Кы в ъ я с: шнөпкысис-усис, эргигтырйи.*

### **План.**

1. Федя аддзис ошкөс.
2. Федя да ош.
3. Мыйла ошкыс пышйис?

### **Задание.**

Изложениеаныд пыртöй татшöм глагольяс: тратшмунiс, шнөпкысис-усис.

### **ЗНАМЯ.**

Лесник Иван Дмитриевич кытшовтiс аслас вöр участоктi. Водзвылын котöртiс Барс нима понйыс. Иван Дмитриевич эз и казяв, кыдзи воис Кукушкиноöдз, кöни война дырйи мунiсны чорыд тышъяс. Друг лесник аддзис муöн тырöм землянка. Сийö весалис пыранiнсö да пырис сэтчö. Барс пыр жö заводитiс парсавны мусö землянка пельöсысь. Сэни вөлöма плащ-палатка, а сы пытшкын знамя.

— Эз кӧ аддзы менам Барсӧй, ме эськӧ эг аддзы тайӧ знамясӧ,— шуис лесник, кор сдайтӧс знамясӧ военкоматӧ.

«Пионерскӧй правда» газетысь.

Кы въяс: *кытшовтӧс, Кукушкиноӧдз, землянка* — му пытшкӧ вӧчӧм оланӧн; *плац-палатка, военкоматӧ*.

#### План.

1. Кытчӧ воис лесник?
2. Мый сэтӧсь аддзис сӧйӧ?
3. Мый аддзис землянкаысь Барс?
4. Кытчӧ нуис знамясӧ лесник?

#### Задание.

Думыштӧй висӧт сы йылысь, кызди миян салдатъяс тышкасны Кукушкино сикт вӧсна, кызди землянкаас кольӧма знамяыс.

#### СӖВЕТСКӖЙ МОРЯКЪЯС.

Сӧветскӧй корабль кывтӧс Краснӧй мореӧд, Койн дӧ пӧлӧн. Друг миян морякъяс казялісны сигнал: «Вись-мис смотритель, корам отсавны». Сӧветскӧй корабль веськӧдчис ділань. Дӧ вылӧ петӧсны врач да капитан-лӧн отсасысь.

Сэні найӧ тӧдмалӧсны, мый кык лун нин куйлӧ висысь смотритель. Сӧветскӧй врач пырысь-пыр жӧ вид-лалӧс сӧйӧс да сетӧс лекарство.

Смотрительяс пиысь ӧти висьталӧс:

— Кык лун нин ӧшалӧс сигналыс. Уна корабляс прӧйдитӧсны дӧ пӧлӧн. Но некод эз кеж отсавны висысь мортлы. Сӧмын сӧветскӧй морякъяс отсалӧсны сылы.

Кы въяс: *Койн дӧ, Краснӧй море, пырысь-пыр, смотритель* — танӧ: маяк вылын би ӧзталысь; *маяк* — башня, кӧнӧ ӧзйӧ корабляслы туй индалӧм вылӧ би.

#### План.

1. Кытӧ кывтӧс сӧветскӧй корабль?
2. Мый казялісны сӧветскӧй морякъяс?
3. Кытчӧ матыстчис миян корабль?
4. Мый лӧма маяк вылын?
5. Кутшӧм отсӧг сетӧс висысьлы сӧветскӧй врач?
6. Мый висьталӧс ӧти смотритель? (Гижӧй та йылысь веськыд сӧрнитӧг.)

## КОМИ МУ.

Войдөр Коми му вöлі пемыд, эновтöм пельöсөн. Царскöй правительство зiлис сэтись перйыны сöмын доходъяс. Войвылöс грабитисны, а местнöй йöзöс чорыда нартитисны. Омöль олöм вöсна уна тысяча морт мунлисны ыли местаясö — Уралö, Волга вылö, Сибирö. Коми муö мөдöдлисны ссылкаö царизмлы ковтöм йöзöс.

Великöй Октябрьскöй революция бöрын сiдз жö, кыдзи и мукöд сöветскöй народъяслөн, вежсис коми йöзлөн олöмыс.

Пемыд пармаын, кытчö важөн весиг шоча пыравлисны кыйсьысьяс, чужисны выль шахтаяс, кыпöдчисны нефтянöй да газöвöй вышкаяс, писькöдчисны көрт туйяс, автомобильнöй туйяс.

Паськыд, көдзыд тундраын да пемыд пармаын кыптисны карьяс, выль посёлөкьяс, көни стрöитисны бур да мича школаяс, стадионьяс, театрьяс, олан керкаяс.

*«Югыд туй»* газетясь.

Қы в ъ я с: *доходъяс* — озыр лун; *местнöй йöз* — танi: коми йöз.

### **Задание.**

Гижöй изложение татшöм темаяс вылö: «Коми му войдөр», «Коми му öни».

## МОРТЛÖН КОК ТУИ.

Öтчыд Володя Ульянов да сылөн ыджыдджык вокыс, Саша мунисны вöрти. Мунисны найö кутшöмкö морт кок туй кузя. Кок туйыс муртса-муртса тöдчис. Но со мортыс öшөдöма шор дорö сямöд чибльöг. Позьö сiдз ва юыштны. Со шор вомөн потшьяс пуктöма. Позьö

вуджны и кокто не котодны. Со трөпа вывсьыс шыбитома ыджыд вужля.

Володя нюмъялө. Сэсся шуо: «Кутшөм лөсьыд, мый миян водзын мунөма зэв шань морт. Мыйта буртор сийө вөчөма». Чуймис Саша Володялөн төлка сөрни вылө, сывйыштис сийөс да шуис: «Вот тадзи и колө қлөмын быдөнлы вөчны сөмын буртор».

Кы в ъ я с: *морт кок туй, чибльөг — сямөдысь вөчөм көш.*

#### План.

1. Володя да Саша мунөны вөрті.
2. На водзын мунөма шань морт.
3. Володя да Саша костын сөрни. (Гижой веськыд сөрнитөг.)

#### ВӨР.

Югдө. Лөз төдчө ягын. Сулалө-вугралө вөр. Оз шыөдчы, оз вөрзы — чөв. Нэмөвөйся сывтыръя пожөмъяс, быттьөкө дзор багатыръяс, орччөн-орччөн сувтөмаөсь, сынисады узьөны. Кымын төв и гожөм нин найө нэмъясын вөліс! Кымынысь нин кынмывліс-унмовсьліс төв кежлө вөр, садьмывліс-шувгыліс тулысын!

Локтісны йөз, тракторъяс. Шызис сынөдыс ягын... Лөзгөны-пөрөны пуяс... өти, мөд... уна нин водіс. Оз нин аддзывны пожөмъяс тавося тулыс. Мед но. Найө мортлы бур вылө мунөны.

*В. Чисталёв.*

Кы в ъ я с: *сывтыръя пожөмъяс, сынисады, лөзгөны-пөрөны.*

#### План.

1. Сулалө-вугралө вөр.
2. Шызис сынөдыс ягын.

#### Заданиеяс.

1. Висьталөй, мый вөчөны пуысь.
2. Гижой изложение да пыртөй сэтчө татшөм глаголъяс: кынмывліс-унмовсьліс, садьмывліс-шувгыліс, лөзгөны-пөрөны.

#### САД КУТАС БЫДМЫНЫ.

Гөра йылө, изъяс костө, быдмөма дикөй яблоня. Гашкө, төв татчө көйдыссө вайис, гашкө, морт уськөдіс.

Өти нывка частө кайывліс сэтчө дзоридзьяс вотны. Сийө пукавльывліс тайө ичөтик яблоня дорас. Отчыд

нывка перйис тайё пусё вужнас. Лэччөдіс да садитіс школа йөрө. Мөд луннас сійё киськаліс пусё. Яблоня ловзис. А сэссия мөдысь локтіс киськавны пусё, а сійёс кодкө киськалөма нин. Вөлөмкө, челядь тшөтш заводитөмаөсь дөзьөритны пусё.

Сэссия тыдовтчисны нэриник розөвөй цветьяс. Сэки челядь шуисны татчө жө ещө садитны пуяс, мед яблоньясылы оз ло гажтөм. Челядь бура дөзьөритісны, и ни өти пу эз косьмы.

Школа помалөм бөрын найө тшөктісны садсө дөзьөритны посныдджык челядьлы. Сад кутас быдмыны!

«Пионер» журналысь.

Кы в т я с: *нэриник* — слабиник; *яблоня*.

#### План.

1. Гөра йылын яблоня.
2. Нывка садитө сійёс школа йөрө.
3. Челядь дөзьөритөны яблонясө.
4. Школа йөрын быдмө сад.

#### АР.

Куим лун чөж нин гудрасис ывла. Гурйыв восьтөм сарай өдзөсөд моз вөр пытшкө пөльыштлас төв. Гырысь пожйөн пожналыштас катшашыдөс. Ставыс заводитлас пөдны сапкөмөн усьысь лымйөн. Турөб өгувтлас мусө и небесасө. Вына вөлөма тавося ар пом. Нельөд войнас сійё яра уськөдчис локтысь төвлы паныд, да югдандорыс бөр заводитіс сывны.

В. Юхнин.

Кы в т я с: *гудрасис ывла* — поводдяыс вөлі лёк; *гурйыв, катшашыдөс, югдандорыс*.

#### Заданиеяс.

1. Лыддьөй висьтсө да висьталөй содержаниесө.
2. Висьталөй, мыйкөд сравнитөма авторыс төвлысь пөльыштөмсө, катшашыдөслысь усьөмсө.
3. Думыштөй да лөсьөдөй план. План сертиыс ещө өтчыл висьталөй содержаниесө, сэссия гижөй.

#### Примерной план.

1. Гудрасьө ывла.
2. Сапкө-усьө лым.
3. Бара заводитіс сывны.

(Ю. Гагарин выступлениеьс.)

Ме көсья висьтавны неуна сы йылысь, мый ме аддзылі Му шар гөгөр лэбигөн.

175—300 километр вылнасянь Муыс зэв лөсьыда тыдалө. Зэв бура тыдалөны джуджыд гөраяс, ыджыд юяс, паськыд вөръяс, діяс.

Зэв лөсьыда тыдалөны кымөръяс. Небесаыс дзик сьод. Кодзувъясыс кажитчөны ыджыдджыкөсь.

**Задание.**

Висьталөй, мый аддзыліс Юрий Гагарин Му шар гөгөр лэбигөн.

**ТЕШҚОДЬ ДРУЖБА.**

Бать вайис миянлы ичөтик ручпиөс.

Ручпиыс вөлі гөрдоват, пельясыс сьодөсь. Сьод синьясыс видзөдісны миян вылө полігтыр. Ми сетім сылы Рыжик ним да пыр жө домалім көв йылө. Миян понным матыстчис руч дорө, исалис да долыда өвтыштіс бөжнас. А сэсся кутіс нювны ручпиөс асьыс понписө моз. Первойсө Рыжик нинөм эз сөй. Вочасөн сійө кутіс велавны йөз дінө. Но медся ёна сійө лөсяліс понкөд. Найө отлаын узьлісны чомйын. Тешкодь вөлі видзөдны, кыдзи чомйысь чурвидзөны кык ныр-вом.

Пон да Рыжик частө сөйлісны өти дозйысь. Пон некор эз эргы сы вылө. Лун дас вит мысти ручпи дзикөдз велалис йөз дінө.

«Пионер» журналысь.

**План.**

1. Мый пөдаритіс челядьлы батысь?
2. Кутшөм вөлі ручпиыс?
3. Пон да ручпи.

**ҚОР ҚИТ ӨБЕДАЙТӨ.**

Учөнойяс лэдзисны ваө специальной прибор — гидрофон. Сы отсөгөн найө төдмалөны море пытшкысь шыяс. Шыясыс сәні вөліны уна пөлөсөсь — тайө «сөрнитісны» черияс. А өти шы, мукөдьясысь гораджык, кыліс быд куим минут мысти. Мый тайө татшөмыс?

Дыр думайтісны учөнойяс, и медбөрын найө гөгөрвоисны, мый тайө... кит. Гадзи тіпкө сылөн сьөлөмыс, сійө уджалө мотор моз. Но сьөлөмыслөн тіпкөмыс кылө

сӧмын сэки, кор кит восьтывлӧ вомсӧ, медым нбылыштны сӧян.

Онi учёнӧйяс тӧдӧны: кылӧ кӧ пульсыслӧн тiпкӧмыс, кит ъбедайтӧ.

«Мурзилка» журналысь.

Кы въяс: *учёнӧйяс, специальнӧй, гидрофон, тiпкис, пульс.*

#### План.

1. Кутшӧм прибор отсӧгӧн учёнӧйяс тӧдмалӧны море пытшыкысь шыяс?

2. Мый эз вермыны зэв дыр тӧдмавны учёнӧйяс?

3. Мый серти учёнӧйяс тӧдмалӧны китлысь ъбедайтӧмсӧ?

#### АЛЯСКАЫН ПАМЯТНИК.

Ном нима посёлокын, войвыв Аляскаын, друг заводитчис дифтериялӧн эпидемия. Оти морт доддяліс понъясӧс да муніс карӧ лекарствала. Карӧдз понъяс воисны, а вот бӧрсӧ кызди... Заводитчис пурга. Понъяс мездисны, эбӧссыс петісны. Кутчысис сӧмын понъяслӧн вожак. Нимыс сылӧн вӧлі Балт. Морт, кодi веськӧдліс понъяснас, кӧрталіс лекарствала пакетсӧ Балтлы мыш вылӧ да сетіс команда:

— Водзӧ, гортӧ!

Балт котӧртіс дзик сап пемыдас. Сійӧ котӧртіс сӧ километрысь унджык.

Балт воис посёлокӧ. А некымын минут мысти нин доктор ветлӧдліс керкаысь керкаӧ, медым спаситны висысьясӧс.

Тайӧ случай кузя Аляскаын сувтӧдӧма Балтлы памятник.

«Пионерскӧй правда» газетысь.

Кы въяс: *дифтерия* — висьӧм; *эпидемия* — заразнӧй висьӧмлӧн паськалӧм; *сап пемыд* — вывті пемыд.

#### План.

1. Кутшӧм висьӧм паськаліс войвыв Аляскаын?

2. Кодi муніс лекарствала?

3. Кутшӧм поводдя кыптiс?

4. Кодi спаситіс висысьясӧс?

5. Кодлы сувтӧдӧма Аляскаын памятник?

## АРСЯ ПОВОДЛЯ.

Пукисны шляка сора кѳдзыд зэръяса лунъяс. Пѳшти оръявлытѳг пыр ѳтмоза лѳччис муѳ ва.

Важѳн гѳрдѳдѳсны да вижѳдѳсны, а сѳсся дзикѳдз росмисны кыдзьяс, пипуяс. Пувьяс кысьмисны да смоль сьѳдѳдз гѳрдѳдѳсны.

Ар пом лои кузь, гажтѳм. Важѳн лунвывлань лѳбисны гожся лѳбачьяс. Лѳзѳдѳсны урьяс. Заводитѳсны едждѳдны кѳчьяс. Но лым эз вѳв. Сѳмын шляпкыштас шляка сора зэр да асья кын му вылѳ сьвкмуналѳ катшашыдѳс.

*И. Изъюроз.*

Кы в ѳ я с: *шляка* — лым сора зэр; *оръявлытѳг* — дугдывтѳг; *смоль сьѳдѳдз, шляпкыштас, сьвкмуналѳ*.

### План.

1. Кутшѳм поводля пукис?
2. Кутшѳмѳсь лoisны пуяс, вотѳс?
3. Кутшѳмѳсь лoины урьяс, кѳчьяс?

### Задание.

Висьталѳй асланыд наблюденияс серти, кыдзи вежсьѳны арын пуяс. Опишитѳй, кутшѳм вѳлі ар помыс таво.

## КѳНИ ЕЖЫС.

Сашалы да Машалы пѳдаритѳсны ѳжѳс. Сѳйѳ оліс на ордын гожѳмбыд. Челядь вердѳсны сѳйѳс няньѳн да йѳлѳн.

Пукис ар. Челядь шѳчджыка петавлісны ывлаѳ, ворѳсны ѳжкѳд гортас. Но ѳтчид сѳйѳ воши кытѳкѳ. Челядь корѳсны, чуксалѳсны, но эз аддзыны. Найѳ юасисны гортаясыслысь. Садовник висьталѳс, мый сѳйѳ тѳдѳ ѳжсѳ. Садовник нуѳдѳс челядьѳс садѳйѳ. Петкѳдліс кустьяс костысь му чукѳр да шунс:

— Ме аддзылі, кыдзи ѳж кодѳйс гу, ваяліс турун да пырис сѳтчѳ. ѳні сѳйѳ чорыда узьѳ, садьмас сѳмын тулыснас. ѳнѳ вѳрѳдѳй сѳйѳс.

Челядь кывзысисны садовниклысь.

Воис гажа тулыс. ѳтчид шѳныд лунѳ ѳж локтѳс челядь дѳнѳ. Налы лои зѳв нимкодѳ!

*М. Быкова серти.*

### План.

1. Мый пѳдаритѳсны Сашалы да Машалы?
2. Арын вошис ѳж.

3. Мый висътавліс челядьлы садовник?
4. Кор бѳр локтіс челядь дінѳ ёж?

### МЕДСЯ ДЖУДЖЫД ТЫ.

Му шар вылын медся джуджыд ты миян странаын. Сійѳ Байкал ты.

Байкал тыѳс кытшалѳмаѳсь джуджыд гѳраяс. Гѳраяссянь визувтѳны уна шоръяс, кодъяслѳн ваыс лѳччѳ Байкалѳ.

Ваыс Байкалын уна да пыр ѳтмында, кѳть сѳсянь визувтѳ уна ваа Ангара ю.

Кы в ѳ я с: *Байкал, кытшалѳмаѳсь, ѳтмында, Ангара.*

### План.

1. Кутшѳм ты мирын медся джуджыд?
2. Мый кытшалѳ тысѳ?
3. Уна-ѳ ваыс Байкал тыын?
4. Кутшѳм ю визувтѳ Байкал тысянь?
5. Ещѳ мый ті тѳданныд Байкал ты йылысь?

### МУ ШАР ВЫЛЫН МЕДСЯ КѳДЗЫД МЕСТА.

Вѳлі кад, кор лунвывса олысыяс лыддылісны медся кѳдзыд местаѳн Войвыв Европаса странаяс. «Мыйла йѳзыс олѳны сѳтшѳм странаын, кызди Англия?»— юавлісны найѳ.

Неважѳн на йѳз лыддылісны медся кѳдзыдінѳн Якутиясыс Оймекон посѳлок. Тѳвнас сѳні овывлѳ 70 градус кѳдзыд. Тайѳ местасѳ шулісны «кѳдзыд полюсѳн».

А ѳні, кор миян полярникъяс кутісны изучайтны Антарктида, артмѳ, мый сѳні медся кѳдзыд. Сѳні кѳдзыдыс овывлѳ 80 градусѳдз. Весиг январын, кор сѳні гѳжѳм, кѳдзыдыс овывлѳ 40 градус.

Сідзкѳ, медся кѳдзыд местаыс — Южнѳй полюс.

Кы в ѳ я с: *лунвывса, неважѳн на, Оймекон.*

### Заданиеяс.

1. Индѳй текстсыыс кывъяс, кодъяс гижсьѳны ыджыд буква-сянь.
2. Гижѳй ѳветъяс татшѳм вопросъяс вылѳ:
  - 1) Кутшѳм странаясѳс вѳлі лыддѳны кѳдзыдѳн?
  - 2) Кѳні ещѳ кѳдзыдджык?
  - 3) Кѳні медся кѳдзыд ѳні? Кымын градус кѳдзыд сѳні овлѳ?

Лөсьыд видзөдны Эжва вылө гоҗся лунө. Он вермы гөгөрвоны: визувтө-ө, сулалө-ө, сэтшөм лөня сійө нуо асьыс васө нюдзвиж береҗьяс костті. Видзөдлан кө ва вылас, зеркалөысь моз аддзан асьтө. Татшөм кадас видзөдчөны Эжваө берег пөлөн быдмысь бадь кустьяс. Сы вөсна и кажитчө, кор мунап пыжөн ю кузя, быттьө пыж боктіыд прөйдитөны посныдик едҗыд кымөрьяс. Мукөд дырйи чуймөмөн видзөдлан өтар-мөдар береҗьяс вылө, медым гөгөрвоны, мый пыжыд збыльысь шлывгө-кывтө Эжва веркөсті, а оз енэҗтыс.

А. Льюров.

К ы в ь я с: *нюдзвиж, шлывгө-кывтө.*

### Заданиеяс.

1. Висьталөй, кутшөм ю визувтө тиян сикт (кар) дорті.
2. Опишитөй тайө юсө.

### ПОХОД.

Воис субөта. Помасисны урокьяс. Челядь мөдөдчисны походө. Унаөн на пысь мыш саяс босьтөмаось вецевөй мешөкьяс. И Светлана босьтис мешөк.

Челядь прөйдитисны туй кузя да пырисны вөрө. Мунөны васөд трөпаясөд, видзөдөны гөгөрбок... Виталик друг коньясис да шнөпкысис ва гөптө. Челядь сөмын ойөстны удитисны.

Чеччис Виталик ныйт сюръя кодь.

— Виталик!— друг горөдіс Светлана.— Тэныд колө веҗсьыны. Менам шоньд носки эм. А мешөкын ещө эм чышьян да ботинки.

Виталик веҗис паськөмсө.

— Но, а өні тэрыба гортө!— шуис пионервожатөй Надя.— Пола, мый Виталик прөстудитчас.

Челядь бөр бергөдчисны.

Выльлунө Света локтіс школаө да кутіс майшасьны: «Абу өмөй Виталикыс? Висьмис өмөй?»

Друг аддзө — Виталик сулалө класс өдзөс дорын, быттьө немтор эз и вөвлы.

Сійө жө кадас классө пырис вожатөй Надя.

— Эн висьмы, Виталик?— юалис сійө.

— Эг,— вочавидзис Виталик.

— Ме зэв рад,— шуис Надя да видзөдліс Светлана вылө:— Помнитан, тэ юавліп менсьым, кутшөмөн дол-

жен лоны пионер? Вот татшөмөн и должен лоны: не эновтны ёртөс.

*С. Баруздин серти.*

Кы в ъ я с: *чышъян, гөгөрбок.*

**План.**

1. Кытчө мөдөдчисны челядь?
2. Кыті найө мунісны?
3. Мый лои Виталиккөд?
4. Кыдзи отсаліс Виталикы Светлана?
5. Мый висьталіс Светланалы пионервожатой?

**КЫЙСЬӨМ ЭЗ УДАЙТЧЫ.**

Колхозной му кузя муніс трактор да кыскис плугъяс. Плугъяслөн ёсь амысьяс путкылялісны васөд му пластьяс.

Гөръяс бөрся вөтлысисны ракаяс, кокалісны нидзувьясөс да ньөти эз повны йөзысь. Челядь сәні жө бергалісны.

— Часлы өти еджыд ныраөс кута,— шуис Ваня.

Сійө котөртіс бөрөздаөд. Со и трактор сы водзвылын. Амысьяс бөрын водөны джуджыд бөрөздаяс, путкыльтчөны пластьяс, разалөны комөкъяс. А ракаяс ветлөдлөны, Ваня вылө весиг оз видзөдлыны.

Ваня кутіс матыстчыны на дінө. Шарик понйыс сән жө вөлі. Сійө друг гөгөрвоис: Ваня куталө ракаясөс! Шарик долыда увтыштіс да уськөдчис гөрөм му вомөн сылы отсөг вылө.

Но Шарик отсөгысь нинөм эз артмы. Мыйөн ракаяс адзисны сійөс, пыр жө лэбисны. Шарик чеччаліс, увчис... Но судзөдан өмөй найөс?

— И коді тәнө корис?— шуис сылы Ваня.

Кыйсьөм сідзи эз и удайтчы.

*Л. Воронкова серти.*

Кы в ъ я с: *ёсь амысь, путкыльтісны, васөд пластьяс.*

**План.**

1. Колхозной му вылын.
2. Ваня көсий кыйны ракаясөс.
3. Шарик понйыс отсась Ванялы.
4. Кыйсьөм эз удайтчы.

## ПАРМА ВЕСЬТЫН.

Кыпөдчыны кө вертолётөн Печора йывса парма весьтө, аддзан, кызди Урал гора рытывылын море моз шыльквидзө помтөм-дортөм вөр: пожөма ягыяс, еджид расыяс, сус пу дяс. Сэни көр сюръяс моз шевкнитчөмаось посныдик шоръяс. Найө юклөдлөны веж пармасө. Көнсюрө поздысьөмаось шег кодь ичөтик өтка-өтка керкаяс. Оти керкасянь мөдөдз уна дас верст.

Олөм джыннысө коллялөны тайө керкаясас вөралысыяс. Во джын кежлө найө быттьөкө дзевсьылөны став остальной мирсыс. Тадзи тшөктө уджыс.

*В. Ширяев серти.*

Кы в ъ я с: *шыльквидзө, сус пу* — лыска пу; *шевкнитчөмаось, шег кодь.*

### План.

1. Помтөм-дортөм вөр.
2. Өтка-өтка керкаяс.
3. Вөралысыяс.

### Заданиеяс.

1. Изложениеаныд пыртөй татшөм кывъяс: шыльквидзө помтөм-дортөм вөр, шевкнитчөмаось посныдик шоръяс, поздысьөмаось ичөтик өтка-өтка керкаяс.

2. Мыйкөд авторыс сравнивайтө вөр, шоръяс да өтка керкаяс?

3. Висьталөй, кутшөм пушной зверьясөс кыйөны вөралысыяс мян республикаса вөръясыс.

## ЮСЬЯС ДА ДЗОДЗОГЪЯС.

Таня кутис кывзыны. Көнкө вылын-вылын кылісны нюжйөдлана шыяс.

Дед шуис: «Море сайсянь юсыяс гортаныс лэбөны. Найө татчө оз пуксыны. Налөн гортныс войвылынджык. Сэни уна нюръяс, тыяс. Сэни найө и поздысьөны».

Юсыяс лэбисны водзө. Сэки йөрыс петисны дзодзөгъяс, сувтисны улича шөрө, лэптисны юръяснысө да ланьтисны.

«Видзөдлы, дед,— вашнитис Таня,— мян дзодзөгъясным кывзөны жө юсыяссө. Көть эськө мед оз жө лэбзыны войвылө».

Но дзодзөгъяс эз нин вермыны кыпөдчыны. Найө горзыштисны да катласигтырйи мөдөдчисны улича кузя.

*Л. Воронкова серти.*

Кы в ъ я с: *юсыяс, дзодзөгъяс.*

### План.

1. Көні юсыяслөн чужан муыс?
2. Мыйла найо лэбзылөны лунвылө?
3. Кодгяс кывзисны юсыяслысь гөлөсыяссө?
4. Мыйла дзодзөггяс эз вөтчыны юсыяс бөрся?
5. Лэблывлөны-ө войвылө либө лунвылө тиян весьтти дикой дзодзөггяс?

### ВАЖСЯ ОЛӨМЫСЬ.

Сьөкыд вөлі олөмыс көр видзысь пастукгяслөн помтөм-дортөм тундраын. Найо ичөтысянь төдлісны сьөкыд удж. Школаяс сэн некор эз вөвлыны. Ковмас кө велөдны челядьөс — мөдөд найөс уна сө верст сайө. Та вылө колө көм-пась.

Вася Манзадей вөлі бать-мамыслөн өтка пи. А өтка пи вөсна кызкө пыр ёнджыка төждысьөны. Семён Манзадей, Васялөн батыс, уджаліс пастукөн изьваса купеч Исак стадаын. Аслас нэм чөжнас төдмаліс сөмын кык буква — «С» да «М». Школаын велөдчыны сылы эз удайтчы. Но сійө көсийс бура быдтыны да велөдны писө.

Воис школаө пыран кад. Гожөм помнас батыс мөдөдіс Васяөс төдса йөзкөд Макла сиктө. Уна лун ковмис детинкалы кывтны, уна ном-гебөс чөсмөдіс тайө кузь туй чөжыс.

Өти мича арся асылө сійө локтіс Макла сиктө. Тани Вася төдмасис Геня Дуркинкөд, кодлөн батыс уна во нин вөлі салдатын. Первой лунсянь жө найө лоины бур друггясөн. И медводдза асылө, кор Вася эз сяммы висьтавыны учительлы асьыс арлыдсө, сы пыдди збоя вочавидзис Геня:

— Вася Манзадей! Дасөд вылын.

Тадзи заводитчис школаын велөдчөм.

Я. Рочев.

Кы в ъ я с: *помтөм-дортөм, көр видзысь, көм-пась.*

### План.

1. Көр видзысь пастукгяслөн революцияөдз олөм.
2. Вася Манзадейлөн челядь дыр.
3. Вася да Геня.

### Задание.

Изложениеад пыртөй кывгяс: **олөм-вылөмыс, помтөм-дортөм.**

Мунім օтчыд воккօд вօрօ да аддзим пу йылысь аслыссяма урօс.

Заводитім вензьяны. Вок шуօ, мый ур оз вермы лэбавны. А ме сылы шуа, мый эм сэтшօм ур, коді лэбалօ.

Пу йылын пукалысь зверь быттьօкօ кыліс миянлысь вензьямнымօс. Сійօ паськօдіс бордьяссօ да лэбзис орччօн сулалысь пу йылօ.

Ми сулалім да видзօдім зверь вылօ. Вок пыр на эз эскы. Кьдзи нօ ур вермас лэбавны, кор сылօн бордьясыс абуօсь? Эз-օ нин пушкыра бօжсьыс вօч чудо-бордсօ?

Сэки ме висьталі, мый тайօ — паляур. Аслыссяма вօрса зверь. Чуньяс костас сылօн эм кучик. Кор паляур кօсйօ пышйыны, паськօдօ чуньяссօ да артмօ борд. Сійօ вермօ лэбзьяны օти пусянь мօдօ вель дыр.

Ми дыр котралім зверь нисьօ пօтка бօрся. Медбօрын дзикօдз воштім сійօс син улысь.

*И. Коданёв.*

Кы в ъ я с: *аслыссяма, паляур* — лэбалысь ур; *чудо-борд, зверь нисьօ пօтка.*

#### План.

1. Кодօс аддзисны кык вок?
2. Мый йылысь найօ вензисны?
3. Аслыссяма ур.

#### ВЫЛЬ НИМЪЯС.

Колхозса конюклօн, Корней Сергеевичлօн, вօліны бур поньяс. Тайօ поньясыслысь пиянсօ Корней век сетавліс колхозса челядьлы.

Со и օні детинкаяс виччысьօны сійօ лунсօ, кор понпьян быдмыштасны да позяс найօс торйօдны мам дінсьыс.

— Сօмын, чур,— шуис Корней,— понпьянсօ тиянлы сета сэк, кор ті думыштаннѳд налы дзик виль нимьяс да некодлы онօ висьталօй. А то миян сиктын сідзи нин котралօны дасысь унджык Полкан да кызь кымын Стрелка, а Шарикьяслօн лыд ни тшօт абу. Колօны виль нимьяс.

Воис лун, кор позьօ вօлі сетаवны челядьлы понпьянсօ. Челядь воисны Корней Сергеевич ордօ да быдօн вашнитісны сылы виль, сиктын кывлытօм на ним.

օти детинка вашнитіс — Корней дядь ошкыштіс сі-

йӱс. Мӱд вашнитӱс — Корней Сергеевич ошкыштӱс жӱ, но нюммунис. Коймӱд вашнитӱс — старик гораа серӱктӱс. Квайтӱдӱдз ӱчередь воис — Корней дядь семдытӱдзыс сералис.

— Мыйла сийӱ сералӱ? — шензисны челядь.

А кор найӱ гораа шуисны асланыс быдтасьяслыс нимьяссӱ, ставныслӱн серамныс петӱс. Сы вӱсна, мый квайтнан понйыслы сетӱмаӱсь Лайка ним, а ӱтилы — Ракета.

Нинӱм он вӱч. Сийӱ воӱ тайӱ нимьясыс вӱлины медся виль нимьясӱн.

*Е. Пермяк.*

Кы в ъ я с: *понпиян, кызь кымын, лыд ни тиӱт, семдытӱдз, быдтасьяс.*

#### План.

1. Кодлӱн вӱлины бур понпиян?
2. Кодьяс виччысьӱны понпиянсӱ?
3. Кыдзи сӱрнитчисны Корней Сергеевич да челядь?
4. Кутшӱм нимьяс думыштӱсны челядь?
5. Мыйла Лайка да Ракета нимьяс вӱлины медся виль нимьясӱн?

#### ВИЗУВТӱНЫ ЮАС.

Миян республика зӱв озыр гырысь да посни юясӱн. Ёна нин важысянь йӱз кылӱдӱны юяс кузя вӱр, новлӱдлӱны грузьяс, юясысь кыйӱны чери.

Коми АССР-са рытив-лунвыв юкӱнын визувтӱ Эжва. Сийӱ Печора бӱрын медыджыд ю. Эжва пӱлӱн быдмӱны помтӱм-дортӱм вӱрьяс. Эжва ёна чуклӱдлӱ. Сылӱн туй вылын паныдаслӱны уна тыяс, дӱяс, курьяяс, перекатьяс.

Апрель помын либӱ май заводитчигӱн Эжва вылысь вӱрзӱӱ йи, кодӱ кылалӱ 5—10 лун чӱжӱн.

Тулысын Эжва туйӱ. Сӱки теплоходьяс кыпӱдчылӱны Вольдино сиктӱдз.

Эжвалӱн медгырысь вожьясыс — Сыктыв да Емва. Наысь кындзи, ещӱ эм 200 кымын посныдык ю. И быдлаын пуӱ олӱм. Ю берегьясын писькӱдӱны туйяс, стрӱитӱны заводьяс, посьяс, ломзӱӱны виль посӱлокьяслӱн да карьяслӱн тысяча бияс.

*«Югыд туй»* газетысь.

Кы в ъ я с: *рытив-лунвыв, перекат* — ю шӱрын ляпкыдӱн; *курьяяс.*

## Заданиеяс.

I. Өтветитöй вопросъяс вылö:

1. Кутшöм гырысь юяс визувтöны Коми республикаті?
2. Кыті визувтö Эжва?
3. Кутшöм сійö тулысын?
4. Кутшöм медгырысь вожъясыс Эжвалöн?
5. Кутшöм пöльза сетö тайö юяс мортлы?

II. Опишитöй Эжва ю.

III. Думыштöй предложениеяс медыджыд, медгырысь кывъясöн. Висьталöй, кутшöм правилö тöданныд тайö кывъяс гижанног йылысь.

## ПАРМАЛÖН ДРУГ.

Ми сёрнитчим Петыр дядькöд: асывнас меным кыйны öбед кежлö сьöлаöс, а рытнас сылы.

Мунам прöсек кузя, козъя вöрті. Но, чайта, Петыр дядь ужынтöг оз коль. И збыльысь — жбыр. Тайö лэбзис сьöла да пуксис сэтшöм матö, мый быд гөн сылөн тöдчö. Петыр дядь нюжöдчыліс эськö ружьеланысь да друг мыйлакö бөр энöвтчис. Сулалö, видзöдö ичöтик лэбач вылö да чöv олö.

А сьöла пукалö. Вот-вот жбыркнитас-дзевсяс сук раскö, кытысь сійöс некутшöм сюсь син нин оз казаяв. Збыльысь сідзи и лои. Коли сöмын лайкъялысь увйыс. Ме шуи Петыр дядьлы, мый сійö омöлик кыйсьысь. А сійö сералö:

— Верми эськö ме сійöс лыйны. Но ме аддзи, кызди сійö полігтыр видзöдö гөгөр. Мед олас.

*«Войвыв кодзув» журнальсь.*

Кывъяс: *прöсек кузя, жбыркнитас-лэбзяс, полігтыр, лайкъялысь.*

## План.

1. Козъя вöрын.
2. Сьöла.
3. Мыйла Петыр дядь эз лый сьöласö?

## ЛЕВ НИКОЛАЕВИЧ ТОЛСТОЙ.

Лев Николаевич Толстойöс тöдöны быдөн. Сійö великöй писатель. Толстой гижис уна интереснöй книга гырысьяслы. Но гижис сійö и челядьлы. Лев Толстой зэв ёна радейтіс челядьöс. Тöлын сійö частö иславліс челядькöд конькиён, котравліс лыжи вылын. Гожöмын ветывліс накöд вөрö вотчыны, луд вылö гуляйтны.

Том дырйиыс сійö оліс Ясная Полянаын. Сэні войдөр некутшöм школа эз вöв, и челядылы некöн вöлі велöдчыны. Толстой восьтіс школа да велöдіс сэні челядыöс. Сійö гижис налы лыддысян книгаяс да мукöд пöлöс учебникъяс.

Лев Николаевич Толстой радейтіс уджавны. Сійö кужис вöчны быдсяма удж: му гөрны, керка тшупны, пач тэчны да уна мукöд пöлöс удж.

Лев Толстой оліс зэв дыр. Сійö кувсис 82 арöсөн. А дыр оліс сы вöсна, мый сійö радейтіс уджавны.

### **Задание.**

Думыштöй да лöсьöдöй план. План сертиыс висьталöй Лев Николаевич Толстой олöм йылысь.

#### **Примернöй план.**

1. Л. Толстой — писатель.
2. Л. Толстой радейтіс челядыöс.
3. Сійö восьтö школа.
4. Л. Толстой кужö вöчны быдсяма удж.

#### **САША МАТРОСОВ ОЛÖМЫСЬ.**

Уральскöй военнöй округын служитіс майор Иван Сергеевич Токарев. Сійö велöдчис Саша Матросовкöд пехотнöй училищын да öтлаын вöліны фронт вылын. Öттшöтш найö и комсомолö пырисны. Öтлаын найö тышкасисны и сійö медбөръя бояс Чернушка сикт вöсна, кöні пöгибнитіс Саша.

Сиктсö босьтöм бöрын Токарев ачыс гуалис Саша другө Чернушка сиктö. Иван Сергеевич частö висьтавлывлö Саша йылысь:

— Сійö проклятöй дзот дорас вöлі сьöкыд бой. Миянлы оз вöлі позь ни бöрынтычыны, ни кытшовтны врагöс. И сэки, кор Саша шыбитчис дзот вылö да ланьтöдіс пулемёт, ми уськөдчим водзö. Колö вöлі вöтлыны врагöс.

«Пионер» журналысь.

Кы въяс: *пехотнöй училище, дзот* — му пытшкö вöчöм укрепление.

#### **План.**

1. Матросов да Токарев.
2. Медбөръя бой.

Сійö сиктєяньыс, кöни оліс Володя Кузьмин, фронт вöлі матын. Володя Кузьмин тöдмасис сöветскöй салдатъяскöд.

Отчыд разведчикъяс тшöктісны Володялы да сылөн ёртлы, Наумкин Серёжалы, вуджöдны Ока ю вомөн сöветскöй разведчикъясöс. Заданиеыс вöлі зэв сьöкыд: Ока ю мöдар берегын врагъяс. Серёжа да дас арöса Володя эз повзыны. Пемдігас детинкаяс пуксисны пыжö, а боецъяс пыж пыдöсö дзєбсисны. Володя да Серёжа зэв бура кужисны сынны. Пыж регыд мысти кутіс матыстчыны мöдар береглань. Тайö кадас врагъяс зэв ёна кутісны лыйлыны. Вражескöй пуля ранитіс Володяöс. Ковмис бергöдчыны. Кор воисны берегöдз, Володяöс нуисны больничаö. Но вöлі сёр нин. Больничаö нуигөн Володя кувсис. Володя Кузьминöс гуалісны кыдзи славной геройöс. Сійö гу вылö сувтöдісны памятник, кытчö гижисны: «Татчö дзєбöма дас арöса геройöс, Володя Кузьминöс, коді сетіс асьыс олöмсö Сöветскöй Армиялөн делö вöсна».

Сöветскöй воинъяс, пионеръяс, матігöгöрса олысьяс волывлöны Володя Кузьмин памятник дорö. Пионеръяс да комсомолецъяс быд во тайö памятник гöгöрыс садитöны дзоридзьяс.

*«Пионерскöй правда» газетєсь.*

Кы в ъ я с: *дзоридзьяс, матігöгöрса.*

#### План.

1. Кутшöм задание сетісны сöветскöй салдатъяс Кузьмин Володялы да Наумкин Серёжалы?
2. Мыйла эз удайтчы помöдз вöчны заданиесö?
3. Мый сувтöдöма Володя гу вылö? Мый сэтчö гижöма?
4. Кыдзи сöветскöй йöз казтылöны найöс, кодъяс пöгибнитісны война дырйи?

#### МИРНОЙ ЛУНЪЯССА ГЕРОЙ.

Воин-десантникъяс велöдчисны чеччавны парашютөн. Сержант Чеслав чеччыштіс самолёт люкысь. Му öдйö матыстчис. Пöра восьтыны парашют. Чеслав тракнитіс кольчасö.

И сэки сержант казяліс, кыдзи сылөн парашютыс гартчö старшина Бисекеев парашюткöд. Найö кутісны усьны. Сержант мый вынсьыс мöдіс тракйыны асьыс парашютсö. Парашют заводитчис пöльтчыны. Но стар-

шина эз вермы кутчысьны да кутіс исковтны-усьны. Чеслав удитіс кватитны старшиналысь парашют стрёпаяссö. Княсыс дубалісны, но стрёпаяссö эз лэдз.

Недыр мысти найö вöліны нин му вылынöсь. Старшина Бисекеев топыда кутліс ассьыс другсö.

«Пионерскöй правда» газетысь

Кы в т я с: *воин-десантниктяс, парашют, исковтны-усьны, стрёпаяс* — парашют бердö крепитöм гез.

#### План.

1. Сержант Чеслав чеччыштис парашютöн.
2. Сержантлöн парашютыс гартчис старшина парашюткöд.
3. Öти парашют купол улын кыкöн.
4. Му вылын.

#### ИИ ЧОИ ВЫЛЫН.

Лунтыр мырсисны челядь — вöчисны йи чой. Обед кежлö сöмын эштöдісны. Челядь киськалісны сійöс ваөн да котöртисны гортаныс сёйны. А сэсся кöсйисны локны иславны.

Чижев эз петав йи чой вöчны. А кор челядь мунісны, тэрыба пасьтасис, конькиасис да петіс ывлаö. Аддзис йи чойсö да заводитіс кавшасьны, но шнёпкысис-уси. Чеччис да бара уси. Чижев котöртліс лыа тыра ящик дорö да фанератор вылын вайис лыа. Кисьтыштас лыанас йи чойсö да вылөджык и вылөджык кайö. Йылөдзыс кайис. Кöсйис исковтны, но конькиыс оз исковт лыа вывтійс.

Регыд бөр локталісны челядь. Аддзöны — йи чойсö лыаөн киськалöмаöсь. Челядь тшöктісны Чижевлы чышкыны лыасö йи чой вылысь. Сетісны сылы зыр да рос... Сэсся Чижев шыблаліс йи чой вылө лым, а челядь бара киськалісны ваөн. Чижевлы сэтшöма кажитчис уджыс, мый чой бокас вöчаліс тшупöдтяс, мед кокныбджык вöлі кайны.

Н. Носов серти.

Кы в т я с: *йи чой, шнёпкысис-уси, тшупöдтяс, фанератор.*

#### План.

1. Челядь вöчисны йи чой.
2. Чижев петö иславны.
3. Сійö киськалö йи чойсö лыаөн.
4. Чижев бөр лөсьöдö йи чойсö.

Тайо вöли Великой Отечественной война дырйи.

Карын мунис бой. Олысьясыс мунисны сэтысь. Каро колисны салдатъяс да ещö кык детинка. Витялы вöли сизим арös, а Петялы — дас кык.

Недыр мысти кутисны взрываютчыны минаяс. Детинкаяс лэччисны пöдвалö. Дыр ковмис сэни овны. Бырны кутис сёян-юан. Петя мунис корсьны сёян. Мунис и эз лок.

Витя ещö пыдöджык дзевсис. Друг сийö кылис ойöстöм. Витя уськöдчис сыланьö, кытисянь кылис ойöстöмыс. Пос тшупöдъяс вылын куйлис салдат. Сийö восьтис синьяссö да шуис:

— Ёртъясöй орчча керкаас, коймöд судтаас. Колö катöдны патронъяс.

Салдат бара воштис садьсö. Витя бöрддзис. Сэсса сийö аддзис ящик да гөгөрвоис, мый сэни патронъяс. Кösйис лэптыны, но эз вермы. Витя пыр жö котöртис стен пöлөн орчча керкалань. Воис коймöд судтаöдз, аддзис салдатъясöс. Найö сёрнитисны, мый фашистьяс бара заводитисны лыйсьыны, а налөн патронъяс бырисны. Сэки Витя горöдис:

— Эмösь патронъяс, дяденька! Эстөн салдат куйлö, сийö вöли вайö тиянлы патрон ящик.

Öти салдат котөрөн чепösйис увлань да регыд мысти вайие патрон тыра ящик. Салдатъяс зарядитисны автоматъяссö да лösьöдчисны дорйыны карсö фашистьясысь.

*И. Туричин.*

*Кы въяс: пос тшупöдъяс, патрон тыра ящик.*

#### План.

1. Кор тайо вöли?
2. Кодъяс колины карö?
3. Мый лон Петякöд?
4. Мый аддзис Витя?
5. Кытчö сийö котöртис?
6. Мый вöчисны салдатъяс?

#### ОПАСНОИ СЛУЧАИ.

Ёгор дядь, колхозса шофёр, унаысь пуксьöдлис Фимкаос кабинаас, гоз-мöдысь весиг лэдзлис сийöс руль сайö.

Талун Ёгор дядь сувтöдис грузöвиксö аслас керка дорö. Моторыс дугдис уджавны. Ёгор дядь тэрмасьöмөн

петіс кабинасыыс. Кык детинка, Антипка да Серёжа, кайсны кузовас. Найос Ёгор дядь часто жо пуксьодліс машинаас. А Фимка петіс гортсыыс, аддзо: детинкаяс пукалоны нин кузовын. Но тайо но мый? Машина кабинаын некод абу, а машинаыс вөрзис места вывсыыс и... ньожйоник мододчис увлань. Фимка уськодчис машина бөрся, чеччыштіс подножка вылас, пырис кабинао. Син водзас съод вуджөрөн вирдыштіс крут керос да лог. Фимка мый вынсыыс личкис кокнас педальсо, тэрыба бергодіс рульсо веськыдвыло. Машина ньожйоникон сувтіс. Бөръя колесаясыс сылон волины кыркотшсяныыс сомын метрон-джынийон ылнаын. Фимка ко сёрмис здук кежло, эз нин эсько вермы петкодны машинасо туй вылас...

А Ёгор дядь котортіс нин чой горув. Повзьомысла Фимка бледодома. Сийо петіс кабинаыс. Ёгор дядь мелиа тапкодыштіс Фимкалы пельпомас да шуис:

— Тайо опасной случайсо некор ог вунод. Век коло машинато тормоз выло сувтодны.

В. Баталов серти.

*Кы в ъ я с: вирдыштіс, метрон-джынийон, кыркоти, гоз-модыс, подножка, веськыдвыло.*

### **Задание.**

Гижой дженьыдик изложение татшом план серти:

#### **План.**

1. Ёгор дядь да Фимка.
2. Серёжа да Антипка машина кузовынось.
3. Машина вөрзис.
4. Фимка спасито машинасо.
5. Тайос некор оз позь вунодны.

#### **ЧЕСТНОЙ ЛЕНИНСКОЙ.**

Челядь дырйиыс Володя Ульянов зэв ёна дружитіс Коля Нефедьевкод. Найо отлаын ворслісны, котравлісны.

Коля Нефедьев мамыскод оліс куим ошина ичотик керкаын, коді сулаліс Ульяновъяс дворын. Дворас воли сад, коні быдмис вишня, яблоня, омидз, сэтөр, крыжовник.

Отчыд Коля да Володя пырисны сацийо. Коля городіс радысла. Сийо аддзис яблогъяс, вишняяс, сэтөр,

өмидз. Елена Григорьевна, Колялөн мамыс, эз ёна балуйтлы Коляөс фруктыөн. Найө олісны гөлиника.

Коля тувкнитіс Володялы:

— Вай нетшкам.

— Оз позь.

— Мыйла?

— Мам эз тшөкты. Регыд батылөн чужан лун, сэки кутам чукөртны. А водздзык оз позь. Ме сеті честной кыв.

Детинкаяс дыр на ворсісны садйын. Но Володя эз босьт ни өти ягөд и Колялы эз тшөкты. А июль 14-өд лунө Ульяновъяс став семьянас петісны көрзинкаясөн өктыны садйысь ягөд. Сэки пөттөдзыс сёйис и Коля Нефедьев.

Кы в ъ я с: *сэтөр, өмидз, фрукты, пөттөдз.*

#### План.

1. Кодкөд дружитіс Володя?
2. Көні олісны Нефедьевъяс?
3. Кытчө өтчыд пырисны Володя да Коля?
4. Мый көсйис вөчны Коля?
5. Мый шуис Володя?
6. Кор сійө гөспитөдіс Коляөс ягөдөн?

#### ЧАВКАН.

Чоя-вокалөн вөлі велөдөм чавкан. Сійөс вердісны ки помысь, малавлісны, лэдзлывлісны вөля вылө, но чавкан бөр воывліс гортас.

Өтчыд чойыс кутіс мыссыны. Пөрччис өчкисө да пуктіс мыссян доз вылө. Майтөгаліс чужөмсө, а пожъялөм бөрас видзөдліс: өчкиыс абу!

Сійө горөдіс вокыслы:

— Вай өчкисө! Эн дөзмөдчы.

— Немтор ме эг босьт,— шуис вокыс.

Бабыс кыліс тайө сёрнисө, дай шуө:

— Вайөй менсьым өчкиөс. Муртса на пызан вылө пукті. Кытчө воши өчкиыс?

Уськөдчисны ставныс өчкияс корсьны, а өчкияс абуось.

Баб кутіс видны внуксө.

— Тайө тэ бабсө дэльөдан?

Дөзмис детинка бабыс вылө, дай петіс гортсьыс. Видзөдө — керка весьтын чавкан лэбалө, нырас мыйкө югыялө. Детинка прамөйджыка видзөдліс да гөгөрвоис:

да тайӧ жӧ очки! А чавкан пуксис керка вевт вылӧ да кутіс дзебны очкисӧ пӧв костӧ.

Петіс бабыс кильчӧ вылас да юалис внуюкыслысь:

— Висьтав, кӧні очкикыс!

— Керка вевт вылын!— шуис детинка.

Чуймис бабыс. Детинка кайис керка вевт вылӧ да перйис пӧв костысь чойыслысь очкисӧ, сэсся бабыслысь. Сэсся кутіс перъявны стеклӧторъяс, уна сикас деньга.

Чоя-вока бӧр бурасисны.

А бабыс шуис:

— Чавканъяс да катшаяс став югыдторсӧ дзебӧны аслыныс.

*Б. Житков серти.*

*Кы в ъ я с: чоя-вока, мыссян доз, немтор, дэльӧдны, югъялӧ, стеклӧторъяс.*

### **Задание.**

Коллективнӧя лӧсьӧдӧй план да сы серти дженьдыдика гижӧй изложение.

### **Примернӧй план.**

1. Кутшӧм чавкан вӧлі чоя-вокалӧн?
2. Қор вошис чойыслӧн очкикыс?
3. Қодлӧн ещӧ воши очкикыс?
4. Кытысь сюрины найӧ?
5. Мыйла чавкан пышйӧдіс очкикыссӧ?

### **ЛЫМ.**

Войбыд сапкис-усис кӧч пель кодь лым. Небыд лым-лы радлісны пашкыр бӧжа уръяс, еджыд байдӧгъяс, посни челядь. Сӧмын Боряӧс да Воваӧс шогӧдіс. Кык друг кӧсйисны иславны конькиӧн, рытсаяныс на тӧчи-тісны конькияснысӧ.

Найӧ жугыля видзӧдісны йи вылӧ, коді тӧрыт на дзирдалис зеркалӧ моз, а талун — гыӧрӧссӧм ӧшинь кодь. Боря видзӧдліс йи вылӧ, сэсся шуис:

— Вова! Босьтчам кӧ ӧтвылысь, каток вылас час мысти ни ӧти лым чир оз коль. Со тані и пӧвъяс эмӧсь, а ме пывсян дорысь важ корӧсьяс лӧччӧда.

Боря босьтіс пӧв да пондіс йӧткавны лымсӧ. Лым-йыс абу на удитӧма чорзыны да сетчис кокныда. Вова мӧдӧдчыліс нин мунны гортас, но бӧр бергӧдчис. Кыкнад уджыс кутіс мунны гажаджыка. Кыськӧ сэсся и мукӧдъяс локталісны. Лым бусыс сӧмын резӧ-кайӧ выв-

лань. Дуригмозыс эз и төдлыны, кызди каток лоис дась.

Каток гөгөр кыз эшкынөн куйлис лым, а челядь кок улын зеркалө моз дзирдалис йи.

Л. Палкин.

Кы в ъ я с: *гыөрөссөм өшинь кодь, сапкис-усис, көч пель кодь, резө-кайө, дуригмозыс, зеркалө моз.*

#### План.

1. Войбыд сапкис-усис лым.
2. Каток тыри лымйөн.
3. Вова да Боря весалөны сийөс.

#### Задание.

Изложеннеаныд пыртөй татшөм кывъяс: *көч пель кодь лым, гыөрөссөм өшинь кодь, зеркалө моз, сапкис-усис, резө-кайө.*

#### ТӨВСЯ ВӨР.

Кутшөм лөсьыд төвся луңьясө ветлыны лыжиөн вөрө! Төвся вөр ылісянь дзик мойдкывса кодь. Пуяс сулалөны да весиг увъяссө оз вөрөдны. Дай кызди вөрөдан, кор быд увйөс личкө лым. А кор пыран вөрас, первойсө кажитчө, мый ставыс кулөма — шыч ни рач. Сувтыштлан, кывзысьыштан.

Со чотигтырйи дзик кок бердөдз матыстчис пыста. Увъяс костын сийө дзирнясьө-вежнясьө: то пуксьылас, то бөр кытчөкө вошлас, то югнитас-локтас важ местаас. Гөрд да виж рөма крука ныра уркайяс пуксисны матысса тугья пожөм вылө. Вөраса лэбачьяс! Лунтыр дзользөны, а коль кышъяс гылалөны муө. Кымын көдзыд ывлаыс, сымын вөрасаджыкөсь уркайяс.

А видзөдлан кө кок улад, вөраса лымйыс книга кодь. Со дзик на неважөн чеччалөма көч, а сы кок туй кузя удитөма нин котөртны байдөг. Неылын со кодкө мунөма да кок туйыс омөля төдчө, чышкөма бөрсяньыс. Тайө руч. Вөраса эрд вылын тыдалөны лым пиө кодйөм гуяс. Татчө узьмөдчылөмаөсь таръяс.

Ена жө мича төвнад вөрыд!

Кы в ъ я с: *оз вөрөдны, шыч ни рач, дзирнясьө-вежнясьө, чотигтырйи, югнитас-локтас, уркайяс, тугья пожөм, книга кодь, неважөн, кок туй, узьмөдчывлөмаөсь, вөрасаджыкөсь.*

#### Заданиеяс.

1. Төвся каникулъяс дырйи ветлөй вөрө экскурсияөн. Гижөй неыдждыд висыт сы йылысь, мый адззылнныд вөрсыс.

II. Тайо текст кузя гижой изложение татшом темаяс выло:

1. Төвся вөр (текст дорас мато кывъясөн).
2. Вөрса лэбачьяс.
3. Лымйыс — книга кодь.

### ВЛАДИМИР ИЛЫЧЛОН ЧЕЛЯДЬДЫРСЯ КАД.

Гимназияо Володялы колө вөлі мунны көкъямыс час да джын кежлө. Стөч сизим часын Володя садьмыліс. Сійо пыр жө чеччыліс вольпась вылысь, прөстө эз туплясь. Весавліс пиньсө, бура мыссьыліс да зырасьліс көтөдөм ки чышкөдөн. Ачыс идравліс вольпасьсө.

Сэсса Володя пуксьыліс повторитны урокъяс, кодьясөс сійо век вөчлывліс рытнас. Сөйыштөм бөрын Володя мунліс гимназияо. Гимназияысь воөм бөрын сійо гуляйтліс ывлаын. Володя ёна радейтліс ворсны мачөн да торйөн нин казак-рөзбойникөн. Сійо вөлі зэв честной. Володя көть вөлі и ён, некор эз косясьлы. Сійо пыр жө дугдыліс ворсны, челядь кө заводитлісны вензыны.

— Тайо абу ворсөм,— шульвліс сійо.

Обед кежлө став семьяыс чукөртчывліс өтлаө. Обедайтөм бөрын Володя пуксьыліс велөдны урокъяс. Велөдліс урокъяссө сетөм дорсьыс век унджык. Уна лыддысьлывліс. Классын сійо век вөлі первой велөдчысьөн.

*В. Бонч-Бруевич.*

**Кы в ъ я с:** *гимназия — царскөй Россияын средной школа; көкъямыс час да джын, лыддысьлывліс.*

### План.

1. Мый вөчлывліс Володя Ульянов асывнас?
2. Кыдзи сійо ворсліс челядькөд?

### Задание.

Висьталөй, кутшөм тиян лунся режимныд.

### КЫДЗИ СВЕТЛАНА СПАСИТИС МОРТОС.

Светланалөн бабыс немын лун кежлө муніс сиктө, а батыс да мамыс мунісны театрө.

Светлана кольчис гортас көзяйка пыдди. Сійо мыскаліс тасьти-пань, чышкис джодж да киськаліс цветьяс. Сэсса заводитіс ворсны ичөт вокыскөд, Алёшакөд. Недыр мысти Алёша унмовсис. Светлана пуксис лыддысьны.

Друг Светланалы дум вылас уси ёг тыра ведра. Босьтіс ведрасө да котөрөн петіс ывлаө.

Ывлаын сап пемыд. Небесаыс кымора.

Светлана мунө сад пөлөн. Со и керка пельос. Мый нө тайо? Тротуар вылын куйло морт. Повзьомысла Светлана сувтис. Сийо видзодлис отаро-модаро, косийс кодоско чукостны, но некод некон эз вов.

Светлана матыстчис морт дино. Буретш сэки морт муртса кывмон ойостыштис. Сидзко, мортис ловья.

Светлана шыбитис ведрасо да котортис гортас. Кватитис телефонной трубка да корис «Скорой помощь», ачыс бор петис ывлао.

Недыр мысти воис «Скорой помощь». Сэтысь петис халата врач. Сийо копыртчис куйлысь морт дино.

— Нөсилка! Одейо!— тшөктис сийо санитарлы.

Санитар да шофёр пыртисны висысь мортос машинао.

— Атьо тэныд, нывка,— машинасянныс нин шуис доктор.

*С. Баруздин серти.*

*Кывьяс: театр, кодзувьяс, тротуар, отаро-модаро, телефон, «Скорой помощь».*

#### План.

1. Кытчө мунисны Светланалон бать-мамыс, бабыс?
2. Мый сийо вочис гортас?
3. Мыйла Светлана петис ывлао?
4. Кодос аддзис сийо ывлаысь?
5. Мый вочис сэки Светлана?
6. Мыйысь аттьоалис Светланаос доктор?

#### Задание.

Велөдчой правильная шуны тайо кывьяссө: халат, телефон, «Скорой помощь».

#### МЕТРО.

Коді воліс Москвао, сийо аддзыліс метро. Метро — мупытшса кар. Сэні эмось уличаяс, мраморной дворецьяс. Мупытшса уличаясод — туннельясод товзьоны мича электрической поездьяс. Метроын поводдяыс пыр откодь. Сэні оз овлы ни зэр, ни лым, ни жар, ни кодзид. Метроын век югыд, и он гөгөрво — лун али вой, асыв али рыт. Воздухыс метроын сөстөм. Сэні эмось машинаяс-вентиляторьяс, кодьяс отсөгөн проветривайтоны мупытшса карсө.

Кымын морт прөйдитө метроті оти луннас? Быд вагонө төрө кыксө гөгөр морт, а вагоныс — квайт. Сидз-

кө, өти поездын тысяча кыксё пассажир. А поездъяс ветлөны быд кык минут мысти, а то и частоджык. Метроын вагон одзөсьяс асьныс вощьоны да пөдлассьоны. Посъяс асьныс катөдоны йөзсө вывлань да лэччөдоны увлань.

М. Ильин да Е. Сегал серти.

Кы в ъ я с: метро, мраморной дворецъяс, туннельяс, электрической поездъяс, вентиляторъяс.

#### План.

1. Кутшөм карын эм метро?
2. Кутшөмджык метро пытшкөсыс?
3. Кутшөм сәни поводдяйс, воздухыс?
4. Уна-ө йөз прөйдитөны метроті өти луннас?

#### ПИЧУГИНЛӨН ПОС.

Кызди и став челядь, Сёма радейтліс ветлыны школаө веськыд туйөд — ичөтик Быстрянка ю вомөн. Тайө юыс визувтіс крут берегъяс костті, но чеччыштны сы вомөн вөлі зэв сьөкыд.

Кольөм во өти велөдчысь эз во мөдар берегөдзыс да турки-тарки турбыльтчис-уси юө. А таво төвнас кык нывка вуджисны юсө йи кузя да вильдісны рыө. Көтасисны.

Челядьөс дугөдісны веськыд туйөд ветлөмысь. А кызди нө кытшола туйөд мунан, кор веськыд туй эм!

Со и мөвпыштіс Сёма Пичугин пөрөдны кыз пу таладор берегсянь мөдарас. И кутіс Сёма керавны тайө пусө.

Абу кокни, вөлөмкө, тайө уджыс. Вывті нин кыз вөлі пуыс. Сөмын мөд луннас бруткысис-пөрис сійө да водіс ю вомөн. Сэсса Сёма кераліс увъяссө. Сы бөрын сійө лөсьөдіс перилөяс.

Бур и пос артмис. Öні эз сөмын челядь, но и гырысьяс кутісны ветлыны сиктысь сиктө тайө туйөдыс.

А кодкө кө мөдөдчас кытшола туйөд, сылы шуасны: — Мун веськыда Пичугинлөн пос кузя.

Сідзи и нимтісны сійөс Сёмалөн ов серти — Пичугинлөн пос. Кор пуыс дзикөдз сісьмис да ветлыны сы кузя лои опаснө, колхоз вөчис выль пос. А послөн нимыс коли важыс — Пичугинлөн пос.

Недыр мысти и тайө поссө вежисны. Туйыс нюжаліс Быстрянка ю вомөн буретш сійө веськыд ордымөдыс, кыті челядь котравлісны школаө.

Вөчисны ыджыд пос. Чугунной перилөяса. Татшөмыслы позис сетны мөд ним. А сійөс век воддза моз шуисны — Пичугинлөн пос. И некодлы весиг юрас эз волы сэтшөм мөвп, мый тайө поссө поэь нимтыны кызкө мөд ног.

Со кызди овльвлө олөмад.

*Е. Пермяк.*

Кы в ъ я с: *Быстрянка, берегъяс костти, турки-тарки, бруткысис-пөрис, перилөяс.*

### **Задание.**

Висьталөй содержаниесө татшөм вопросъяс серти:

1. Кыті челядь ветльвлісны школаө? Кутшөмджык вөлі тайө туйыс?

2. Мый думыштіс вөчны Сөма Пичугин?

3. Кутшөм пос сійө вөчис?

4. Кызди шуисны тайө поссө?

5. Кутшөм пос вөчисны важ пос пыдди? Кутшөм ним сылы сетісны?

### **СЮСЬ ЛЭБАЧ.**

Шурик мөдөдчис чукөртны чаг. Мунігмозыс повзьөдіс лэбачьясөс. Шурик первойсө ачыс повзьяштіскодь: нинөм эз вөв, а друг сы мында еджыд «мач» кыпөдчис. Лэбачьяс вөчисны кытш да бөр пуксисны-вошисны.

Бөр локтігас Шурик аддзис му весьтті гөгралыс варышөс. Бордъя рөзбойникөс казялісны лэбачьяс. Гораа чипсігтырйи найө жбыркнитісны-лэбисны. А варыш быттьө тайөс и виччысис. Топөдіс ёсь бордьяссө да ньөв моз тювгысис еджыд морөсьяса посни лэбачьяс пөвстө. Но варышлөн крукыля гыжъясө некод эз сюр. Шурик чайтіс, мый лэбачьяс усйыясны кытчөсюрө. Но посни лэбачьяс бергалісны варыш гөгөр, зілісны сійөс кыкыштны.

Детинка казяліс, мый варыш усъласьө жебиник лэбач вылө. Шурик некымынысь гораа кучкис кияснас да горөдіс:

— Кыш, кыш!

И сэки лои дивө. Ичөтик лэбач усъкөдчис детинка вылө, сатшкысис сылы пельпомас. Сы бөрся — варыш, но казяліс мортөс да тювгысис пуйас сайө.

Шурик сулаліс мыр моз, эз лысьт весиг лолыштны. Сійө став тушанас кыліс ичөтик лэбачлысь тіралөмсө.

*Л. Палкин серти.*

Кы в ъ я с: еджыд «мач», чипсигтырйи, ньöv моз, сатшкысис, мунигмозыс, повзъыштискодъ, усйысясны.

### План.

1. Еджыд «мач» кодъ лѣбачьяс.
2. Варыш уськөдчис лѣбачьяс ылө.
3. Кыдзи мездөдчис сыыс жебиник лѣбач?
4. Мыйла висътыслы сетөма «Сюсь лѣбач» ним?

### Задание.

Гижöй изложение да пыртöй сэтчө татшөм кывъяс: пуксисны-вошисны, жбыркнитисны-лѣбисны.

### ЭЗ СЕТЧЫНЫ ЧЕЛЯДЬ СКӨР ТУРӨБЛЫ.

Вывті дыр кыссьö войвывса төв, артавны кө сійöс лым усьöмсянь да му кушмытөдз. Лунвылын заводитöны нин гөрны-көдзны, дзоридзалöны яблоньяс. А мян войвылын тулысылөн весиг дукуыс на оз кыв. Февраль төлысь, но вежон чөж нелямын градуса көдзыд сулалө. А мыйөн төкөтö шондөдис, заводитчис турөб. Керкаяс костын, потшөсьяс пөлөн кыптисны пывсян судта лым толаяс. Тыртис турөбыс и сиктса челядълысь исласянінсö, кодöс найö вöчлісны Печора кыр бокö да кадысь кадö весиг ваөн киськавлісны.

Челядълы сэтшөм эз вöv окота сетчыны тайö турөбыслы. Öд дадынад позяс на исласьны март чөжыс. А төлысь помнас буретш каникулъяс.

— Вай вöчамöй субботник,— шуис аслас другьясылы Яков Пыстин.

Тайö водзмөстчөмыс уналы кажитчис. Нывкаяс эз жö көсйыны кольччыны детинкаясысь. Быдөнлы окота исласьнытө. Ыджыд перемена дырйи челядъ котөртлісны гортаныс: вайисны пу зыръяс, гөликъяс да ведраяс, а кодсюрө лыжияс да дадыяс. Öткымынъяс, тыдалө, тайö рытнас нин думайтисны исласьны.

И урокъяс бöрын школьникъяс эз разөдчыны гортаныс, а тэрыба пасьтасисны да петисны кильчө помö. Регыд найö лэччисны кыр бокö. Сэні челядъ гажаа босьтчисны уджö. Ызöбтіс варов сёрни, кокъяс улын дзуртіс лым. Кодкө заводитис сывны. Эз, эз сетчыны челядъ скөр турөблы!

В. Ширяев серти.

Кы в ъ я с: исласянін, субботник, водзмөстчөм.

## План.

1. Войвывса кузь төв.
2. Турөб тыртис челядьлысь исласянинсö.
3. Челядьлөн субботник.

## ШОЙЧЧАНІН.

Сиктсаянь матысса вөрөдз туйыс муніс паськыд му шөрти. Гожöмын жар, шондiыс пöжö. Чайтан, оз нин помась туйыс. Но стöч туй джынъяс, дзик туй бокас, быдмис пашкыра кыз пу. Сы вуджөр улын жар лунъясö шойччывлісны и челядь, и гырысьяс.

Отчыд, арнас, челядь пестісны кыз пу улö бипур. Кулисны кыз пулысь сямöдсö, чегъялісны увъяссö. Найö ещö некымынысь на пестылісны татчö бипур.

Воис тулыс. Гөгөр ставыс вежөдіс. Сöмын кыз пу эз тупкысь веж коръясөн — косьмис. Локтісны йöз да пилитісны сійöс пес вылö. Му шөрö коли куш сьод мыр.

Арнас челядь садитісны туй пöлөн пуяс да кустъяс. Коли дас во. Öні туй пöлөн быдмöны кустъяс да кыз пуяс. Но му шöрын век на чурвидзö сьод мыр. Сэтчö важ моз пуксьывлöны шойччыны ветлысь-мунысьяс. На юр весьтын öні кышакылöны нин том кыззяслөн коръясыс.

*Г. Скребицкий серти.*

Кы въяс: *сямöд, вевттъясисны, вежөдіс, некымынысь.*

## План.

1. Йöзлөн шойччанін.
2. Кыз пу дорын челядь пестісны бипур.
3. Кыз пу косьмис.
4. Челядь садитісны выль пуяс.
5. Дас во бöрын.

## ПАМЯТНИК.

Тайö вöлі öти ичötик карын.

Дзик кар помас сулаліс школа, а сы водзын — Ленинлы памятник.

Памятник гөгөр школьникъяс садитісны цветъяс да нель кыз пу. Найö көсийсны садитны быдса сад, но эз удитны: заводитчис война.

Фашистскöй самолётъяс шыбитісны бомбаяс мирнöй кар вылö. Олысьяс кутісны мунавны карсьяс. Медбөръя олысьяс — найö вöліны сöмын квайтөнöсь — чу-

кортчисны ӧтлаӧ. Сёрнитчытӧг видзӧдлісны тӧдса мыльк вылӧ, кӧні асывнас на сулаліс Ленинлы памятник, а сэсся сідз жӧ ставныс веськӧдчисны мыльклань. Квайт сӧветскӧй морт кыпӧдісны бомбаӧн поткӧдӧм изъяс да пуктісны орчӧн. Сэсся видзчысьӧмӧн босьтісны статуя-сӧ да шумтӧг сувтӧдісны сійӧс важ местаас. И изйыс сулаліс крепыда, быттӧ сійӧс некор эз и жугӧдлы немецкӧй бомба.

Сэсся сотчӧм карысь медбӧръя олысьяс кутісны писькӧдчыны вӧрлань.

А. Кононов серти.

Кы в ъ я с: *видзчысьӧмӧн, статуя.*

#### План.

1. Ленинлы памятник.
2. Фашистьяс бомбитӧны кар.
3. Карса олысьяс бӧр сувтӧдісны Ленинлы памятник.

#### ИЧӧТИК ПАРТИЗАНКА.

1941-ӧд вося гожӧмын Лариса Михеенко гӧститіс бабыс ордын Печенево сиктын. Тані сійӧс суис Великӧй Отечественнӧй война. Дас нель арӧса пионерка лои партизанкаӧн.

И вот партизанскӧй отряд сетіс Ларисалы задание: воӧдчыны Морозово сиктӧ да тӧдмавны, эмӧсь-ӧ сәні фашистьяс.

Морозовӧ вотӧдз сійӧс кутісны немецъяс. Нывкаӧс вайӧдісны керкаӧ, кодӧс сійӧ бура тӧдіс. Войнаӧдз тані вӧлі изба-читальня, а ӧні оліс вӧвлӧм кулак Антон Юринлӧн гӧтырыс. Нывкаӧс войбыд стӧрӧжитісны, медым сійӧ эз пышйы. Но асьядорыс Антонлӧн гӧтырыс петіс мӧс лысьтыны.

А керка дорас сулаліс часӧвӧй. Лариса тӧдіс, мый ӧти ӧшинь видзӧдӧ град йӧрӧ, мый тайӧ ӧшинь пырыс позь пышйыны. Мыйӧн вешйис ӧшинь дорысь часӧвӧй, Лариса нӧжйӧникӧн восьтіс ӧшиньсӧ да уськӧдчис овраглань. А сәсянь матын и вӧр.

Задание вӧлі пӧртӧма олӧмӧ. И тадзи Лариса пӧртіс олӧмӧ уна задание.

1943-ӧд вося ноябрын Лариса Михеенко пӧгибнитіс. Но сійӧс эз вунӧдны Ленинградса 106 №-а школаысь велӧдчысьяс. Тайӧ школаас ӧти класс ӧдзӧсын ӧшалӧ гижӧд:

«Тані велөдчис повтөм партизанка Лариса Михеенко».

*Н. Надеждина* серти.

Кы в ъ я с: *Печенево, эмось-ө, изба-читальня, асыадор.*

### План.

1. Көні суис Ларисаөс война?
2. Кутшөм задание колө вөлі пөртны олөмө?
3. Ларисаөс кутөны немецьяс.
4. Лариса пышйө.
5. Ларисаөс эз вунөдны.

### Задание.

Асланыд изложениеө пыртөй татшөм наречнеяс: **войбыд, вөйдөр, асыадор, ньөжйөнник.**

### САЛДАТ СУЛАЛІС ПОСТ ВЫЛЫН.

Тайө вөлі көдзыд төвся вөйө. Салдат Николай Черных служитіс Сөветскөй Армияын. Буретш тайө войнас Николай вөлі нарядын. Друг сійө казяліс неылысь би югөр. Сэк жө кыліс тревога шы. И вот кок йылынөс нин став салдатьяс.

Сотчис детскөй сад.

Друг өти өшинь весьтысь Николай аддзис нывбабаөс. Николай чепөсйис би пытшкө. Нывбаба өдва сулаліс кок йылас өдзөс көсяк бердө нөровтчөмөн. Öти здук — и сійө вермас усьны. Николай кватитіс сійөс да уськөдчис өшиньян.

Со и өшинь. Тані абу нин жар. Николай мыччө нывбабаөс ывлаын сулалысь йөзлы. Черных көсйө нин вөлі чеччыштны муө. Тайө здукас сійө кыліс:

— Сэні вермасны лоны челядь!

Тайөс кылөм бөрын Николай бөр чепөсйис би пытшкө. И вот тайө здукас киссис керка вевт...

Николай Черныхлы недыр нин коли служитны. Сійө көсйис лоны строительөн, унатор йылысь сійө мөвпаліс и унатор эз удит вөчны.

Но Николай Черных вөчис унджык: подвиг.

«Известия» газетысь.

Кы в ъ я с: *нарядын — тані: дежуритіс; неылысь, керка вевт, нывбаба, неуна, унатор.*

### План.

1. Николай Черных нарядын.
2. Сотчö детскöй сад.
3. Николай спаситö нывбабаöс.
4. Николай Черныхлөн подвиг.

### ВИКТОР ИВАНОВИЧ ЛОБАНОВ — СÖВЕТСКÖЙ СОЮЗСА ГЕРОЙ.

1943-öд вося сёр арын мян армия лöсьöдчö вöли вуджны Днепр ю. Сэки Виктор Иванович Лобановлы вöли сöмын на дас көкъямыс арöс. А сийö нин куимысь вуджавліс Днепр ю.

Первойсö сылы ковмис вуджны сы могысь, медым мöдар берегас вуджöдны секретнöй пакет. Вуджис луннас. Сы юр весьтöд дорвыв лэбисны фашистскöй пуляяс. Ранитчис кокыс, но век жö мöдар берегöдз воöдчис.

Тайö документас вöли гижöма сы йылысь, мый регыд заводитчас штурм, мый батальонлы колö лöсьöдчыны сы кежлö.

Мöд лун асывнас сылы бара ковмис вуджны мöдар берегас, сы вöсна мый сэні вöли сöмын дас сизим морт.

Луннас найö вöли атакуйтöны врагöс вит-ö-квайтысь. Кор комбат сьöкыда ранитчис, командуйтны кутіс Лобанов. Сьöкыд тыш бöрын нельöд сутки кежлö коли сöмын квайт морт. А регыд и воис отсöг.

Виктор Иванович Лобановлы сетісны Сöветскöй Союза Геройлысь ним.

Та бöрын Виктор Лобановлы унаысь на ковмывліс пöртны олöмö зэв важнöй заданиеяс.

*«Красное знамя» газетысь.*

*Кы в т я с: Днепр, дас көкъямыс, дорвыв, штурм, батальон — некымын рота, дас сизим, вит-ö-квайтысь, комбат — командир, коді веськөдлö батальонөн.*

### План.

1. Сöветскöй Армия лöсьöдчö вуджны Днепр ю.
2. Виктор Лобанов куимысь вуджавліс Днепр ю.
3. Виктор Иванович Лобанов — Сöветскöй Союза Герой.

### СВЯЗЬ ВОССТАНОВИТÖМА.

Великöй Отечественнöй война заводитчан первойя лунö жö Сереговскöй сов пуан заводса рабочöй Павел Ешкилев муніс фронт вылö. Воуйтіс Ленинградскöй да Волховскöй фронтъяс вылын.

1944-өд вося гождьмын заводитчисны чорыд тышъяс Львов кар дорын. Отчыд, кор фашистъяс заводитисны контрнаступление, кык подразделение костын ори связь. Дугдывтөг гримгисны вражеской пушкаяс, минометъяс, строчитисны пулеметъяс. Муыс тиралис взрывъясысь, воздухыс тыри тшынон. Кык салдат мунисны восстановитны связь, но кыкнанныс погибнитисны. Сэки командир мододис Ешкилевос.

Сьокыд воли мунны боецлы противник би улын. Но Ешкилев кыссис пыр водзо и водзо. И вот адзис проводлысь ороминсо. А снарядъяс да минаяс взрываютчисны пыр матынджык и матынджык. Друг Ешкилевлы веськыд сояс веськалис пуля. Сийо кылис, кызди визувто вир. Но эз сувт, кыссис водзо. Содтис кабель, йитис, высяныыс гартис изоляционной лентан. И связь лои восстановитома. Провод кузя лэбисны командалон кывъяс, а Ешкилев воштис садьсо. Воис садяс сэк, кор сийос кутисны кыскыны плащ-палатка вылын санитаръяс.

Тайо подвигсыыс Ешкилевос наградитисны «Слава» орденон.

*«Войвыв кодзув» журналысь.*

Кы въяс: *контрнаступление, восстановитны — тани; проводъяс йитны; изоляционной лента, подразделение.*

#### План.

1. Львов кар дорын тыш.
2. Подразделениеяс костын ори связь.
3. Погибнитисны кык боец.
4. Ешкилев лосьодо связь.

#### МАКСИМКА.

Максимкаос примитисны партизанской отрядо. Сийо чайтис, мый сылы пырысьтом-пыр сетасны пулемет. Но партизанон лоны, воломко, абу жокни.

Пошти быд вой партизанъяс ветлоны походо. Муно тшотш и Максимка, нуо пулеметной лента да ранитчом боецлысь винтовкасо. А луннас боевой учеба. Велодчолыйсыны автоматысь, тодмасьо вражеской оружиеон.

Но детинкалы окота воуютны. А сийос оз босьтны — ичот на. Обидно детинкалы.

Отчыд войнас партизанъяс уськодчисны фашистской войска выло. Враг первойсо лыйсис воча, а сэсся кутис пышйыны. Муын куйлысь партизанъяс вомон друг чечыштит вов. Вов вылас пукалис ичотик морт. Верзьома

морт төвзыштис вөрлань. Вөлі пемыд на, и некод эз төд Максимкаос.

Вөр дорын сяркнитис пулемёт, а сэссия ставыс лөнис.

Недыр мысти партизанъяс бара аддзисны верзьомаос. Верзьома водзын восьлалісны куим фашист.

— Примитой пленнойясос,— кылісны партизанъяс детинкалысь лэчыд гөлөссө.

Во мысти Максимкалы сетісны оружие: сылы тыри дас нель арөс.

*А. Жариков.*

Кы в ъ я с: *шутьлялө, сяркнитис, недыр мысти, пемыд на, некод.*

### План.

1. Абу кокни лоны партизанөн.
2. Мый вөчис первойсө партизанскөй отрядын Максимка?
3. Қор Максимкалы сетісны оружие?

### Задание.

Изложениеаныд пыртөй кывбөра существительнойяс: партизанъяс вомөн, вөв вылын, вөр дорын.

### ТОМ ПАРТИЗАНЪЯС.

Фашистъяс пырисны сиктө, но сәні некод эз вөв. Сиктса йөз мунөмаось вөрө.

Немецкөй салдатъяс пырисны керкаясө. Но муртса пемдыштис — кыліс лыйсьом шы. Салдатъяс вайөдісны офицер дорө партизанөс. Тайө вөлі лөз дөрөма ар дас неля детинка. Детинка повтөг видзөдіс офицер вылө. Дыр мучитісны сійөс фашистъяс, но детинка нинөм эз висьтав. Асывнас том партизанөс лыйлісны.

Войнас взорвитісны фашистъяслысь складъяс. А асывнас чуймөм офицер водзын бара сулаліс лөз дөрөма детинка, кодөс төрыт лыйлісны.

Офицер лөкысь горөдіс:

— Ошөдны, пырысьтөм-пыр жө ошөдны!

Детинкаос ошөдісны.

Эз удайтчы узыны фашистъяслы и коймөд войсө. Вөлі взорвитөма гитлеровскөй комендатура, а фашистскөй офицерөс босьтөма пленө да нуөдөма партизанскөй лагерө.

Қор разисны офицерлысь синъяссө, сійө аддзис олөма партизанөс, а сыкөд орчөн... лөз дөрөма детинкаос.

Фашист блөдөдіс. Сійө лэдзчысис пидзөс вылас да йөй моз горөдіс:

— Ме ёра тэнö, Гитлер! Тэ ыстін мянöс странаö, кöни йöзыс бөр ловзöны...

Переводчик висьталіс олöма партизанлы, мый йылысь горзіс офицер. Партизан шуис:

— Висьтав сылы: ме бать сійö кык детинкаыслөн, кодъясöс сійö лыйліс тöрыт и войдөрлун. А öни сы водзын сулалö коймöд пийö.

*К. Курашкевич.*

### План.

1. Сиктын фашистъяс.
2. Найö лыйлöны лöz дөрöма детинкаöс.
3. Немецкöй офицер водзын бара сулалö лöz дөрöма детинка.
4. Фашистскöй офицер партизанскöй отрядын.
5. Кодъяс вөлöмаöсь лöz дөрöма детинкаясыс?

### Задание.

Изложениеаныд пыртöй веськыд сёрни предложенияс.

### ГЕРОЙ НИМОН.

Тайö вöлі выль волю паныда лунö. Коля Емельянов да Жора Мальцев ветлісны орчча колхозö видлыны висьысь ёртсö. Найö нуисны выль вося пöдаркияс. Бöрсö локтігөн тэрмасисны школаö. Колö вöлі öшöдны стенгазета да гажöдны ёлка.

— Көдзыд. Тöлыс кок йывсьыд уськөдö. Мед эськө пурга эз ло...— шуис Жора.

Детинкаяс мөдөдчисны тэрыбджыка.

Пургаыс суис найöс ыб вылын. Тöлыс шутьляліс, омляліс, гартіс лымсö. Дженьыдик төвся лун помасис, пемдіс. Детинкаяс ылалісны туйысь.

Öни найö мунісны съодас, нинöm эз аддзыны водзвылысь, вöйласисны тола пиö. Лэчыд төв сотіс чужөмъяссö. Жоралөн кынмисны кокъясыс, сійö öдва восьлаліс. Төв ныр уськөдіс сійöс кок йывсьыс. Коля чеччөдіс Жораöс, но Жора бара уси. Коля кутіс кыскыны сійöс. Но тöлыс бара уськөдіс кок йывсьыс. Жора муртса кывмөн шуис:

— Ог вермы... мун... öтнад...

Друг Коля син водзын быттьö вуджөртіс кодлөнкө мужественнöй чужөмыс. Сылы төд вылас уси лым вывті кыссьысь раненöй морт. Коля матыстчис Жора діно да скöра горөдіс:

— Жора... чеччы! Думышт Мересьев йылысь.

Жора восьтіс синьяссө да видзөдліс Коля вылө. Зэвтіс медбөртя вынтяссө да чеччис.

Оні найө кыкнанныс аддзисны лым вывті кыссысыс геройөс. И мунісны водзө турөблы паныд — олөмланы.

А сикт дорын вуджрасисны электрической бияс. Тайө пионертяс петөмаөсь корсьны ёртьяссө.

*В. Осеева серти.*

*Кы в ъ я с: төв ныр, вуджөртис, кодлөнкө, кыкнанныс.*

#### План.

1. Коля да Жора виссысь ёрт ордын.
2. Заводитчө пурга.
3. Жора петіс эбөссыс.
4. Отсаліс геройлөн подвигыс.

#### Задание.

Асланыд изложениеө пыртөй однороднөй членьяса предложениея: Төлыс шутьяліс, омляліс, гартіс лымсө. Жора восьтіс синьяссө да видзөдліс Коля вылө.

#### ДОЗОРЫН.

Талун налы — Игорлы, Санялы да Сенялы колө вөлі мунны караулитчыны колхознөй му вылө.

Бөртя каднас колхозниктяс казялісны нянь новлөм — быдмысь сюсө шырөны, чумалиясысь шырөны. А кодтяс? Кодтяслөн лыбө кийс?

Паськыдөсь колхознөй муяс. Гөгөр шы ни төв, быттьө кулөма тані ывла вылыс.

Куим пионер да Вьон разөдчыласны, кытшовтасны да бөр өтлаасясны. Пуксыыласны чумали дорө, сёрнитыштасны да бара чеччасны кытшовтны.

Игорь да Саня мунісны ва дор пөлөн, а Вьон да Сеня — Катша мылькланы.

Друг Вьон сувтіс. Тадзсө сійө сувтывлө, кор казялас кутшөмкө зверөс либө мыйкө лектор.

Вьон дугдіс легөдны бөжсө, чошкөдіс пельяссө. Сеня кийн көвийс зэлаліс — Вьон лөсьөдчис чепөсийны.

Чумалисянь чумалиө котөртишталөны Сеня да Вьон.

И друг водзвылын чепөсийс кык морт вуджөр. Копыртчыштөмөн муноны, но төдчө, өтиыс кузь тушаа, а мөдыс ляпкыдик. Кыкнаннyslөн мышканыс мыйкө эм.

Гусясысыс, мыйөн казялісны понйөс, быттьө петшөр вылө тальчисны. Ичөтджык тушааыс заводитіс пышйыны. Мөдыс, кузьыс, тшөтш жө өддзөдчис. Но мыйла сійө чотө?

Котортан статьясы серти, туша мыгöрыс серти Сенялы кажитчис зэв тöдсаён. Бать?..

— Бать!— прамöя думышттөг горöдсис Сенялөн.

— Бать, сувт!..

Но мыйла нö, бать кө, оз сувт?

Тадзи найö котортисны му помöдз. Воис шор, а сэнi, потшöс саяс, сён.

Батыс воис потшöс дорö, лэдзис мышсыс мешöксö, кутис вуджны потшöс вомён.

Сеня матыстчис потшöс дорö.

— Тэ нö мый танi вöчан, бать? Тэ гусясян! Тэ — вөр!

Сенялөн юр вежöрыс друг кутис путкыльтчыны, син водзыс руалис.

Кылис на ещö Вьюнлыс лёкыс увтöмсö. Сэссия и Вьюн дугдiс эргыны.

— Виа татчö!..

Татшöм медбöрря кывъяс кылис Сеня, водзö нинöм нин эз помнит.

Г. Фёдоров.

Кывъяс: шы ни төв, Катша мыльк, лёктор, котортан статьясы, Вьюн.

### Задание.

Гижöй дженьыдик изложение сетöм план серти.

#### План.

1. Кытчö мунисны Игорь, Саня да Сеня? Ещö кодi накöд вöли?
2. Кыдзи найö караулитчисны?
3. Кодi казялис гусясысысöс?
4. Кодi вöлöма ыджыд тушаа чотыс мортыс? Кодъяслы, вöлöм, сийö отсасьö?

#### ВЫЛЬ ТУИЯС.

Миян Коми му öни дзикöдз вежсис. Со көть босьтам туйяс.

Войдөр, кытчöкö кө мөдöдчан гожöмын, лöв вöли мунны подён либö верзьёмён. Некутшöм бур туй эз вöв. А öни? Республиканымöс öтар помсянныс мөдар помöдзыс юковтис Севернöй көрт туй. Йитчис странаса көрт туйкöд Сыктывкар столицаным. Ньюжалöны көрт туйяс Микуньясьн Косланö да Сосногорексянь Троицко-Печорскö.

А кодi öни оз журъяв-ветлöдлы автомобильнöй туйясöд? Машинаяс төвзьöны татшöм туй кузяыс ньöвъяс моз.

И, дерт нин, оз позь не казтыштны воздушной транспорт йылысь. Сыктывкар, Ухта, Воркута, Москва, Ленинград, Сочи да странаса мукод карьяс костын лэбалоны гырысь самолётъяс. Сыктывкар йитчёма воздушной туйясон республикаса став карьяскод да районьяскод.

«Войвыв кодзув» журналысь.

Кы въяс: *журъяв-ветлӧдлы, ньӧв моз, некутиӧм, ӧтпыриӧ, Троицко-Печорск, кӧрт туй.*

### **Задание.**

Гижӧмӧн ӧветитӧй татшӧм вопросъяс вылӧ:

1. Кутшӧмось водзті вӧліны туйясыс Коми муын?
2. Кутшӧм карьяс да сиктъяс ӧні йитчӧмаось кӧрт туйясон?
3. Кутшӧм самолётъяс лэбалоны республикаса карьяссянь миян странаса гырысь карьясӧдз, районса центръясӧдз?

### **ЗЭР.**

Мича поводдяс быттьӧ эз и вӧв. Виччысьтӧг кыптис тӧв. Сійӧ скӧра котраліс посёлокса уличаясӧд, гартіс, кояліс кос лыа, тшын моз лэптис муысь буссӧ.

Посёлок сайсянь мыччысис ыджыд сьӧд кымӧр. Тӧв нырыс сэк кості уськӧдчис нин паськыд Эжва вылӧ, ас бӧрсяис колис посныдик серьяс, тшупӧдъяс. Берег пӧлӧн сулалысь пуяс садьмисны, заводитісны копрасьны. Кузь ныра номъясӧс сӧмын нинӧм эз повзбӧд, зыньгисны, вӧтлысисны йӧз бӧрся.

Кымӧр матыстчис и матыстчис, вевттис шондісӧ, пискӧдчис посёлок дорӧ. Небесаыс вочасӧн пемдіс.

Друг гымыштис — югнитліс гӧрд билӧн кузь бӧж, сесся шковмуні, дрӧгнитіс вӧрыс и ваыс.

Зэр войтъяс варова таркӧдчисны шиферӧн вевттьӧм керка вевтъяс вылын.

Туйяс небзисны, кӧтасисны. Гӧпъясын да гураньясын гӧвкъяліс ва.

А недыр мысти бара пуксис мича поводдя, быттьӧ эз и зэрлы.

*И. Коданёв серти.*

Кы въяс: *тшын моз, сэк кості, тшупӧдъяс, зыньгисны, матыстчис, шковмуні, гӧвкъяліс.*

### **План.**

1. Кыптис тӧв.
2. Пуяс.

3. Зэр.

4. Бара мича поводдя.

### Задание.

Думыштöй да висьталöй предложениеяс шковмуні, гөвкъяліс, югнитіс глагольясөн.

### ПЫШКАЙ.

Оліс-выліс виж вом дора пышкай. Шуисны сійöс Пудикөн. Оліс сійö пывсян öшинь курич вылын, öшинь юрйылас, шоньд позйын.

Лэбавны сійö эз на куж, но бордъяснас öвтчывліс нин да пыр видзöдчис позсянныс.

— Чив-чив?— юаліс сылысь пышкай-мам.

Пышкай пыркнитывліс бордъяссö, видзöдывліс муö.

Волывліс ай пышкай, вайывліс Пудиклы гагъясöс. А Пудик нывлавліс гагъясöс да пыр мыччасис позсянныс, ставсö видзöдіс.

Тадзи муніс кадыс, а бордъясыс эз на быдмыны.

Öтчид кутіс пöльтны төв. Пудик пукаліс дзик дорыш вылас, дай уси позсьыс. Мамыс лэбзис сы бөрся, а виж бугыля гөрд кань сэні нин вöлі. Повзис Пудик, шевгöдіс бордъяссö, довъялö вöсни кокъяс йылас да чивзö. Мамыс тойлалö сійöс бокö, гоныс сылөн сувтöма, вомсö паскөдöма,— каньлы синмас метитчö.

Повзёмыс кыпöдіс пышкайпиöс муысь. Сійö чечыштіс, мөдіс бордъяснас öвтчыны — шыв-шыв — дай öшинь вылö.

Сэки и мамыс воис, бөжтөм, но зэв нимкодь. Пуксис ськөд орччөн, кокыштіс сійöс балябөжас да шуис:

— Чив-чив.

А кань пукалö муын, пышкай-мамлысь гөнсö лапасыс весалö. Видзөдö на вылö да нявзö.

Ставыс зэв бура помасис, вунöдны кö сы йылысь, мый мамыс бөжтөг коли.

*М. Горький серти.*

Кы въяс: *оліс-выліс, пышкай-мам, ай пышкай, пышкайпи, шыв-шыв, балябөж, виж вом дор.*

### План.

1. Көні оліс Пудик?
2. Мый сійö вöчывліс?
3. Мыйла Пудик уси позсьыс?
4. Мый лон пышкай-мамкөд?

Кольом во ме вөралі Дурака шор дорын. Уна тани пёткайс. Вөрись поэё аддзыны дозмөрөс и тарөс, сьолаөс и байдөгөс.

Луныс сулаліс гудыр да зэра. Вель уна километр нин восьлалі пищальён тёдса вөръясөд, а вещьөй мешөкөй дзик на тыртөм. Зэра поведдянад и пёткаясыдлы абу окота лэбавны.

Рытьявылыс вои кыддза раскө. Гөгөр сулалісны еджыд кока пуяс. Зэрыс найөс удитөма нин мыськавны.

Бөрйи орчөн сулалысь кык кызд, пукси шойччыны. Перйи зептысь ыргөн чипсан, некымынысь чипөсті.

Эг на удит босьтны киё пищальёс, кызди кыліс пёткалөн лэбзьөм шы. Месянь зэв матө му вылө пуксис сьола. Сійө видзөдліс гөгөр, быттьө көсийс корсьны ассьыс пөдругасө, сэсса заводитіс кокавны пув тусьяс. Кокыштас, котөртыштас водзө. Бара кокыштас, бара котөртыштас.

Со сьола дзик нин ме дінын. Зэв бура аддза сылысь ичөтик гөгрөс синъяссө, дженьыдик гөрба нырсө, тэрыба котралысь вөсньыдик кокъяссө, голя увсьыс сьөд пассө, кутшөмъяс овлоны сөмын ай сьөлаяслөн.

Пукала да любуйтча збой пёткаөн, весиг вунөді пищаль йылысь. Дыр на, колөкө, нимкодяси, но сьола казяліс менө, өдийө лэбзис кызд вылө.

Позис, дерт, сійөс лыйны, но киёй эз лыб тайөс вөчны. Вывті нин кажитчис мичаөн, донаөн.

И ог жалит, мед лэбалө.

*И. Коданёв.*

Кы в ъ я с: *Дурака шор, пищаль, кыддза, зеп, колөкө.*

### **Заданиеяс.**

1. Висьталөй, ветлывланныд-ө ті кыйсьыны.
2. Изложениесө пижөй коймөд морт нимсянь сетөм план серти:

#### **План.**

1. Кутшөм вөлі поведдяыс?
2. Мый вөчис вөралысь кыддза раскын?
3. Мыйла сы дорө пуксис сьола?
4. Кутшөмджык сійө вөлі?
5. Мыйла вөралысь эз лый сьөласө?

#### **ЯГЫН.**

Лесник Петрович — ар ветымын вита, тэрыб сёрниа косіник морт. Тулыснас сійө кытшовтіе ассьыс ыджыд

участоксö. Ставыс сэнi төдса, гөгөрвоана, быттьö оз ягтi мун, а гуляйтö аслас керка гөгöрыс.

Вель дыр нин муни лесник. А восьлавны колö на ылöдз. Радейтö сийö ветлöдлыны подөн. Қымын пöлс думьяс воласны юрад?

Неыджыд шор вуджём бöрын воис кос ягö.

Лесник ветлöдлис рытöдзыс. Поводдяыс вöли лөнъ да шоныд. Сынöдыс сöстём. Лунтыр лолалан — он пöт. Яг вомөн нюждöчöма уна рöма мегыр кодъ öшкамöшка. Öти помнас сийö мыджсьöма Эжваö, быттьö сэтысь васö юö, мöднас — видзьяс ылö.

Мичаöсь танi местаясыс. Танi пыр кос, весиг арся зэръяс бöрын. Небыдик яла ылын быдмöны вöсньыдик пожöмъяс. Нырад век öвтö сир дук. Яг шöрöдыс лун и вой тельгö-визувтö ичöтик варов шор. Ваыс сэнi кöдзыд-кöдзыд, тувччан кö кöмтöг — сотыштас кокъястö.

*И. Коданёв.*

*Қы в т я с: ар ветымын вита, быттьö, сунi-воши, лунтыр, мегыр кодъ öшкамöшка, сир дук, тельгö-визувтö, кöдзыд-кöдзыд.*

#### **План.**

1. Кодi сэтшöм Петровичыс?
2. Кутшöм вöли поводдяыс?
3. Кутшöм вöли ягыс?

#### **Задание.**

Пыртöй изложениеаныд татшöм предложение: **Яг вомөн нюждöчöма уна рöма мегыр кодъ öшкамöшка.**

#### **СЬÖД ТЫ ДОРЫН.**

Унаысь кевмысис Миша, медым Олег босьтис сийöс аскöдыс вöрö. Дырөн вокыслөн небзис жö сьöлöмыс.

Қык вок лунтыр ветлöдлысны вöрöд, чегъялисны пач чышкыны ньыв лыс, вундалисны рос вöчны ньөр. Мамыс, дерт, таысь ошкыны кутас.

Миша важөн мудзис, но терпитис, норасыны эз лысьт.

А вöрын сэтшöм гажа. Мыйсö сöмын эз аддзывны: кывзисны сьöлалалысь чипсöмсö, видзöдисны, кыдзи тар кокалис кыдз гарьяс. Дыр любуйтчисны сьöд сизь ылö.

Лун шöр бöрын пуксисны шойччыны. Нурьясыштитисны. Кутшöм чöскыдөн кажитчис рудзöг нянь да кöдзыд картупель.

Бöрсö найö мөдöдчисны Сьöд ты дортi. Паськыд ты пöшти ставнас нин кынмöма, дзесьсöма йи улö. Сöмын

шөрыс ичөтика восьса, сэтысь пуркйö-кайö тшын кодь ру.

— Кöч! Кöч!

— Чур, ме аддзи!— горзис Миша.

Кузь пель сэтшöма повзис челядысь да веськыда төвзис йöрданлань.

— Вöян! Бергöдчы!— шапканас шенасис Олег. Но гөгөрвоас öмöй кöчилыд мортыдлысь кывъястö.

И друг лои виччысьтöмтор: повзьöм кöч казялис восьсаинсö, но эз вермы сувтны шылбыд йи вылын да шливкнитис йöрданлань. Кöч бузгысис кодзыд ваö.

— Вöйи-и-и...— горöдис Миша.

А кöч, йисö чегъялигтыр, парсасис, мырсис кайны ваысь, но эз вермы. Недыр мысти сылы удайтчис кыпöдчыны йи вылö. Кöч важөн нин саялис-воши, а детинкаяс пыр на сулалисны öти местаын.

*И. Коданёв.*

*Кы в ъ я с: лунтыр, ныв, лун шөр, нуръясьыштісны, тшын кодь, йöрданлань, виччысьтöмтор.*

#### План.

1. Кытчö мунисны кык вок?
2. Мый найö аддзылисны вöрысь?
3. Кутшöмджык вöлі Сьод ты?
4. Кодöс найö аддзисны Сьод ты дорысь?
5. Виччысьтöмтор.

#### КÖРПИ.

Куим лун Емеля ветлöдліс Лыскокöд вөрöд и дзик весь: пьяна көр эз шедöдчы. А сійö кöсйысис висысь Гришуклы судзöдны вижиник көрпиöс.

Сöмын нельöд луннас найö веськалісны пьяна көр кок туй вылö.

— Лыско, корсь, донай!

Көр важөн казялис кыйсьысьöс, но збоя кыйöдис сылысь быд вөрзьöм.

«Тайö энныс ылöдлö менö пи дінсьыс»,— мөвпыштіс Емеля. Ачыс матыстчис пыр матöджык и матöджык.

Старик кöсйис метитчыны да лыйны, но көр виччысьмөн котöртыштіс некымын воськов да бөр сувтіс. Емеля бара кыссис аслас пищальöн.

Көр пыр öтарö дзевис көрписö. Пöрысь Емеля скöраліс да шензис көрлөн збойлун вылö.

Воськов комын сайын кымын сулаліс буретш сійö

вижиник көрпийс, код бөрся Емея вөтлысис дзонь куим лун. Тайо вөлі мичаник көрпи, виж гона, вөсны-дик кокъяса. Мича юрыс чатөртчөма бөрвыв.

Кыйсьысь лэптис пищаль куроко да метитчис весь-кыда юрас дзоляник животнойлы. Но тайо здукас пө-рысь кыйсьысьлы син водзас сувтис, кызди көр видзис көрпийсө.

Думыштис да лэдзис пищальсө. Көрпи ветлөдлсис кустьяс динти да йирис коръяссө. Емея шутөвтис, и дзоля көрпи воши кустьяс пөвстө.

Мөд луннас Емея матыстчө вөлі аслас керка динө. Уськөдчис сы динө Гриша:

— А... пөльо, вайин көрпитө?

— Эк, Гришук... Аддзыли... но эг вай. Виж гона көр-пийс, а ныр-вомыс сьод. Сулалө вөлі кустьяс динын да коръяссө йирө. Ме лөсьөдчи лыйны, но жалити ичөтик зверөс. Дай мамсө жалити. Ме шутөвти, а көрпи кызд тай лыйыштас кустьяс пөвстө. Пышйис удал кокыд!..

Кор найо водисны узыны, висьысь детинка некымы-нысь на юалис пөльыслысь көрпи йылысь. А сэсся ун-мовсис да войбыд вөталис дзоляник көрпийс.

*Д. Мамин-Сибиряк серти.*

*Кы в т я с: вижиник, көрпи, виччысьөмөн, некымын, збойлун, бөрвыв, дзоляник, ныр-вом.*

### **Задание.**

Коллективной лөсьөдөй план да сы серти гижөй дженьыдик изложение. Изложениеаныд пьртөй веськыд сөрния предложениеяс.

МЕ — ЧАПАЕВ.

Чапаевлөн отряд сулалис матын сийо сиктсаяныс, көни вөлины белоказакъяс. Но кор сиктөдз коли километрысь не унджык, матысса мыльк йылын кутисны вуджрасыны вөлаяс. Сап пемыдас он вермы вөлі төдмавыны асланым йөз али абу.

— Стрөйтчөй, лоөй дасьось!— ньөжйөник командуй-тис Василий Иванович да уськөдчис водзө.

Кор Чапаев локтис верзьөмаяс динө, сийо гөгөрвоис: тайо белөйяс. Найо вөлины Чапаев отрядысь кык пөв унджыкөнөсь. Чапаев эз шөйөвош, лэптис нагансө да горөдис:

— Ме — Чапаев! Шыблалөй оружиетө! Тиянөс кы-тшалөма!

Чапаевецъяс уськөдчисны асланыс командирлы отсөг вылө... Пленө сетчөм белоказакъяс пөвстын вөлины кык

офицер. Офицеръяс ордысь сюрины важной документъяс: картаяс, приказъяс, донесенияс.

— Меным буретш тайо ставыс и колö,— офицеръяс-лысь сумкаяссö босьтигмоз шуис Василий Иванович.

*В. Баныкин.*

*Кы въяс: белоказакъяс, вуджрасьны, ме — Чапаев, эз шойовош, босьтигмоз.*

#### План.

1. Чапаевецъяс сикт дорынöсь.
2. Вуджоръяс.
3. Кыдзи Чапаев ылöдлис белоказакъясöс?
4. Кутшöм трофейяс сюрисны чапаевецъяслы?
5. Мыйла висътыслы сетöма татшöм ним?

#### БАТЬЛÖН ГАЛСТУК.

*обращение*

Светланалöн батыс перйис чемоданысь прöстöй, сырйиссьöм помъяса гöрд галстук.

— Тайö галстукыслöн интересной история,— шуис батыс.— Кор ме вöли пионерöн, немецкой карын Берлинын мунис первойя международной пионерской слёт. Фашистъяс да полицейскойяс кöсийсны торкны слётсö: куталисны пионеръясöс граница дорын, туйяс вылын. Но слёт век жö чукöртчис. Витсё пионер став свет пасъта-сьыс чукöртчисны Берлинын, медым висътавны, кыдзи найö верстьö йöзкөд тшöтш тышкасьöны свобода вöсна, войналы паныд. Миянлы окота вöли висътавны, кыдзи Советской Союзса пионеръяс отсасьöны коммунистъяслы да комсомолецъяслы. Но врагъяс повзисны советской пионеръясысь, и миянöс эз лэдзны слёт вылö. Кор мукöд странаясса пионеръяс тöдмалисны та йылысь, найö мөдöдалисны ассыныс делегацияяс миянö. Ми тöдмасим накöд, кутим дружитны. Мукöд странаясса пионеръяс вайисны миянлы пöдарок пыдди ассыныс гöрд галстукъяссö. Тайö галстуксö сетис меным öти негр. Сэксянь ме сийöс век нöвлi да öни видза.

*С. Баруздин.*

*Кы въяс: международной пионерской слёт, верстьö йöз, делегация, сырйиссьöм.*

#### План.

1. Прöстöй галстук.
2. Первойя международной пионерской слёт.

3. Мирса пионеръяслөн делегацияс СССР-ын.

4. Иностранной пионеръяслөн пöдаркияс.

## МИТИПЕР ДЕД.

Митипер дед радейтö челядьöс. Сийö частö висътавлö налы гражданскöй война йылысь. Со и талун челядь кывзöны сылысь висътсö.

— Миян полкным сулалис Бадьдор сикт дорын. А сиктас вöлины белогвардеецъяс. Сиктыс мыльк йылын, некысянь сэтчö оз позь матыстчыны. Корис менö полкса командир да шуö: «Ме кöсъя сетны тэныд задание. Кык лун танi сулалам, а сиктсö ог вермöй босьтны. Колчаковецъяс лэптöмаöсь вичко кöлöкöльняö пулемёт. Ставсö шырёны сэтысянь. Колö мырддыны налысь пулемётсö».

Войнас ме öтнамөн мöдöдчи сиктö. Пемыд. Гөгөр шы ни тöv. Сиктöдзыс кысси дыр. А вичко дорын часövöй ветлöдлö öтарö-мöдарö. Гөгöрыс нэмövöйся кыз топольяс сулалöны. Ме матыстчи топольяс дорö. Видзöда: часövöйыс ме дорысь омöльдзык, ичöтджык. Ме уськöдчи сы вылö бөрвывсяньыс, тупки вомсö да кыски бокö. Пыри вичкоö. И ньöжйöник кутi кайны пос кузяыс. Сидзи и кайи кöлöкöльняöдзыс. Кöлöкöльня пытшкас пулемёт сулалö, а сы бокрын кык колчаковец куйлöны. Ме найöс кыкнаннысö прикладөн кучки.

Бвлаыс дзикöдз нин пемдiс. Но вылісяньыс бура тыдалö, кöни белöйяслөн окопъясыс... И заводитi ме найöс шырны. Белöйяс котралöны öтарö-мöдарö. Сэк костi и миян полкным воис. Ена и нöйтiм сэки белöйясöс. Асывнас ми босьтiм Бадьдор сикт.

В. Баталов серти.

Кы в тъяс: *Бадьдор сикт, некысянь, колчаковецъяс, кöлöкöльня, öтарö-мöдарö, нэмövöйся, бөрвывсяньыс.*

### План.

1. Бадьдор сикт дорын краснöйяс.
2. Командирлөн задание.
3. Митипер — вичко кöлöкöльня вылын. Белöйяслөн пулемёт белöйяслы паныд.
4. Бадьдор сикт босьтöма.

### Задание.

Изложениесö гижöй коймöд морт нимсянь.

Отчуд гражданскѣй война дырѣи туй кузя верзьѣ-  
мѣн муніс Будѣнный ординарецьскѣд. Делѣыс вѣлі  
рытѣявыв. Пырисны найѣ хуторѣ, а сѣні вѣломѣось бе-  
лѣйяс. Локтисны на динѣ белѣйяс. Ставныс погонаѣсь,  
сулалѣны да видзѣдѣны верзьѣмаяс вылѣ.

А Будѣнный да сълѣн ординарецьс вѣліны буркаа-  
ѣсь. Белѣйяс эз гѣгѣрвоны, кодѣяс тайѣ татшѣмѣясыс:  
казакѣяс али белѣйяс, кодѣяс новлѣны буркаяс жѣ.

— Мыйла тѣнад вѣлыдлѣн бѣжыс тшѣтшѣдѣма,  
кыдзи будѣнновскѣй вѣвѣяслѣн?

А Будѣнный малалѣ вѣвсѣ да шуѣ:

— Будѣнновецьяслысь мырддим.

Пуксисны пызан сайѣ. Ужнайтѣгѣн белѣй салдатѣяс  
ошѣысисны: «Ок и повтѣм Будѣнныйид! Мый дыра нин  
сѣйѣ мянкод воютѣт! Ми Будѣнныйтѣ тѣдам нин, уна-  
ысь нин ськод паныдасълім...»

Будѣнный да сълѣн ординарецьс ещѣ сѣйыштисны  
дай петисны вѣвѣяссѣ видзѣдлыны. Видзѣдѣны: некод  
матын абу. Чечыштисны вѣвѣяс вылѣ да лѣбыштисны  
степѣ. Воисны асланыс йѣз дорѣ. Дзик пыр жѣ Будѣн-  
ный нуѣдіс войскасѣ хуторѣ.

Петисны керкаясысь белѣйяс, кодѣ киас пань кутѣ,  
кодѣ улыс беллѣжѣежысь. Кутисны найѣ водзсасыны, но  
вѣлі сѣр нин. Будѣнновецьяс босѣйтисны найѣс пленѣ да  
сувтѣдісны стройѣ. Видзѣдліс на вылѣ Будѣнный дай  
шуис:

— Мыйла пѣрѣясынын, мый Будѣнныйѣс тѣданныд.  
Видзѣдѣны найѣ Будѣнный вылѣ да шензьѣны, ѣні  
на ѣд сѣйѣ накѣд ужнайтѣс.

А Будѣнный аддзѣ, мый сы водзын сулалисны прѣс-  
тѣй крестьяна, кодѣясѣс белѣйяс мырдѣн тшѣктисны  
служитны, да и шуѣ налы:

— Тѣянѣс, йѣйясѣс, пѣрѣйѣдлѣны белѣй генералѣяс.  
Мунѣй гортаныд да белѣйяслы сѣсся энѣ нин служитѣй.  
И лѣдзис найѣс гортаныс.

Кы в ъ я с: *верзьѣмѣн, ординарец, рытѣявыв, хутор.*

### Заданиеяс.

1. Отвѣтитѣй. тайѣ вѣпрѣсѣяс вылѣ:

1. Кыдзи веськаліс Будѣнный белѣйяс ордѣ?
2. Гѣгѣрвоисны-ѣ белѣйяс, мый на ордын Будѣнный?
3. Кутшѣм сѣрни пансис белѣйяс ордын?

4. Кызди Будённый да ординарецыс бөр пышынсы белöйяс ордысь?

5. Кызди Будённый да сылөн ёртъясыс босьтисны белöйясө пленö?

6. Мыйла Будённый лэдзис пленнöй белöй салдатъясөс?

II. Гижöй изложениесö дженьдöдöмөн сетём план серти да пыртöй сэтчö веськыд сёрниа предложениеяс.

### План.

1. Будённый ординарецыскöд белöйяс ордын.
2. Белöйяс ошйысьöны.
3. Будённый аслас отрядын.
4. Хутор будённовецъяс кыын.

### ПОВТÖМ ПАРТИЗАН.

Гражданскöй война дырйи Севернöй Кавказса гöраясын лои татшöм случай. Белöйяслөн выныс вöли ыджыд. Партизанъяс вöлины этшаöнöсь. Налы ковмис бöрынтычыны.

Найö шуисны мунны гöраясö. Но белöйяс вöтчисны — сийö и видзöд, суöдасны. А партизанъяслы колö нуны гöраясö семьянысö да скöтнысö. Сэки öти том партизан шуис, медым ставныс найö мунасны, а сийö кольччас да кутас белöйясөс лунтыр, а гашкö, и дырджык.

Партизанъяс ставныс мунисны, а том партизан Данел кольччис.

Векныдик трöпа весьтса скала вылын сулалис важ башня, көни Данел олис мамыскöд. Кор партизанъяс мунисны, сийö локтис мамыс динö да шуис:

— Ми тэкöд, мам, кутам видзны гöраясö туй, ого лэдзöй татчö белöйясöс.

Данел чукöртис башнясыс став оружиесö. Сюрис куим винтовка да кык ружье. Вöлины и патронъяс. Сийö сюялис винтовкаяссö да ружьеяссö башня öшиньясö да зарадиталис найöс. Сэсея шыасис мамыс динö:

— Мам, ме кута лыйсыны, а тэ ружьеяссö зарадитав.

Регыд трöпа вылын тыдовтчисны белöйяс.

Данел метитчис да лыйис. Сийö лыйлис разнöй öшиньяссянь да щельяссянь, медым кажитчис, мый башняяс уна йöз.

Белöйяс заводитисны дугдывтöг лыйсыны. Пуляяс сидзи и шутьялисны.

Данел лыйсис бура. Уна белöйöс сийö виис да рани-

тіе. Сэки белёйяс кутісны сөветуйтчыны, мый вöчны водзö. Найö шуисны ыстыны башняö сёрнитчöм вылö оружиетöм мортöс.

И вот Данел аддзö: трöпа кузя башнялань локтö морт.

— Эй,— горзö сійö,— пет кодкö öти, нинöм ог вöч, колö сёрнитчыны!

Данел сувтіе изъяе сайö да юалис:

— Мый колö, мый висьталан?

— Онö кö дугдöй лыйсьыны, ми öні жö сувтöдам пушка да тiянöс ставнытö лыйлам...

— Колö думыштны,— шуис Данел.

Вöлі рытгорув нин. Данел артыштiе, уна-ö коли патроныс,— патрон вöлі этша.

Сэки Данел горöдiе белёйяслы асьыс условиесö: кор пемдас — ми мунам.

Белёйлы лои нимкодъ, сійö чайтiе, мый партизанъяс повзисны пушкаысь, и радпырысь бөр мунiе аслас йöз дiнö.

Данел пырис башняö да пыр жö лöсьöдчис мунны гöраясö.

А белёйяс радысла войбыд сулалiсны öти местаын. А тайö каднас партизанъяс вöлины ылынöсь нин. Найö лöсьöдчисны выль тышъяс кежлö.

*Н. Тихонов серти.*

*Кы в ъ я с: Севернöй Кавказ, лунтыр, щельяс, шутьлялісны, уна-ö, радпырысь.*

### **Заданиеяс.**

I. Текстсö висьталöй сетöм план серти.

#### **План.**

1. Севернöй Кавказса гöраясын.
2. Том партизан Данел öтнасөн башняын.
3. Белёйяскöд Данеллөн тыш.
4. Белёйяс сёрнитчöны Данелкöд.
5. Партизанъяс ылöдiсны белёйясöс.

II. Гижöй выборочнöй изложение сы йылысь, кызди Данел öтнасөн тышкасьö белёйяскöд.

## СОДЕРЖАНИЕ

Водзкыв . . . . .	3	Тигрпи . . . . .	22
<b>1 класс</b>		Сир . . . . .	23
Миян класс . . . . .	5	Жугёдём тасьті . . . . .	23
Чери . . . . .	5	Кёр . . . . .	24
Ичот ур . . . . .	5	Медводдза коми книга . . . . .	24
Кык пу . . . . .	6	Гортса библиотека . . . . .	24
Вёрын . . . . .	6	Лев да руч . . . . .	25
Ёртыяс . . . . .	6	Туй дорын памятник . . . . .	25
Катя да Маша . . . . .	6	Олеко Дундич йылысь . . . . .	26
Катшыс пон . . . . .	7	Будённыйлөн ус . . . . .	26
Медся бур . . . . .	7	Василий Кисляков . . . . .	27
Ёж . . . . .	7	Куимён космосын . . . . .	27
Коньки . . . . .	8	Менам көрбөкай . . . . .	28
Школаё мунтөдз . . . . .	8	Руч да ручпийн . . . . .	28
Детскөй сад . . . . .	8	Петя . . . . .	29
Гожся асылын . . . . .	9	Шоньд зэр . . . . .	29
Град йөр . . . . .	9	Слөнъяс . . . . .	30
Дед да челядь . . . . .	9	Бобувъяс . . . . .	30
Руч . . . . .	10	Пуръясысыяслөн посёлок . . . . .	31
Жучка . . . . .	10	Ар пом . . . . .	31
Сыктывкар . . . . .	10	Төв повзёдчө . . . . .	31
Миян Рөдина . . . . .	11	«Доктор» . . . . .	32
Каньпи . . . . .	11	Гожомын видз вылын . . . . .	32
Ичотик льом пу . . . . .	11	Космосын морт . . . . .	33
Пөдругаяс . . . . .	12	Вильыш ошпи . . . . .	33
Елка . . . . .	12	Пуяс садитөм . . . . .	34
Лым чиръяс . . . . .	13	Дималөн чашка . . . . .	34
Живөй уголок . . . . .	13	Турун пунктөм . . . . .	35
Кормушка . . . . .	13	Вьюн . . . . .	35
Володя Ульянов . . . . .	13	Отсасысыяс . . . . .	36
Чавкан да гулю . . . . .	14	Ош да вертолёт . . . . .	36
Пышкой . . . . .	14	Шушь ю дорын . . . . .	37
Надя да Лизук . . . . .	15	Первойя зэрөдз . . . . .	37
Гычпи . . . . .	15	Библиотека . . . . .	38
Лым көч . . . . .	15	Көрпи . . . . .	38
Гажа лун . . . . .	16	Пышкой йылысь . . . . .	39
<b>2 класс</b>		Светлана . . . . .	40
Огурец да капуста . . . . .	17	Двойка . . . . .	40
Первой чери . . . . .	17	Асланыс колхозлы . . . . .	41
Тополь . . . . .	18	Лэбачьяслы керкаяс . . . . .	41
Со и гожөм . . . . .	18	Қлякаяс . . . . .	42
Тшак вотөм . . . . .	18	Куим ёрт . . . . .	43
Зэр . . . . .	19	Боты . . . . .	43
Чикышъяс . . . . .	19	Сурка . . . . .	44
Чоя-вока . . . . .	19	Виччысьоны скворечьясөс . . . . .	45
Мамлөн удж . . . . .	20	Салдатскөй юкмөс . . . . .	45
Первой космонавт . . . . .	20	Динка . . . . .	46
Булька . . . . .	20	Кань да ёж . . . . .	46
Тулыс . . . . .	21	Смел детинка . . . . .	47
Чашка . . . . .	21	Январь скөралө . . . . .	48
Бадь . . . . .	22	Тöлын вуграсьөм . . . . .	48
		Чапаев олөмысь . . . . .	49
		Щорс йылысь висьт . . . . .	49
		Ловъя шляпа . . . . .	50

Дöллöд пионерскöй флаг . . . . .	51	Петя да Витя . . . . .	73
Валя . . . . .	51	Опаснöй случай . . . . .	73
Сьбляяс . . . . .	52	Честнöй ленинскöй . . . . .	74
Тулыслөн воём . . . . .	53	Чавкан . . . . .	75
Ошкöд паныдасьлём . . . . .	54	Лым . . . . .	76
Знамя . . . . .	54	Тöвся вөр . . . . .	77
Сöветскöй морякъяс . . . . .	55	Владимир Ильичлөн че- лядьдырся кад . . . . .	78
<b>3 класс</b>		Кызди Светлана спаситё мортöс . . . . .	78
Коми му . . . . .	56	Метро . . . . .	79
Мортлөн кок туй . . . . .	56	Пичугинлөн пос . . . . .	80
Вөр . . . . .	57	Сюсь лэбач . . . . .	81
Сад кутас быдмыны . . . . .	57	Эз сетчыны челядь скöр турöблы . . . . .	82
Ар . . . . .	58	Шойччанин . . . . .	83
Му шар гөгөр . . . . .	59	Памятник . . . . .	83
Тешкодъ дружба . . . . .	59	Ичöтик партизанка . . . . .	84
Кор кит öбедайтö . . . . .	59	Салдат сулалё пост вы- лын . . . . .	85
Аляскаын памятник . . . . .	60	Виктор Иванович Лоба- нов — Сöветскöй Союза Герой . . . . .	86
Арся поводдя . . . . .	61	Связь восстановитöма . . . . .	86
Кöни ёжыс . . . . .	61	Максимка . . . . .	87
Медся джуджыд ты . . . . .	62	Том партизанъяс . . . . .	88
Му шар вылын медся кöдзыд места . . . . .	62	Герой нимөн . . . . .	89
Эжва . . . . .	63	Дозорын . . . . .	90
Поход . . . . .	63	Выль туйяс . . . . .	91
Кыйсьöм эз удайтчы . . . . .	64	Зэр . . . . .	92
Парма вестын . . . . .	65	Пышкай . . . . .	93
Юсьяс да дзодзөгъяс . . . . .	65	Сьöла бöрся . . . . .	94
Важся олöмысь . . . . .	66	Ягын . . . . .	94
Лэбалысь ур . . . . .	67	Сьöд ты дорын . . . . .	95
Выль нимъяс . . . . .	67	Кöрпи . . . . .	96
Визувтöны юяс . . . . .	68	Ме — Чапаев . . . . .	97
Пармалөн друг . . . . .	69	Батълөн галстук . . . . .	98
Лев Николаевич Толстой . . . . .	69	Митипер дед . . . . .	99
Саша Матросов олöмысь . . . . .	70	Будённый йылысь висёт . . . . .	100
Володя Кузьминлөн под- виг . . . . .	71	Повтöм партизан . . . . .	101
Мирнöй лунъясса герой . . . . .	71		
Йи чой вылын . . . . .	72		

**Лия Владимировна Барышева  
Анна Семёновна Мозымова**

### СБОРНИК ИЗЛОЖЕНИИ

На коми языке

Редактор — А. Морозова. Технический редактор А. Вишнева.  
Корректоры Е. Сидорова и А. Надуткина.

Сдано в набор 28/II-1975 г. Подписано к печати 18/IV-1975 г.  
Формат 84×108<sup>1</sup>/<sub>32</sub>. Бум. л. 1,625; печ. л. 5,46. (уч.-изд. л. 5,47). Заказ № 2141.  
Тираж 1000. Цена 15 коп.

Коми книжное издательство. Сыктывкар, Дом печати

г. Сыктывкар, Республиканская типография Управления по делам изда-  
тельств, полиграфии и книжной торговли Совета Министров Коми АССР



15 коп.